

পণ্ডিত  
বিদ্যাসাগর

শ্রীহরিদাস চক্রবর্তী

কমাৰ্শিয়াল প্ৰিণ্টাৰ্শে  
শ্ৰীভাৰাপদ বসু দ্বাৰা মুদ্ৰিত ও প্ৰকাশিত

মূল্য দুই টকা

## সন্ধ্যা, রাণু, শিশির,

ছাপা থেকে প্রথম কয়েক পৃষ্ঠা হাতে পেয়েই তোমরা খুঁশ হয়েছিলে  
ব্যস্ত হয়েও উঠেছিলে বিস্মিত ব্যবস্থায়। শ্রীপরেশ সান্যাল,  
শ্রীপরিমল রায চৌধুরী ও শ্রীতারাপদ বসুর সাহায্যে, পুস্তকাকারে  
আলোকে পেকাশ সম্ভব হয়েছে। যুদ্ধের বাজারে সব জিনিষের মত সমস  
● তুল্য ; ব্যস্ততার মাঝে 'চ' চারটি ভুল ক্রটিতে অপরাধ নেই।

“বিদ্যাসাগরের উপার্জিত সম্পত্তি লইয়া আমরা নাড়াচাড়া করিতেছি।”

( বঙ্কিমচন্দ্র )

“এই অবমানিত দেশে ঈশ্বরচন্দ্রের মত এমন অখণ্ড পৌরুষের আদর্শ  
কেমন করিয়া জন্মগ্রহণ করিল - বলিতে পারি না” ( রবীন্দ্র নাথ )

—“সাগরে যে অগ্নি থাকে কল্পনা তা নষ

তোমায দেখে অবিশ্বাসীর হয়েছ প্রত্যয়”

( সত্যেন্দ্র নাথ )

যন তমসাঃ যুগে বিদ্যাসাগর লোকোত্তর প্রতিভা, ঋষি কল্প দৃষ্টি নিষ জন্মে  
ছিলেন। তখন দেশ অশিক্ষা, কুসংস্কার, অল্পসার শূন্য সভ্যতা আর অন্ধ  
পরামর্শের মোহে আচ্ছন্ন ছিল। বিদ্যাসাগর সেই মোহ থেকে মুক্তি মঙ্গ  
পড়েছেন, অশিক্ষার অজ্ঞান ঘেঁটে বিদ্যারত্ন আহরণ করেছেন—সমুদ্র  
মস্থন করে সাহিত্যামৃত বন্টন করেছেন—পুরুষ সিংহের মত তিনি ধর্ম্মাঙ্কতা  
ও প্রচলিত প্রথাকে আঘাত করেছেন। রামকৃষ্ণ—রামমোহনোত্তর  
বাংলার বিদ্যাসাগর একটা সমস নিয়ামক স্তম্ভ। পুনোরুত্থান যুগের তিনিই  
সূচনা।

যুদ্ধোত্তর পৃথিবী মতবাদের ঘনে, কলুষিত। দিশাহারা মানুষের আত্ম  
প্রত্যয় কর্তব্য-বুদ্ধি বিভ্রান্ত। মতের চেয়ে মানুষ বড় ; আমরা একটা  
বিরাট মানবতা খুঁজে পাই বিদ্যাসাগরের মাঝে।

বিদ্যাসাগরের ব্যক্তিত্ব—বিধবা বিবাহের নিষ্ফল প্রচেষ্টা নষ ; দীন  
দুঃখীর অস্ত্র অসীম কারুণ্য ও নর, শিক্ষার প্রতি তার মমতাই তাঁকে  
মহিয়ান করেছে।

অকৃত্রিম ভাণ্ডে যে শিক্ষা বত গ্রহণ করে ছিলেন,—পণ্ডিতের শৈশব কর বছরের জীবনে তাহাই রূপ দিতে চেষ্টা করেছি। পণ্ডিতকে সার্থক নামা কবেছে শিক্ষার সাধনা। তাঁর কল্প প্রতিভা—অতিক্রম করেছে গতানুগতিক পথকে পাবি পার্শ্বিকতার প্রভাব তাঁকে ক্ষুণ্ণ করতে পারেনি। সময়ের স্রোত তিনি অস্বীকার করে চলেছিলেন তাই তিনি বিদ্বান।—তিনি মহৎ—তাঁর জীবন আদর্শ।

আদর্শ চবিত্র বহুল প্রকাশের প্রয়োজন আছে। আর প্রচার সফল হয় লোকসাহিত্যে। এই সহজ উপায়ে সূক্ষ্ম সময় নির্মাণ ও ঘটনার পারস্পর্য্য বিচারকে এঁড়িয়ে গেছি।

মহৎ জীবনের আলোচনাব বিপদও আছে। মূঢ়তা বশে চরিত্র ক্ষুণ্ণ হয়—আবার পার্শ্বিক চরিত্রগুলির উপর অবিচারও হয়। এই সবই নাটকীয় প্রয়োজনে করতে হয়েছে—তা বলে তাদের মহৎ সন্দেহ প্রকাশ আমার উদ্দেশ্য নয়।—

ঈতিপূর্বে এবিষয়ে আর এক খানি নাটক রচিত হয়েছে।—সাগরে বিদ্যাবতীর অভাব নেই। “—যতই করিবে দান তত যাবে বেড়ে—” পণ্ডিত বিদ্যাসাগরের আখ্যান ভাগ এই।—তাঁহার মহৎ এবং শ্রেষ্ঠ ঐখানে।

শুধু—নাট্যের দিক ভেবেই এই বই লিখিনি। তোমাদের কথা মনে করে—একে সুপাঠ্য করতেও চেষ্টা করেছি। তোমাদের কাছে—পণ্ডিত বিদ্যাসাগর শুধুই আদর্শ নয়—আদরনীয় ও হবে।

কলিকাতা।

বিদ্যাসাগর জন্মতিথি,

১৩৫৩ সাল।

তোমাদের—কাকামণি

বই থেকে সাহায্য নিয়েছি :

রামতনু মাহিষী ও তৎকালীন বঙ্গসমাজ— শিবনাথ শাস্ত্রী

বিদ্যাসাগর— শঙ্কুচন্দ্র বিদ্যারত্ন

বিদ্যাসাগর—চণ্ডীচরণ বন্দ্যোপাধ্যায়

বিদ্যাসাগর ( নাটক ) বনকুল

বিদ্যাসাগর প্রসঙ্গ—ব্রজেন্দ্র বন্দ্যোপাধ্যায়

বিদ্যাসাগর ( প্ৰবন্ধ ) রবীন্দ্রনাথ ঠাকুর—

বিদ্যাসাগর ” হরপ্রসাদ শাস্ত্রী

বাংলা অভিধান—সুবল চন্দ্র মিত্র

স্বরচিত জীবনী

ঈশ্বরচন্দ্র গুপ্তের গ্রন্থাবলী

মাইকেল মধুসূদন দত্তের গ্রন্থাবলী

সংবাদ পত্রে সেকালের কথা—

বঙ্কিম চন্দ্রের গ্রন্থাবলী—

রাম প্রসাদ—সঙ্গীতাবলী

ঈশ্বরচন্দ্র বিদ্যাসাগরের বিবিধ গ্রন্থ—

কালীদাসের গ্রন্থাবলী—

বাংলা ভাষা ও সাহিত্য—দীনেশ সেন,

এবং আরো অনেক—

## পণ্ডিত ঈশ্বরচন্দ্র বিদ্যাসাগর

ঠাকুরদাস বন্দ্যোপাধ্যায় ; দীনবন্ধু ; শঙ্কুচন্দ্র ; নারায়ণ ।

শঙ্কুচন্দ্র বাচস্পতি, শঙ্কুচন্দ্র বিদ্যারত্ন ; প্রেমচাঁদ তর্কবাগীশ ।

মদন মোহন তর্কালঙ্কার ; রাজকৃষ্ণ বন্দ্যোপাধ্যায় ;

ডাঃ দুর্গাচরণ বন্দ্যোপাধ্যায় ; ভূদেব মুখোপাধ্যায় ; হরপ্রসাদ শাস্ত্রী ।

রেঃ কৃষ্ণমোহন ব্যানাজী ; রামগোপাল ঘোষ ; রাধানাথ শিকদার

প্যারীচাঁদ মিত্র ডাঃ নবকুমার বন্দ্যোপাধ্যায় ; কালীকান্ত চট্টোপাধ্যায় ।

মিঃ ছালিডে ; মিঃ মার্শেল ; মিঃ বেথুন ।

মাতঙ্গীপদ ভট্টাচার্য্য ; শ্রীমন্ত, ; হারাধন ;

মতিবাবু ; তিনকড়ি ; সনাতন ;

রামলোচন ; চাপরানী ;

পিত্তন, গ্রামবাসী, পণ্ডিত,

শুঙা, দারোয়ান ;

সহকারী ; ছাত্র ও

সাঁওতালগন ।

ভগবতী দেবী

দীনময়ী ; ভবসুন্দরী ; বিরজা ; কালীভারা ; উম্মাদিনী ।

---

# পণ্ডিত বিদ্যাসাগর

১ম অঙ্ক

১ম দৃশ্য

ঠাকুরদাস বন্দ্যোপাধ্যায়ের বসত বাড়ীর কক্ষ।

অভ্যন্তরে অতি সামান্য আসবাব, বিদ্যাসাগর চিন্তা করিতেছেন আর মাঝে মাঝে খাগের কলম মুঠি করিয়া ধরিয়া লিখিতেছেন

স্ত্রী দীনময়ী প্রবেশ করিল

দীনময়ী। বেলা যে অনেক হ'লো, এবার উঠবে না ?

বিদ্যাসাগর। ( মুখ না তুলিয়া ) হ—

দীনময়ী। হ,—কি গো ? বেলা যে পড়ে এলো। স্নান নেই, খাওয়া নেই, অমন করলে শরীর টিকবে নাকি ?

বিদ্যাসাগর। এই ঘাই—

দীনময়ী। ( সন্মুখে—একেবারে গায়ের উপর আসিয়া দাঁড়াইয়া ) না, ওঠ এইবার। দেখ্‌ছো শরীরটা কি হচ্ছে ?

বিদ্যাসাগর। শরীরের কথা বলছো, নতুন বোঁ ? সারাজীবন এমনি ভাবে চলছে—জীবন সংগ্রাম—

দীনময়ী। ( ঝাঁজে ) আমরা কি বড় লোকের ঝি ? আমাদেরও খেটেই খেতে হয়েছে।

বিদ্যাসাগর। তা ঠিক। তবু আমি তখন বালক ছিলাম—

দীনময়ী। কষ্ট করে বিদ্যা শিখেছিলে, ভাল চাকরীও পেয়েছিলে। সেই চাকরী ছেড়ে দিলে কেন ?

বিদ্যাসাগর। কেন? সম্মান। মর্যাদা খুঁইয়ে আমি চাকরী করতে পারি না দীনময়ী! অর্থের জন্ত এই দাসত্বকে আমি স্বীকার করি। এতে কি তুমিই খুসী হতে—নতুন বোঁ?

দীনময়ী। দুঃখ কেন? চাকরীর জন্তই তো বিদ্যা শিক্ষা। তাই যদি না হ'লো, সেই চাকরীই যদি না করবে—তবে এত বিদ্যা শিক্ষা কেন?

বিদ্যাসাগর। কেন? কি বলছো তুমি?

দীনময়ী। ঠিকই বলছি। আমার পিতা গরীব ছিলেন। তুমি লেখাপড়া শিখেছ দেখে তোমার হাতে আমাকে দিইছিলেন মেয়ে মুখ পাবে। কিন্তু কি মুখ পেয়েছি? একখানি ভাল শাড়ী? এই দেখ আমার হাতগুলি খালি।

( হাত তুলিয়া দেখাইল )

বিদ্যাসাগর। তুমি শাড়ী—গহনা চাও দীনময়ী?

দীনময়ী। কেন চাইব না? সব মেয়েই তা চায়।

বিদ্যাসাগর। ও—মা, মা।

( বিদ্যাসাগর উত্তেজনার ডাকিতে লাগিলেন। ভগবতী দেবী প্রবেশ করিলেন—লাল শাড়ী পরিধানে, হাতে দুইগাছি মাত্র শাখা )

ভগবতী। বাবা!

বিদ্যাসাগর। এই আমার মা। মা, তোমার বউ বলছে—প্রত্যেক নারীই গহনা চায়। না, তা চায় না। একদিনের গল্প শোন। তখন পিতামহ নিরুদ্দেশ। পিতা অতি সামান্ত বেতনে কলিকাতার চাকরী করেন। কোনক্রমে মাসে দুইটি টাকা সংসারের খরচ নির্বাহের জন্ত পাঠান, তাতেই পিতা-



মহী ও তাঁর পুত্র বধুর দিন যায়। মাসের শেষে অনেকগুলি দিন অনাহারেও যায়। —সেই দিনে গৃহে অতিথি এলো। পিতামহীর এমন কোন পূঁজি নেই, যাঁ দিয়ে সেইদিনে অতিথি সৎকার হ'তে পারে। অথচ তাদের কাছে অতিথি নারায়ণ। নতমুখে বধু সব দেখলে,—বুঝলে। তারপর নীরবে শেষ সম্বল হাতের দুই গাছি রূপার রুলি খুলে শাশুরীর হাতে দিলে। —আর সেই রুলি বাঁধা দিয়ে সেই দিন অতিথি সৎকার হয়েছিল, বুঝেছ ?

ভগবতী : বাবা।

বিদ্যাসাগর। হ্যাঁ—সে আমার মা। আমার এই স্বর্গাদপি গরীষ্মী মা।  
আর তুমি তার পুত্রবধু।

ভগবতী। পাগল ! তুই আজ স্নান করবিনে ? তোর খাওয়া নেই ?—  
বিদ্যাসাগর। এই যে—যাই মা।

ভগবতী। তুমিও যাও বোমা, ওকে খেতে দাও।

( দীনময়ী বাহিরে গেল )

এসব তোর কি হচ্ছে বাবা,—সারাদিন এই পুঁথি পতুর নিয়ে নাওয়া খাওয়া সব ভুলে আছি—

বিদ্যাসাগর। মা, আমরা বাঙালী জাতি, সভ্যতার গর্ব করি। অথচ সভ্যতার বাহন যে ভাষা, সেই ভাষা আমাদের ভবিষ্যত বংশ-ধরদের শিক্ষা দেবার কোন ব্যবস্থাই নেই। একটা বিদ্যালয় নেই, ছেলেদের হাতে দিতে পারি এমন একখানি বই নেই। আছে কদাচার আর কুসংস্কার। শিক্ষা না পেলে এই জাতির মুক্তি নেই।

ভগবতী। হ্যাঁ বাবা, আমরা মূর্খ।

বিদ্যাসাগর । শিক্ষাহীন আর স্বাস্থ্যহীন একই । মা, এই শিক্ষাকেই আমি  
 জীবনে পুণ্য ব্রত রূপে গ্রহণ করেছি । তুমি আশীর্বাদ কর ।  
 ভগবতী । এ আমার সৌভাগ্য বাবা । তোর সাধনা সার্থক হোক ।  
 বিদ্যাসাগর । পৃথিবীর আলো তুমিই আমাকে প্রথমে দেখিয়েছিলে—  
 জ্ঞানের আলোও তুমিই জ্বলে দিয়েছ, সে আলোর বৃত্তিকা  
 বহন করার শক্তি পাবো তোমার আশীর্বাদে :

( ভ্রাতা দীনবন্ধু প্রবেশ করিল )

দীনবন্ধু । শুনেছ দাদা—নবকুমার ডাক্তার শচী বামনী'র অশ্বখ  
 গাছটার কি দশা করেছে ?

বিদ্যাসাগর । কি হয়েছে দীনবন্ধু ?

দীনবন্ধু । নাড়াজোল রাজ বাড়ীর ডাক্তার হ'য়ে, হাতী চেপে গায়ে  
 এসে, বড়লোকি দেখানো—তা বাপু আমাদের অশ্বখ গাছটা  
 কেন ? ঠাকুমা ঐ গাছ প্রতিষ্ঠা করতে - ভারি উৎসব করেন  
 আর তুই বাপু—

ভগবতী । গাছটার কি করেছে ?

দীনবন্ধু । গাছটার একটা ডালাও রাখেনি । কেটে সব হাতীকে দিয়েছে ।

বিদ্যাসাগর । তোরা সব ছিলা কোথায় ?

দীনবন্ধু । আমরা নিষেধ করেছিলাম—

বিদ্যাসাগর । ( রেগে—দাঁড়িয়ে ) তবু কাটলে ? তোরা মর । মরতে  
 পারিস্নি ? তখন আমি লাঠি হাতে স্বয়ং দাঁড়িয়ে থেকে  
 গাছ রক্ষা করবো । শ্রীমন্ত—শ্রীমন্ত, না—তুই—ই যা ।  
 ডেকে আন নবকুমারকে । আম্পর্ক !

( দীনবন্ধু বাহিরে গেল )

ভগবতী । বাবা !

বিদ্যাসাগর । মা, আমার পিতামহীর প্রতিষ্ঠিত গাছ, আমি জীবিত থাকতে কাটলে—অথচ একদিন এই নবকুমারকে—

( বিদ্যাসাগর বসিয়া পুস্তকে মন দিলেন )

ভগবতী । ও কিরে, তুই আবার বসলি ?

বিদ্যাসাগর । এই ষাট মা । ( হারাধন হিসেবের খাতা বগলে প্রবেশ করিলে ভগবতী দেবী বাহিরে গেল )

বিদ্যাসাগর । আরে কে ? হারাধন খুড়ো যে, এস, এস, বসো । এই— এইখানে বসো । ( তক্তার পার্শ্বে অঙ্গুলী নির্দেশ করিলেন )

হারাধন । তা বসছি বাবা—তুমি নেকাপড়া করছো কর । এইপথে তাগাদায় যাচ্ছিলেম—

( শ্রীমন্তের প্রবেশ )

শ্রীমন্ত । বড় বাবু—আমাকে ডাকলে— ?

বিদ্যাসাগর । তোকে— ? না ।

শ্রীমন্ত । তোমার নাওয়া খাওয়া নেই ? ( হতাশ ভঙ্গি )

বিদ্যাসাগর । হ্যাঁ—যাচ্ছি । এ জাতি ডুববে । ডুববে না কেন বলতে পারো, খুড়ো ? জাতির শিক্ষা নেই—শ্রদ্ধাও নেই । এতখানি মুখ আমরা, নিজেদের ভাল মন্দ বুঝিনে । বুঝেছ খুড়ো ?

শ্রীমন্ত । তা মুদির পো তুমি—এমন অসময়ে— ( অপ্রসন্ন মনে বাহিরে গেল )

বিদ্যাসাগর । আরে—খুড়ো বসে আছে, ছিরু ছিরু—খুড়োকে তামাক দে ।

হারাধন । দেখ, বাবা, ছেলেটাকে নিয়ে ভাবনায় পড়েছি। মুদির ছেলে অভ হাজ্জাম। কেন বাপু,—না সে নেকাপড়া শিখবে—  
বুঝেছ আজ সবাই বিদ্যাসাগর হবে ! ( হাসি )

বিদ্যাসাগর । ( হাসিয়া ) কেন হবে না খুড়ো ? ঐ তোমাদের দোষ, এই করেই দেশের সর্বনাশ করলে। মুদির ছেলে বলে লেখাপড়া শিখবে না কেন ?

হারাধন । দরকার কি বাপু নেকাপড়া শিখে ? জাত ধর্ম খোঁয়াবে। তখন আর এই মুদির দোকান মাথায় বয়ে, হাট করতে মনে ধরবে ? অপমান হবে। লাভ হবে সহরে গিয়ে বাবুয়ানি শিখে আসবে।

বিদ্যাসাগর । তা কেন খুড়ো—? শ্রদ্ধা আসে শিক্ষা থেকে, সংশিক্ষায় কখনও বিপথগামী হয় না। বরং সামাজিক কর্তব্যজ্ঞান বাড়বে।

( এই সময়ে ঠাকুরদাস খরম পায়ে ঢুকিলেন )

ঠাকুরদাস । বাবা ঈশ্বর,—আরে হারাধন যে—এইখানে বসে আছ ? খালিমুখে ? তামাক কই ? ছিঁড়ে—

হারাধন । না কত্তা, এখন গিয়েই চান-আহার হবে, এখন আর তামাক নয়।

ঠাকুরদাস । কি যে বল হারাধন, তৈল তামাক উকণ তবে না স্নানের লক্ষণ। ( হাসি ) আগে তামাক চাই। একটা নেশা, হাঁ, একটা নেশা না হ'লে পুরুষের চলে না। তা অনেকদিন এদিকে তোমাকে দেখি নি ?

হারাধন । হাঁ কত্তা—তা আছেন ক্যামন ?

( ল )

ঠাকুরদাস শমনের অপেক্ষা এখন। (হাসি) হাঃ হাঃ—কেটে যাচ্ছে।  
দিন যায় আর রাত্রি আসে—

(এই সময়ে দীনবন্ধুর সঙ্গে ডাঃ নবকুমার  
প্রবেশ করিল)

ও—আচ্ছা, চল হারাধন, আমার ঘরে বসবে। এরা সব  
লেখাপড়া জানা লোক। আমরা মুর্থ বোকা, কিন্তু তাও  
জেনো হারাধন, ঐ বিদ্যাসাগরকে একদিন এই শর্ম্মারামই  
হাতে ধরে লেখাপড়া শিখিয়েছে। এখন সে মস্ত পণ্ডিত—  
বিদ্যাসাগর—হাঃ হাঃ— (হাসিতে হাসিতে হারাধন ও  
ঠাকুরদাস বাহিরে গেলেন)

বিদ্যাসাগর। এস নবকুমার, ভাল আছে। ?

নবকুমার। কিন্তু একি আপনার ব্যবহার—একটা মুদি, অতি সামান্য  
লোক—তাকে নিজের ঘরে তক্তার উপরে বসাতে আপনার  
লজ্জা বোধ হয় না ?

বিদ্যাসাগর। তোমাদের খান কয়েক চেয়ার আছে, তোমরা বড়লোক।  
কিন্তু আমি দরিদ্র। এদের সঙ্গে মিশে আমি যত খুসি  
হই, বড়লোকদের সঙ্গে তত তৃপ্তি পাই না। আমার  
সঙ্গে বসলে তোমার যদি নিন্দা হয়—আর এস না।  
আমার নিকট ধনী দরিদ্র সমান।

নবকুমার। আমাকে কেন ডেকেছেন ?

বিদ্যাসাগর। কৈ ? আমার কোন প্রয়োজন ছিল মনে পড়ছে না তো !

দীনবন্ধু। সেই অশ্বথ গাছ—পিতামহীর প্রতিষ্ঠিত—

বিদ্যাসাগর। ও—হাঁ, নবকুমার, তুমি আমার পিতামহীর প্রতিষ্ঠিত  
অশ্বথ গাছের ডালা কেটে হাতীকে দিয়েছো ?

নবকুমার । ষায়গাটা আমাদের ছিল -

বিদ্যাসাগর । না । আমার পিতামহী ষায়গা কিনে নিয়েছিলেন ।

দীনবন্ধু । গাছ প্রতিষ্ঠায় ভারী উৎসব করেছিলেন ।

নবকুমার । তা হাতী—

বিদ্যাসাগর । হাতীর কথা বলছো আমাকে ? নবকুমার, আজ হাতী চড়ার যোগ্য হয়েছো, কিন্তু কার জন্যে ? তোমাকে ডাক্তারি শিখবার খরচ আমি দিয়েছিলাম না ? আজ তুমি নাড়াজালের বাড়ীর ডাক্তার । কিন্তু জিজ্ঞেস করি, কার দৌলতে সে কাজ পাওয়া তোমার পক্ষে সম্ভব হ'লো ? এই বুঝি কৃতজ্ঞতা ?

নবকুমার । আমি ভেবেছিলাম—

বিদ্যাসাগর । কি ভেবেছিলে তুমি ? আমার পিতামহ রামজয় ঠাকুরের ভয়ে বাধে গরুতে এক ঘাটে জল খেতো । একদিন তিনি একা বীরসিংহা থেকে মেদিনীপুর যাচ্ছিলেন । পথিমধ্যে এক ভল্লুক তাঁকে আক্রমণ করে । শুনেছ সেই গল্প ? তাঁর হাতের সেই লৌহ দণ্ডটির প্রহারে ভল্লুক তৎক্ষণাৎ পঞ্চত্ব প্রাপ্ত হয়েছিল । আমি সেই পিতামহের 'এঁড়ে' বাছুর মনে রেখো ।

নবকুমার । আমি —

বিদ্যাসাগর । তোমার এই আচরণের কথা শুনবার পূর্বে আমার মৃত্যু হ'লে সৌভাগ্য মনে করতাম । আমি তোমাকে মানুষ করে তুলেছি,—আর সেই তুমি আমার কৃতি সাধনে উদ্যত—

নবকুমার । হাতীটা বাধা না মেনে—

বিদ্যাসাগর। যাও তুমি। আর মনে রেখো, আমি কারো ভোয়াক্ক  
রাখি না। ভারতবর্ষে এমন রাজা নেই—যার নাকে এই  
চটা পায়ে ঠক্ করে লাথি না মারতে পারি।—যাও।

(দীনবন্ধু ও নবকুমার বাহিরে গেলে—  
শম্ভু চন্দ্র একখানি চিঠি হাতে প্রবেশ  
করিল।)

শম্ভু। দাদা!

বিদ্যাসাগর। স্পর্ধা।

শম্ভু। তোমাকে সংস্কৃত কলেজে অধ্যক্ষ নির্বাচন করে চিঠি  
দিয়েছে।

(ঈশ্বর চন্দ্রের মুখ উজ্জ্বল হইল)

বিদ্যাসাগর সংস্কৃত কলেজ—আমার ছাত্র জীবনের স্মৃতি বিজরিত।  
পূজনীয় অধ্যাপকগণের কেউ কেউ হয়ত এখনও সেখানে  
আছেন! মা—মা— (বিদ্যাসাগর বাহিরে গেল—শম্ভু  
অনুসরণ করিল)

### দ্বিতীয় দৃশ্য

কালীকান্ত চট্টোপাধ্যায়ের খণ্ডরালয়।

কালীকান্তের শ্যালক রামলোচন প্রবেশ করিল।

রামলোচন। দিদি—দিদি!

(হস্তদস্ত হইয়া কালীকান্তের স্ত্রী বিরজা  
দেবী প্রবেশ করিল)

বিরজা। কি ভাই?

রামলোচন। বলি,—এসব কি হচ্ছে?

বিরজা। কেন? কি হ'লো?

রামলোচন। গুণধরী মেয়ের কীর্তির কথা বলছি, সে যে বিদ্যেধরী হতে চললো।

বিরজা। কেন? কি হয়েছে? কি করেছে ভব?

রামলোচন। কি আবার? পিণ্ডি চট্কাবার ব্যবস্থা হচ্ছে।

বিরজা। ওকি কথা—কি হয়েছে তাই বল না!

রামলোচন। কি আবার? যত সব বাউণ্ডুলে হাফ্ আখড়াই ছোকড়া। টপ্পার ঢঙে গান করে যাচ্ছে—আর তোমার সোমন্ত মেয়ে গিয়ে দাঁড়িয়েছেন রাস্তায়!

বিরজা। ও—

রামলোচন। ও নয়—বিদেয় কর। বলছি, ভালয় ভালয় বিদেয় কর বাপু। যত সব হাড়হাভাতে ছেলে—জানালায় তাকিয়ে ঢোক গিলবে—কেন, তোদের মরবার আর জায়গা নেই? আর সোমন্ত মেয়ে তুই, তুই কেন রাস্তায় পানে যাবি? তার চেয়ে মরতে পারিস নে—গলায় দেবার দড়ী জোটে না?

বিরজা। ওকি কথা বলছো, মা-মরা মেয়ে—

রামলোচন। তুমিই ওকে নাই দিয়ে মাথায় তুলেছ।

বিরজা। আজ যদি ওর মা বেঁচে থাকতো! যেমন ভাগ্য নিয়ে এসেছে—(কাঁদিতে লাগিল)

রামলোচন। (বিস্রস্ত) তা আমি কি করবো?—না। (গমনোচ্ছত) কি যে তুমি কর—না। (ফিরিয়া) আর হাঁ, মুখ্যে চিঠির জবাব দিয়েছে?

বিরজা। আমার অদৃষ্ট! সে দেবে চিঠির উত্তর—তাহলেই হয়েছে।



রামলোচন । তবে আর কি হবে !

বিরজা । তুই যা করবি তাই হবে । বাপ বলে মেয়ের প্রতি দরদ  
কত !

রামলোচন । আমি ? আমি আর কি করবো ? এনেছিলাম সেই তো  
একটা জুটিয়ে, কিন্তু মত হ'ল কই ? খুঁচিয়ে বের করলে,  
ছেলে গাঁজা খায়, দশটা সংসার । তা বাপু কুলীনের ছেলের  
অমন ছ'একটা ঘাট মেনে নিতে হয় ।

বিরজা । মা-মরা মেয়ে । বাপের আদরও জীবনে জানুলো না ।  
আমাদেরও ছ'টা ন'টা নয় ভাই, এই একটা । আমরা  
স্বামী ভাগ্যে খুব সুখ করেছি ।

রামলোচন । কিন্তু কুলীনের ঘর তো ঠিক রাখতে হবে ।

বিরজা । ঝাঁটা মারি অমন কুলের কপালে ।

রামলোচন । বিপিনের সংসার দশটা হলেও বয়স কিছু তেমন—কিন্তু  
অমন সাধা কাজটা পায়ে ঠেললে—

( বাহির হইতে ডাকিল— 'রামবাবু' )

রামলোচন । কে আবার ?—যাই দেখি ।

( বাহিরে গেলে— ভবসুন্দরী প্রবেশ  
করিল )

ভবসুন্দরী । মাসি !

বিরজা । তোমার জন্মে কি আমি আত্মহত্যা করবো ?

ভবসুন্দরী । কেন ? আমি কি করেছি !

( ক্ষণেক নীরব )

বিরজা । ( কান্নাজড়িত ) কত দুঃখে যে তোকে একথা বলছি, তা  
বুঝবি নে মা, বুঝবি নে ।

- ভবসুন্দরী । কিন্তু আমি কি করবো মাসি ?—আমি কি কখনও তোমার কথার অবাধ্য হয়েছি ?
- বিরজা । আজ যদি তোর মা বেঁচে থাকতো—
- ভবসুন্দরী । (সহসা) মাসি, মেসোর কাছে গেলে হয় না ?
- বিরজা । আমি যাবো ঐ মুখপোড়া মিসের বাড়ী ?
- ভবসুন্দরী । না মাসি, চল যাই ।
- বিরজা । না না, আমি যাব না । কেন যাবো ? এই এত বৎসর বিয়ে হয়েছে, একবার ডেকে জিজ্ঞেস করেনি—তবে কেন সেধে যাবো ? জীবনে আমি এতটুকু সুখ পাঠি নি—
- ভবসুন্দরী । মেসোর ছাত্র বিদ্যাসাগর বলেছিলে । বলেছিলে—তাঁর দয়ার শরীর । আমাদের দুঃখ জেনে অবশ্যই সাহায্য করবেন ।
- বিরজা । আমার পোড়াকপাল ! কিন্তু কোন দাবীতে যাবো ?
- ভবসুন্দরী । তিনি তোমার স্বামী, সম্মান অসম্মানের কথা নয় । না, তোমাকে যেতেই হবে ।
- বিরজা । যেতেই হবে ! পাগলি !
- ভবসুন্দরী । হাঁ মাসি, আমি আর কখনও তোমার মনে দুঃখ দেবো না । তোমার কথা শুনে চলবো—
- বিরজা । লক্ষ্মী মা আমার । (আদর করিতে লাগিলেন)
- রামলোচন । (প্রবেশ পথ হইতে) দিদি, তোমাকে বলতে ভুলে গেছি, আজ একজনাদের আসার কথা ছিল । যদি ভবকে পছন্দ হয়— (ভবর প্রস্থান) বিশেষ দাবী দাওয়া করবে না ।
- বিরজা । এসেছে ? আমি ভিতরে যাচ্ছি, তুই আলাপ কর ভাই । দেখ, যদি ভগবান মুখ তুলে চান । (ভিতরে গেল)

রামলোচন । আসুন মতিবাবু—এইদিকে আসুন ।

( একজন পোঁচ, বাবুবেশী ঢুকিলেন, মুখের উপর অত্যাচারের কালো দাগ, মাথায় কাঁচা পাকা তরঙ্গায়িত বাউড়ি চুল । ফোকলা দাঁতে আবার মিশি দিয়াছে । পরিধানে ফিন্‌ফিনে কালো পেড়ে ধুতি, উৎকৃষ্ট মসলিন কেমারিকের বেনিয়ান, গলদেশে উত্তমরূপে চুনট করা উড়নী, পায়ে পুরু বকলেশ সমন্বিত চীনে বাড়ীর জুতা )

মতিবাবু । রামবাবু—

রামলোচন । আসুন ।

মতিবাবু । Tired, আমি একেবারে পরিশ্রান্ত বুঝলে ? এই এতটা হেঁটে — Hopeless.

রামলোচন । কত আর—এই তো ট্রেসন—

মতিবাবু । থাম বাবু, ট্রেসন, কোটেশন আর ফ্যাসন । এরাই বাংলা দেশটা জ্বালালে । Hopeless !

রামলোচন । তা আপনার খুব কষ্ট হয়েছে ?

মতিবাবু । কষ্ট ! Hopeless.

করিমা ববখ্ শয়্ বর্ হাল্-ই-মা

কে হস্তম্ আসিরে কমন্দ-ই হাওয়া—।

আমি আশার ফাঁদে বন্দী হয়েছি, উঃহঃ ( বিচিত্র মুখভঙ্গি )

রামলোচন । আপনি মহানুভব ব্যক্তি, একথা আমি ইতিপূর্বেই শুনেছি ।

মতিবাবু । তাঁত শুনবেই—ফুল ফুটলে গন্ধ পেতেই হবে । হ্যাঃ হ্যাঃ ( হাসি ও কাঁশি ) তা মেয়েটা আপনার কণ্ঠা ?

রামলোচন । না, আমার ভাগ্নি । বোনের—

মতিবাবু । বুঝেছি । অত বলতে হবে না । অনেক বছর সাহেবের সঙ্গে আছি বটে আর সাহেবও বাবু বলতে অজ্ঞান । মেয়ে রাণীর হালে থাকবে । একটু বয়স্হা বলছেন,—কিছু আটকাবে না । আমারও এ প্রথম নয় ; ইতিপূর্বেও এমন দায় উদ্ধার করেছি কয়েকবার ।

রামলোচন । ব্রাহ্মণই ব্রাহ্মণের গতি । কুলীন না হলে কুলগর্ব আর রক্ষা করবে কে বলুন ।

মতিবাবু । আপ্সোস (ক্রকুটি করিয়া হাসিলেন) । বহুদিন থেকে সাহেবের সঙ্গে—মেজাজও হয়েছে তেমনি । Duty জ্ঞানটী ঠিক আছে । সাহেব Hallow, বাবু—বলেছেন কি, আমি attention দাঁড়িয়ে সেলাম ঠুকি (ভঙ্গি সহকারে দেখাইয়া) good morning, sir. (হেসে) Habit i s the second Nature—বুঝলে না? Hopeless ! যা সরস্বতী বিদ্যা আর বুদ্ধি দিতে রূপণতা করেন নি ।  
( হাসি ও কাঁশি )

রামলোচন । তা এই বয়সে ঢের উন্নতি করেছেন ।

মতিবাবু । বয়েস, না, তা তেমন বেশি নয় ( পকেট থেকে আরসি ও চিরুণি বের করলে ) মাথার চুল হুঁ এক গাছা পেকেছে—বয়েসে নয়—রোগে, বায়ু বুঝলে? Hopeless.

রামলোচন । তা—কি হয়েছে? অমন হয় । হাঁ, আর ঐ হুঁ একটা দাঁত বাঁধিয়ে নিলেই হয় । শুনছি সাহেব বাড়ী দাঁত বাঁধিয়ে সেই দাঁতে—কচি পাঠার হাড় চিবানো চলে ।

মতিবাবু । হিঃ হিঃ— তাই ভাবছি দাঁতগুলি সাহেবের দোকানে  
বাঁধিয়ে নেব । দু' একটা পড়েছে বটে ! সান্নিক—বুঝলে  
সান্নিক । one or two. Not more, not less.  
কিন্তু তা বলে বুড়ো হই নি । পাঞ্জার জোর পরখ করবে ?  
এস । ( হাত বাড়াইলেন )

রামলোচন । না—না, তা বলছি না । কিন্তু আপনার কুলগোরব—  
আমি কি রাখতে পারবো ?

মতিবাবু । হাঁ—সেকথা ভাবতে হবে । আচ্ছা সে দেখা যাবে ।  
কিন্তু আমি বড় Tired. গলাটা শুকিয়ে উঠেছে, very  
thirsty.

রামলোচন । জল— জল আনবো ? শীতল জল ?

মতিবাবু । এ শরীরের ধাতই আলাদা । Hopeless ! বুঝলে ?  
সাহেবদের সঙ্গে এতদিন আছি, শীতল জল আর সহ্য হয়  
না । Stimulent—বুঝলে ? ( হতাশ ভঙ্গি ) Hopeless.  
আর কিছু মিলবে না ? ( বিশেষ ভঙ্গি )

রামলোচন । ( হাসি ) বুঝেছি—

মতিবাবু । ছাই বুঝেছ ( হতাশ ভঙ্গি ) Hopeless.

রামলোচন । আনুন, আপনি বিশ্রাম করুন । কিন্তু আমার নিবেদনটা  
মনে রাখবেন—

মতিবাবু । হবে— হবে—স্বাবরাও মাৎ—

( বাহিরে যাইতে যাইতে গোপাল উড়ের  
টপ্পার একটা কলি গাহিতে গাহিতে গেল )

আর জানিও না ভালবাসা

মিছে কপট হেসে কাছে বসা,

জলের লিখন নিশির স্বপন

মোল্লার যেমন মুরগী পোষা ।

( ক্রমেক মঞ্চ খালি রছিল । পিঙন পত্র  
হাতে প্রবেশ করিল )

পিওন । চিঠি—

( দুই পাশ হইতে ভব ও বিরজা দেবী  
ছুটিয়া আসিল, পিওন প্রশ্ন করিলে  
ভব চিঠি খুলিল )

বিরজা । কার চিঠি, ভব ? ( ভব চিঠি লইয়া বাস্ত,—উদ্ভর দিল না )  
বলহিস না যে ? কার চিঠি ?

ভবসুন্দরী । ( চিঠির দিকে নজর রাখিয়া ) বাবার—

বিরজা । তোর বাবার ? কি লিখেছে শুনি ? তবুও হতভাগা শেষ  
পর্যন্ত একখানা চিঠি দিয়েছে ।

ভবসুন্দরী । হাঁ দিয়েছে । নাও তোমাদের চিঠি । ( মলিন মুখে ফেলে  
দিল )

বিরজা । ( উৎকণ্ঠিত ) ফেলে দিলি যে—( তুলিয়া দিয়া ) কি লিখেছে  
পড় ? কি লিখেছে—বিয়ের কথা ?

ভবসুন্দরী । ( চিঠি ধরিয়া ) কি আবার পড়বো ! আমার বিয়ের চেষ্টা  
কেন করছো ? ওসব হবে না ।

বিরজা । কেন ? কেন ? কি লিখেছে ?

ভবসুন্দরী । শোন । ( পত্র পড়িতে লাগিল ) আমি সব পড়তে পারবো  
না । “গৌরীদান পুণ্যের লোভে ভবকে ছয় বৎসর বয়সে  
বিবাহ দিয়াছিলেন, কিন্তু ঐ বৎসরই কলেরা রোগে ‘ভব’র  
স্বামী ইহধাম ত্যাগ করে । একথা তাহাকে এতদিন ইচ্ছা  
করিয়াই জানাই নাই, পাছে সে দুঃখ পাবে । কিন্তু  
তোমরা যখন বিবাহের চেষ্টা করিতেছ, সেখানে চুপ করিয়া  
থাকা অধর্ম বিবেচনায় লিখিলাম ।” ( ভব পত্র ফেলিয়া  
বাহির হইয়া গেল, বিরজা মলিন মুখে বসিয়া রহিল )

## তৃতীয় দৃশ্য

সংস্কৃত কলেজ

ষিপ্রাহরিক ঘণ্টা বাজিতেছে। বিশ্রামকক্ষে শঙ্খ চন্দ্র বাচস্পতি, শঙ্খ চন্দ্র বিদ্যারত্ন, প্রেমচাঁদ তর্কবাগীশ প্রভৃতি প্রবীণ অধ্যাপকগণ, তামাকু সেবন করিতেছেন ও বিশ্রান্তলাপ করিতেছেন।

বাচস্পতি। সব মায়া! বুঝলে বিদ্যারত্ন—সংসার বল, স্ত্রী, পুত্র— সবই মায়ার খেলা! মায়া যেন গাছের শেকড়। জলসেক করছো আর সেও মূর্ত্তিকার গভীর প্রদেশে বিস্তার লাভ করছে! মহামায়ার মায়ার খেলা! “মহামায়া প্রভাবেণ সংসার স্থিতি কারণম্”।

বিদ্যারত্ন। তা হোক বাচস্পতি, “গৃহিণী গৃহ মুচ্যতে,” গৃহিণী হীন গৃহ অরণ্য স্বরূপ,—“যথারণ্যং তথা গৃহম্।”

তর্কবাগীশ। (হাসি) তাছাড়া “পুত্রার্থে ক্রিয়তে ভার্য্যা, পুত্রঃ পিণ্ড প্রয়োজনম্” বুঝলে না? পিণ্ডটির আশা। সস্তানের মধ্যে বেঁচে থাকবার ইচ্ছা—জিজীবিষা। অমর হবার লোভ।

বাচস্পতি। মায়া! মায়া! সংসার ধোকার টাঁটি।

বিদ্যারত্ন। (গম্ভীর ভাব) শুধু কি তাই—“সস্ত্রীকং ধর্ম্ম মাচরেন্,” শেষ বয়সে ধর্ম্মাচরণের অন্ত বই তো নয়।

তর্কবাগীশ। কিন্তু, বিদ্যারত্ন, “বৃদ্ধস্য তরুণী বিষম্”।

বিদ্যারত্ন। (রেগে) আমি বৃদ্ধ! কে বলে? ঈশ্বর—ঈশ্বর তোমাদের মাথায় এই বুদ্ধি ঢুকিয়েছে। তার মত নিরে বিয়ে করিনি। কেন করবো?

তর্কবাগীশ। “কামাতুরাণাং ন ভয়ং ন লজ্জা”—

বিদ্যারত্ন । আমি বৃদ্ধ! আমি কামাতুর! যা মুখে আসে তাই বলেই তোমরা আমাকে অপমান কর ।

তর্কবাগীশ । রেগো না বিদ্যারত্ন । “বয়োগতে কিং বণিতা বিলাসেন”--  
তাই বলছিলাম ।

বাচস্পতি । মায়া! এও মায়া—বুঝলে বিদ্যারত্ন?—সেই মহামায়ার ইচ্ছা!

বিদ্যারত্ন । (দূরে বিদ্যাসাগরকে প্রবেশ করিতে দেখিয়া) ঐ যে দরজায় বিদ্যাসাগর এসে দাঁড়িয়েছে। একটু দেরীতে ক্লাসটীতে ঢুকবার উপায়টি নেই। (বিদ্যাসাগর প্রবেশ করিল)

বাচস্পতি । এস, এস ঈশ্বর । তুমিই ঈশ্বর । “ঈশবাস্য মিদং সর্বম্”  
(হাসি)

বিদ্যারত্ন । (অপ্রসন্ন) এস, বাবা, এস ।

তর্কবাগীশ । দেখ ঈশ্বর চন্দ্র, সংস্কৃত কলেজে আমরা বছদিন থেকে কাজ করছি; আমরা বৃদ্ধ হয়েছি;—একথা স্বীকার কর কিনা?

বিদ্যাসাগর । আপনাদের কখনও কি অসম্মান করেছি?

বাচস্পতি । না-না, অসম্মান কেন করবে?

তর্কবাগীশ । এই সংস্কৃত কলেজে এ যাবৎ কোন কায়স্থ ছাত্র দেখিনি। শাস্ত্রে আছে ব্রাহ্মণের জাতির বেদে অধিকার নেই। আছে কিনা?

বিদ্যাসাগর । রাধাকান্ত দেব কায়স্থ বংশোদ্ভব, কিন্তু তিনি সংস্কৃত শাস্ত্রে সুপণ্ডিত এবং তার বাড়ীতে আপনারা সকলেই দান গ্রহণ করে থাকেন। করেন না?

বিদ্যারত্ন । রাজা রাধাকান্ত দেবের সঙ্গে কারো তুলনা চলেনা। বলতে গেলে এযুগে তিনি হিন্দু সমাজ পতি।

তর্কবাগীশ । —কিন্তু সর্বানন্দ ঞ্চারবাগীশকে কেন কলেজ থেকে তুলে দিলে?



বাচস্পতি । বৃদ্ধ হয়েছেন, গ্রীষ্মের হৃপুতে একটু তন্দ্রা আসে—কি করবেন বলো ? ক্লাসের ভেতর-তাই-না আপত্তি ? কিন্তু সে কি জানতো—তুমি তখনই সেই দরজার পাশ দিয়ে যাচ্ছে !

বিষ্ণারত্ন । একাজে তোমার নিন্দাই হচ্ছে ।

বিদ্যাসাগর । তাকে দিয়ে যদি শিক্ষার কাজ না চলে—তাইলে তাকে রেখে লাভ ?

তর্কবাগীশ । নিদ্রা পাওয়া কিছু অপরাধ নয় !

বিদ্যাসাগর । যাদের উপর জাতির ভবিষ্যত বংশধরদের শিক্ষার গুরু দায়িত্ব, তাদের কর্মে শিথিলতা—অকর্মণ্যতা উপেক্ষা করা চলে না ।

বিষ্ণারত্ন । কঠোর পরিশ্রমের পর—একটু বিশ্রামেরওতো প্রয়োজন ।

বিদ্যাসাগর । ( কঠিন স্বরে ) সারাজীবন কঠিন পরিশ্রম তারা করেছেন । এবার সত্যই তাদের—বিশ্রাম প্রয়োজন । শেষ বয়সে তাই তাদের অবসর দিতে মনস্থ করেছি । প্রয়োজন হলে আপনাদেরও সেই ব্যবস্থা দেখতে হবে ।

বিষ্ণারত্ন । আমরা তোমার অধ্যাপক ছিলাম, এখন বৃদ্ধ হয়েছি—

বিদ্যাসাগর । ( ফাটিয়া পড়িল ) বৃদ্ধ ? এই বৃদ্ধ বয়সে কৈ, একটা নাবালিকার পানি পীড়ন করতে তো আপনার বিবেকে বাঁধে নি ! এই উচিত করেছেন ? আর ক’দিন বাঁচবেন বলুনতো ? এক নিরপরাধা বালিকাকে চির ছুঃখিনী করলেন ! বিবাহ দূরে থাকুক, এই বিবাহের চিন্তা করাও ছিল এখন আপনার পক্ষে পাপ ।

বিষ্ণারত্ন । হেঁ—লাটু বাবুর চেয়েও উনি বেশী বোঝেন ।

বিদ্যাসাগর। হাঁ বৃষ্টি বৈকি। দুদিন বাদে যখন ওই মেয়েটা শাঁখা আর  
সিঁছর মুছে এসে দাঁড়াবে, তখন তার আশ্রয় মিলবে কোথায় ?

বাচস্পতি। ঠিক বলেছ ঈশ্বর। মিথ্যে কি বলি তুমিই ঈশ্বর !

তর্কবাগীশ। ঈশ্বর, যা হ'য়ে গিয়েছে—

বিদ্যাসাগর। ভাল হয়নি। (সকলে নীরব)

বিদ্যারত্ন। ঈশ্বর, আমি তোমার অধ্যাপক ছিলাম। তুমি আমায়  
শ্রদ্ধা করতে। আমার উপর রাগ করা তোমার শোভা  
পায় না। কৈ, তোমার মাকে তো একদিন দেখতে  
গেলেনা ? ঈশ্বর, তোমার মাকে প্রণাম করে আসবে—

বিদ্যাসাগর। (উত্তেজিত) আমি ? না—কখনই না। আমি এ দৃশ্য  
কখনো দেখতে পারবো না। সে আপনার পাপ—  
সমাজের পাপ।

বিদ্যারত্ন। ঈশ্বর, অকল্যাণ করিস নে—

বিদ্যাসাগর। না, ও ভিটেয় আর কখনও আমি জলস্পর্শ করবো না।  
না, আপনি আমার সম্মানিত—নয়তো—

বিদ্যারত্ন। নয়তো ? বল্—বল্, থাম্‌লি কেন ? তুই আমার ছাত্র  
শিষ্য—বিদ্যান বুদ্ধিমান ছাত্র—আমার গৌরব—(কণ্ঠ রুদ্ধ  
হইল)

(ক্রাসের ঘণ্টা বাজিল—সকলেই ব্যস্ত হইয়া উঠিলেন)

বিদ্যাসাগর। এই অশিক্ষা—এই কুসংস্কার—আমাদের সমাজের ব্যাধি,—  
সমাজের ঘণ্য গলিত ক্লত—

(মদনমোহন তর্কালঙ্কারের প্রবেশ)

মদন। (হাসি) কি হয়েছে দয়াময় ?

বাচস্পতি। হাঁ, এ তোমার উচিত হয়নি বিদ্যারত্ন। এ বয়সে আবার

বিয়ে ! ঈশ্বর ঠিকই বলেছে—সাধে কি বলি 'তুমিই ঈশ্বর' ।

মদন । কিছু না—কিছু না বিদ্যারত্ন, “তাতল সৈকতে বারিবিন্দু সম” । পণ্ডিত কালিদাস বলেছেন—“গৃহিনী সচিবঃ সখীমিত্ৰঃ প্রিয় শিষ্যা ললিতে কলাবিধৌ”—তাই, মহাকবি কালিদাস । ( উচ্চৈঃস্বরে হাসি )

তর্কবাগীশ । পূজনীয় অধ্যাপককে এমনভাবে ভিরঙ্কার করা তোমার পক্ষে সম্ভব হয় নি, ঈশ্বরচন্দ্র ।

মদন । “অসার সার সংসারে, সারং খণ্ডরমন্দিরম্”, রসচর্চা তো করলে না পণ্ডিত জীবনে, চিরদিন নীরস ব্যাকরণ ঘেঁটেই গেলে ।  
( ঘণ্টাধ্বনি হইতেই সকলে ক্লাসে ঢুকিলেন  
বিদ্যাসাগর আর মদনমোহন রহিলেন )

বিদ্যাসাগর । না, মদন, নিজেদের প্রেস না হলে হবে না ।

মদন । প্রেস করবে,—টাকা পাবে কোথায় ?

বিদ্যাসাগর । তোমাকে তো বলেছি মদন,—টাকার জন্ম কোন মহৎ কাজ কখনও আটকে থাকে না । ইচ্ছা থাকলে—উপায় মেলে । আর শোন—হাঁ, কাগজ আমাদের বের করতেই হবে,—তব্ব বোধিনীতে লিখি বটে, কিন্তু—

মদন । ( হাসি ) আমাদের বোধই নেই তার আবার তব্ব !—বার হাত কাঁকুড়ের তের হাত বীচি ।— ( উচ্চ হাসি )

( রাজকৃষ্ণ বন্দ্যোপাধ্যায় ও ভূদেব মুখোপাধ্যায় প্রবেশ করিল )

মদন । আরে, জার্ডিন কোম্পানীর ক্যাশিয়ার যে—এস—এস । হাঁ, রাজকৃষ্ণ, সাহেব মিঃ বোনরজিকে ডেকে কি বললে বলতো ?

রাজকৃষ্ণ । রসিকতা যখন তখন ভাল লাগে না, মদন । শুনেছ  
বিদ্যাসাগর ?—এর একটা বিহিত করতেই হবে ।

বিদ্যাসাগর । কি হয়েছে, রাজকৃষ্ণ ? একেবারে ভূদেবকে নিয়ে—?  
ব্যাপার কি ?

রাজকৃষ্ণ । ( উত্তেজিত ভাবে ) কি হয়েছে ! কি হয় নি ? দেশ ধর্ম  
জাতি সব গেল । জানো, কি হয়েছে ! কি করে জানবে !  
আছ তো কলেজ নিয়ে । সংস্কৃত পড়িয়ে সব হিন্দু করবে ।  
পড়েছ আজকের তত্ত্ব বোধিনী ধানী ?

মদন । আমাদের অক্ষয় দত্তের তত্ত্ব বোধিনী ?

রাজকৃষ্ণ । হাঁ—হাঁ । তত্ত্ব বোধিনী চিনতে আবার ঢীকা টিপ্তনী লাগে  
নাকি ? কে না জানে তার নাম ?

বিদ্যাসাগর । কি লিখেছে তত্ত্ব বোধিনী ?

রাজকৃষ্ণ । কাল দেবেন বাবুর সরকার এসে কেঁদে পড়লো—

মদন । দেবেনবাবু ! দেবেনবাবু কে ?

রাজকৃষ্ণ । দেবেনবাবু কে ?—নেকা । ছাত্র পড়িয়ে গাধা বনেছ ।  
আজকাল দেবেনবাবু বললে—আবার কাকে বুঝাবে হে ?  
আমাদের ব্রাহ্ম সমাজের দেবেন ঠাকুর ।

মদন । ও—

রাজকৃষ্ণ । রাজেন ঐ দেবেন বাবুদের বাড়ীরই সরকার কিনা ?  
দেবেনবাবুর কাছে এসে কেঁদে পড়লে—

মদন । কেন—কেন ? কি হয়েছিল তার ?

রাজকৃষ্ণ । আলেকজান্ডার ডাফ একজন মিশনারী । এদেশে এসে  
স্কুল খুলেছে—জান ? দেশের ছোট বড় সকলকে ধরে  
সেখানে বাইবেল পড়ায় । খুঁটান করে ।

মদন । ভূদেবও কি সেই জ্ঞে— ?

ভূদেব । (সংকোচে ) আমি—তা, হাঁ—

মদন । ও—

রাজকৃষ্ণ । সেই রাজেনের ছোট ভাই ডাক ফুলে পড়তো । কি পড়তো সেই জানে ।

মদন । তারপর ?

রাজকৃষ্ণ । তাই তো বলছি, কাল বিকেলে রাজেনের স্ত্রী উমেশের স্ত্রীকে নিয়ে বাড়ীতে চলেছিল নেমন্ত্রণে ।—কিন্তু মধ্য পথে এই কাণ্ড ।

মদন । ডাকাত পড়লো ?

রাজকৃষ্ণ । হাঁ, ডাকাত পড়লো । তোমার যেমন বুদ্ধি, মদন ! সেই উমেশ ছেঁড়াটা গাড়ী খামিয়ে বউ নিয়ে ডাক সাহেবের কাছে উপস্থিত । সাহেব উমেশ আর তার স্ত্রীকে খৃষ্ট ধর্ম্মে দীক্ষিত করে নিলে । আশ্চর্য্য, এ বিষয়ে রাজেনের বাবা সুপ্রীম কোর্টে দরখাস্ত করলে কিন্তু তারা গ্রাহ্য করলে না । অথচ উমেশের বয়েস মাত্র চোদ্দ আর তার স্ত্রীর বয়েস এগার । বলতে গেলে ওরা একান্তই শিশু ।

মদন । পবিত্র খৃষ্টান ধর্ম্ম ।

বিদ্যাসাগর । ( চিন্তাশ্রিত ) মোকদ্দমা করেও লাভ হ'ল না ?

ভূদেব । এর একটা বিহিত হওয়া দরকার :

মদন । তুমিও একথা বলছো ভূদেব ? ( ভূদেব লজ্জা পাইল ) হতে পারে না । কি করে হবে ? ছেলোটোর পেছনে পাদরি সাহেবের বুদ্ধি ছিল । আর সে পাদরি—একে রাজার জাত, তার ধর্ম্মের বাহক, আইন তাকে নাগাল পায় নাকি ?

রাজকৃষ্ণ । আমাদের পর্দানসীন। মহিলাগণ এমনভাবে ধর্ম ত্যাগ করলেও যদি আমাদের জ্ঞান না হয়—তবে আমরা জাগবো কবে? আমাদের ঘুম ভাঙবে কবে?

ভূদেব । এমন হলে হিন্দুধর্ম আর ক'দিন টিকবে?

মদন । (হাসি) ভূদেব, হিন্দু ধর্ম নারীধর্মের মত যে পাত্রে যাবে সেই পাত্রেরই রঙ ধরবে। সনাতন হিন্দুধর্ম! সব আত্মসাৎ করে নেবে। এমন ধর্ম বিপ্লব—আজ নূতন নয়। আজ ভূদেব, তুমি প্রতিকারের কথা বলছো—কিন্তু তুমিই দুদিন আগে মধুর সঙ্গে মেতে উঠেছিলে—না? রামতনু যজ্ঞোপবীত পরিত্যাগ করলে—রসিককৃষ্ণ গঙ্গাজল নিয়ে প্রকাশ্য আদালতে একটা উত্তেজনা সৃষ্টি করলো—কৃষ্ণমোহন পৌত্তলিকতা সহ্য করতে পারলে না বলে সধর্ম ত্যাগ করলে—তোমার বন্ধু মাইকেল তার কথা আলাদা—যাক্ সে সব। আজ মায়ের দু'ফোঁটা চোখের জলে ইয়ং বেঙ্গলের স্বপ্ন ভেঙ্গে গেছে। আজ তুমি হিন্দু হিতার্থী বিদ্যালয়ের শিক্ষক—না? (ভূদেব মাথা নত করিল)

বিদ্যাসাগর । একি লজ্জা! একি অপমান! সাত সমুদ্র পার হয়ে এসেছে বণিক জাতি। আমাদের দুর্ভাগ্য, বণিকের তুলা দণ্ডই আজ রাজদণ্ড। তাদের অনুকম্পার বাড়ছে এই প্রচার সর্বস্ব ধর্ম। আমাদের ধর্ম অনঢ়, জাতি ধ্বংশোন্মুখ—দেশ চিরদিনের মত বিলুপ্ত হতে চলেছে। এ হ'তে পারে না।

মদন । কা কস্য পরিবেদনা।

(হতাশ ভঙ্গি)

বিদ্যাসাগর । আমাদের পাশ্চাত্য মোহ, অন্ধ পরানুকরণ ছাড়তে হবে । দেশকে ভালবাসলে, এদেশের প্রত্যেকটী নরনারীর ষাতে উন্নতি হয়—শিক্ষায় নাস্থ্যে তারা উজ্জল হয়ে ওঠে,— তাই করতে হবে ।

( ডাক্তার হুর্গাচরণ বন্দ্যোপাধ্যায় অবগুণ্ঠনবতী একজন মহিলা সহ প্রবেশ করিল )

- ডাক্তার । অণ্ডায়—অণ্ডায় ! আমি কিছু বলিনে তাই !
- মদন । কি হ'লো ডাক্তার ? কেপলে কেন ? সঙ্কে কে ?
- ডাক্তার । মাধে কি কেপি ? পণ্ডিত কৈ ? পণ্ডিত—
- বিদ্যাসাগর । কি হয়েছে হুর্গাচরণ ?
- ডাক্তার । আমি ছেড়ে দেবো এই ব্যবসা । তুমি—তুমিই আমাকে এই বিপদে ফেলেছো । তুমি যদি না বলতে—আমি ডাক্তারি শিখ্তাম ? বেশ ছিল কেরাণীগিরি । নিরাপদ চাকরিটা ছেড়ে এখন এই ঝক্কারি ।
- রাজকৃষ্ণ । কিন্তু ঝক্কারীটা কি শোনা যাবে ? এ মেয়েটা কে ডাঃ জ্যাকসন ?
- মদন । ( বিস্মৃতাবে মাথা নাড়িয়া ) না, ডাক্তার, এ ভাল নয়— । শাস্ত্রেই আছে 'পথি নারী বিবর্জিতা' ।
- ডাক্তার । Where there is stomach, there is hunger. যান কি মা ?
- রাজকৃষ্ণ । ডাক্তারি শাস্ত্রে আছে নাকি সেকথা ?
- ডাক্তার । নিশ্চয় । ক্ষয় আর পূরণ—অভাব হলেই ক্ষিধে পাবে, তখন পূরণের জন্য আহাৰ্য্য চাই,—নয় দেহ রুগ্ন হবে ।
- রাজকৃষ্ণ । কতক্ষণ চলবে তোমার কুমিকা ?

- মদন । (দীর্ঘ নিশ্বাস) যাবৎ চন্দ্র মহীতলে !
- ভূদেব । বলুন । (আগ্রহ প্রকাশ করিল)
- ডাক্তার । It is a Science—বুঝেছো ? বিখ্যাস অবিখ্যাসের কথা নয় । হৃদয়াবেগ আর সাময়িক উত্তেজনায় কাজ চলে না । Action আর reaction. কুইনীন দিলে এলকোলাইন দিতেই হবে । অর্থাৎ টিলটি ছুঁড়লে—পাটকেলটি মিলবেই ।
- মদন । দয়াময়,—এখন শোন ডাক্তারের বক্তৃতা ।
- বিদ্যাসাগর । কি বলবে তাড়াতাড়ি বল, হুর্গাচরণ, আমাকে ক্লাসে যেতে হবে । এই মেয়েটিকে এখানে কেন সঙ্গে নিয়ে এলে ?
- ডাক্তার । ডাক্তার হয়েছি বলে, এতো অত্যাচার করবে ? ঔষধ দিতেই হবে । বলে কি ! একি আদার ! জীব হত্যা করবার জন্তে ডাক্তারি শিখেছি নাকি ?—না, মৃতের জীবন দিতে ?
- মদন । “শতমারী ভবেৎ বৈতঃ”—ক’টা হয়েছে এ পর্য্যন্ত ?
- রাজকুমার । কাকে মারবার কথা বলছো—ডাক্তার ?
- ভূদেব । স্পষ্ট করে কথাটা বলুন না ?
- ডাক্তার । এই মেয়েটি বলছে, তাকে একটা ঔষধ দিতে যেন এ জন্মের জ্বালা জুড়াতে পারে । তার বাপ বলছে,—পেটের পাপকে নষ্ট করতে হবে, একটু ঔষধ দিন ডাক্তারবাবু, নয়, আমার সম্মান প্রতিপত্তি সব যে যায় ।
- বিদ্যাসাগর । কেন ?
- ডাক্তার । ব্যাপারটা শোন । হিন্দু—এই সনাতন হিন্দুর ধর্ম প্রাণতা একটা বিধবা মেয়ে—বয়েস আর কত হবে—বছর পনের কি ষোল । কি জ্ঞান এর হয়েছে সংসারের ?



একটা অপরাধ করে ফেলেছে যৌবনের মোহে - জীবনের ধর্মোণ্ড বলতে পারো। সেই অপরিণাম দর্শিতার শাস্তি নিতে হবে—একটা অজ্ঞান জীবকে হত্যা করে! আমার ডাক্তারি বিদ্যা তার সহায় হবে! না, আমি কিছুতেই পারবো না। এ পাপ। পাপ নয় পণ্ডিত?

বিদ্যাসাগর। মা বলছে, পেটের সন্তানকে ঔষধ দিয়ে মেরে ফেলতে?

( মেয়েটী কাঁদিতে লাগিল )

রাজকুমার। কেন বলবে না? নয় সে স্থান পাবে কোথায়? সে যে বিধবা। তার সন্তানে সমাজের অনুমোদন নেই। হয় জ্রণ হত্যা, নয় পতিতা—গত্যস্তুর নাই।

ডাক্তার। না, মা বলছে—তাকে এমন একটা ঔষধ দিতে যাতে সব জ্বালা যন্ত্রণা নিঃশেষ হয়ে যায়। বাপ বলছে এমন ঔষধ দিতে যাতে পেটের শত্রু নিপাত যায়।

ভূদেব। আইন? দেশ তো অরাজক নয়।

বিদ্যাসাগর। ভূদেব, আইনটাই তুমি দেখলে? কর্তব্য বুদ্ধি, মনুষ্যত্ব—  
এইসব মিথ্যে?

ডাক্তার। এমন ঘটনা নতুন নয় পণ্ডিত—সমাজের লজ্জাকে তারা গোপনে হত্যা করে, —অথচ তারাই সমাজপতি।

ভূদেব। এই দেশ অশিক্ষা আর অজ্ঞানতার অন্ধকারে ডুবে আছে।

মদন। “অজ্ঞান—তিমিরাজস্য জ্ঞানাজন শলাকরা”—বুঝেছ  
দয়াময়,—চোখ খুলে দেবার মত গুরু কোথায়?

বিদ্যাসাগর। এই দেশের উদ্ধার হতে বহু বিলম্ব আছে মদন। এই পুরাতন প্রকৃতি আর প্রবৃত্তি বিশিষ্ট মানুষের চাষ তুলে দিয়ে—নূতন মানুষের চাষ করতে পারলে, তবে এদেশের

কল্যাণ হবে ।

ডাক্তার । কিন্তু আমি এখন কি করি ? এর বাবা তো একে আমার ঘাড়ে ফেলে দিয়ে সরে পড়েছে ।

মদন । তুমিও ঠিক ষারগাটিতেই এনে পৌঁছে দিয়েছ ।—না দয়াময় ?

বিদ্যাসাগর । কিন্তু মদন, একে নিয়ে এখন আমি কি করি ? (এই সময় রেঃ কৃষ্ণমোহন ব্যানার্জিকে আসিতে দেখা গেল )

মদন । আশুন রেঃ ব্যানার্জি ।

রেঃ ব্যানার্জি । Then I am not an intruder ?

বিদ্যাসাগর । না হে না । এস । দুর্গা আমাকে এক মহাবিপদে ফেলেছে ।

রেঃ ব্যানার্জি । বিপদ ! What is that ? (হাত তুলিয়া বক্তৃতার ভঙ্গিতে ) Let there be Light. Amen !

ডাক্তার । আমি বিপদে ফেলেছি, না আমাকে বিপদে ফেলেছে ? আমি কি করবো ? এই মেয়ে আমি কোথায় রাখবো ? সমাজে এর স্থান নেই—গৃহেই বা কে স্থান দেবে ?

মদন । সেই জন্তেই তো বিপদহারী মধুসূদনের আশ্রয় নিয়েছো ।

রেঃ ব্যানার্জি । But what is the difficulty ?

রাজকুমার । এই মেয়েটি সম্ভান-সম্ভবা ।

রেঃ ব্যানার্জি । In sorrow thou shalt bring forth children ; and thy desire shall be to thy husband, and he shall rule over thee. নারী—এবে ভগবানের অভিশাপ । তাতে কি হয়েছে রাজকুমার ? Nothing abnormal. She is of that age.

রাজকুমার । মেয়েটি বিধবা ।

রেঃ ব্যানার্জি । Oh, I see ( হোঃ হোঃ উচ্চ হাসি )

ভূদেব । আপনি হাসছেন ? আপনার কি ?—আপনি যে খুঁটান পাননি !

রাজকুমার । হাঁ, কৃষ্ণমোহন—তিনিই ইদানিং তোমার বাড়ীতে প্রেসি-ডেন্সী কলেজের ছেলোদের গত্যাত বেড়েছে ?

রে: ব্যানার্জি । কার কথা বলছো ! Whom do you aim at ?

রাজকুমার । সাগর দাঁড়ীর দস্তদের ছেলে গো । এখন মধু তোমার মেয়েকে বিয়ে করছে । মধু ছেলেটা ভাল ছিল ।

ভূদেব । এ আপনার অন্তায় ।

মদন । ‘ও মধু জীব তো হৈঁ মধুরাসে’—শকুন্তলাকেও ভ্রমর ভাড়া করেছিল । ফুল ফুটলে—ভ্রমর গুণ গুণ করবেই । ( হাসি )

রে: ব্যানার্জি । মধু তোমার বন্ধু—না ? That's nothing, my boy !—“And the rib, which the Lord God had taken from man, made he a woman .....Therefore a man leave his father and his mother, and shall cleave unto his wife.” .....হাঃ হাঃ Dont be foolish ভূদেব । Young blood must have its course,— এখন ওদের চোখে The world is young and every lass a queen. তার বন্ধুটি কবি । হিঃ হিঃ ( হাসি )

( ভূদেব লজ্জিত হইল )

বিদ্যাসাগর । ( চিন্তিত ) কিন্তু আমি ভাবছি, কুম্ভমোহন, এই মেয়েটাকে নিয়ে এখন কি করি ? ছুঁগা তো এনেই খালাস ।

রে: ব্যানার্জি । Alright, I shall see to it. What can I do for you ? এস মা আমার সঙ্গে ।

ভূদেব । আপনার সঙ্গে ? কোথায় ? খুঁটান করবেন নাকি ?

রে: ব্যানার্জি । Why not ? They are human, of course. But you have no place for them in your society. Is not it ? আচ্ছা, আসি পণ্ডিত । Good bye to you all. Good bye. ( মেয়েটিকে নিয়ে বাহির হইয়া গেলেন । সকলে নির্ঝাক হইয়া রহিল )

## চতুর্থ দৃশ্য

বোরসিংহা—ঠাকুরদাসের বাড়ী

বিবাহের শানাই বাজিতেছে, রাজির আলো জ্বলিতেছে,

কিন্তু মঞ্চে লোক নাই। ঠাকুরদাসের খাস চাকর—

শ্রীমন্ত প্রবেশ করিল,—শ্রান্ত। একপাশে

বসিয়া বিশ্রাম করিতে লাগিল।

শানাই খামিলে—

শ্রীমন্ত। (উচ্চৈঃস্বরে নেপথ্যের দিকে) মা, এইবার দ্বার ভেজিয়ে  
দিই ?

ভগবতী। (প্রবেশ করিলেন) হাঁ বাবা, বাতিগুলি এইবার নিভিয়ে  
দে। আর কাঙালী আসবে না। সারাদিন খাঁটুনি —  
নে, বাবা, এইবার বিশ্রাম কর। যা' দুর্ঘ্যোগ, ছেলেটা  
ভালোর ভালোর বাড়ী এসে পৌঁছলে বাঁচি।

শ্রীমন্ত। খেতে বসে কাঙালীদের কি স্মৃতি!—এমন খাওয়া এরা তো  
কখনও পায় না।

ভগবতী। হাঁ বাছা, যাদের অভাব নেই, খাওয়ার সমালোচনা  
তাদেরই আছে। এদের শুধু পেট ভর্তির কথা।—ততটুকু  
পেলেই এরা খুসি। আচ্ছা, তুই এবার আলো নিভিয়ে  
দ্বার ভেজিয়ে দিয়ো যা। আমি দেখি,—কর্তা গুয়েছেন  
কিনা। বুড়ো মানুষ, রাত জাগলে আবার কষ্ট হয়।

শ্রীমন্ত। হাঁ মা। (ভগবতী দেবী বাহিরে গেলেন। শ্রীমন্ত  
মনের আনন্দে গান ধরিল, ও একে একে দরজা জানালা  
বন্ধ করিতে লাগিল।—

“দে মা আমার তহবিলদারী

(আমি) নেমক হারাম নই মা শঙ্করী।”

আলো নিভাইয়া বাহিরে গেল, গানের অক্ষুট কলি শুনা  
যাইতেছিল। খানিকক্ষণ মঞ্চ শূন্য রহিল। তারপর সিক্ত  
বস্ত্রে, অতি সতর্ক বিদ্যাসাগর ঢুকিয়া, দ্বারে মূছ করাঘাত  
করিয়া—ডাকিল)

বিদ্যাসাগর। ছিঁড়ু,—ছিঁড়ু—(সাদা না পাইয়া উচ্চৈঃস্বরে) মা,—মা,—  
( ভগবতী দেবী বাতি হাতে দরজা খুলিলেন )

ভগবতী। বাবা, এলি ? ( বিদ্যাসাগর প্রণাম করিলে—ভগবতী দেবী  
চিবুক স্পর্শ করিলেন )

বিদ্যাসাগর। ই্যা, মা, তুমি জেগেছিলে নাকি ? ডাকতে না ডাকতেই  
দ্বার খুললে !

ভগবতী। তোমার অপেক্ষাই করছিলাম, দুর্যোগে ছঃশ্চিন্তা হচ্ছিল।

বিদ্যাসাগর। ( হেসে ) আমি বুঝি আসবো লিখেছি ?

ভগবতী। আমি যে মা, সন্তানের মন বুঝিনে ? ও কিরে, তোর  
জামা কাপড় ভিজে কেন ?

বিদ্যাসাগর। ( ঈর্ষৎ লজ্জিত ) দামোদরের খেয়ার মাঝিগুলি সব  
পালিয়েছে। একটারও খোজ মিললো না। একটা নৌকো  
পর্যন্তও নদীতে দেখলুম না। রাত্রি হয়ে যাচ্ছে,—  
কতক্ষণ আর দাঁড়িয়ে অপেক্ষা করবো ?

ভগবতী। তবে পার হলি কি করে ? সাত্রে ? বলিস্ কি ?—  
তোর কি ভয় ডর নেই ? ( শিহরিয়া উঠিলেন )

বিদ্যাসাগর। তখন তোমার কথাই শুধু মনে ছিল, মা।

ভগবতী। পাগল ছেলে ! ( চক্ষু সজল হইল—তিনি ব্যস্ত হইয়া—  
গামছা লইয়া নিজ হাতে বিদ্যাসাগরকে মুছাইতে  
লাগিলেন ) শ্রীমন্ত—শ্রীমন্ত—বড় দাদাবাবুর কাপড় দিয়ে  
যা। ( শ্রীমন্ত কাপড় হাতে ঢুকিল )

- শ্রীমন্ত । কাপড় জামা—ভিজলো কি করে, দাদাবাবু ?
- ভগবতী । (বিগলিত) ছেলে আমার, সঁাত্রে দামোদর পার  
হয়েছেন । বলিস্নে আর দস্তি ছেলের কথা—
- শ্রীমন্ত । হিঃ হিঃ হিঃ—সেই বুড়ী বেঁচে থাকলে বলতো । দাদাবাবু  
তুমি তার বাড়ীর সামনে—হিঃ হিঃ—কত কুকন্ম করতে—  
হিঃ হিঃ, বুড়ী গালি ও দিত আবার আক্ষেপও করতো ।  
—বুড়ী ভারী নচ্ছার ছিল । কিন্তু রোজ ভোরে তা  
পরিষ্কার করে স্নান করতে হতো—শীত, গ্রীষ্ম বারোমাস ।  
হিঃ হিঃ—তুমি ছোটকালে ভারী ছুঁট ছিলে দাদাবাবু—  
( খট খট ধরমে শব্দ করিয়া ঠাকুরদাস  
প্রবেশ করিল )

- ঠাকুরদাস । কে ?—ঈশ্বর এলো নাকি বড়বো ?
- বিদ্যাসাগর । (নত হইয়া প্রণাম করিল) হাঁ বাবা, আপনি এতরাত  
জেগে আছেন ! আপনার শরীরে সহবে কি ?
- ঠাকুরদাস । আরে ছোঃ । আমাকে কি ঈশ্বর আজ কালকের ইয়ং  
রেকল পেলো ? বাবুদের রাত আগলে শরীর খারাপ হয় ।  
কিন্তু আমরা সেদিনে—কত রাত কাটিয়েছি কবি গুনে ।  
মাতঙ্গি আর আন্টুনি সাহেবের লড়াই রাত জেগে  
গুনতাম । তাহলেও ভোলা ময়রা ছিল সেরা গাইয়ে—  
“আমি ময়রা ভোলা, ভিঁয়াই খোলা, বাগবাজারে রই ।”
- বিদ্যাসাগর । বাঙ্গালা দেশের সমাজকে সজীব রাখবার জন্তে মাঝে  
মাঝে রামগোপাল ঘোষের ন্যায় বক্তা, ছতোম প্যাচার  
ন্যায় লেখক, আর ভোলা ময়রার মত কবিগুরুলার  
প্রোত্খ্যব সতি, বড় আবশ্যক ।—তা বাবা, এখন আপনার

সে বয়েসও নেই,—শরীরও নেই—(শ্রীমন্ত বাহিরে ঘাইতে-  
ছিল!)

ঠাকুরদাস । ছিঁড়ে, তামাক দে । (শ্রীমন্ত বাহিরে গেল) শরীরের  
কথা—“শরীরমাগুং খলু ধর্ম সাধনং” (হাসি) —তা  
আন্টুনি সাহেব ফিরিঙ্গির বাচ্চা হ'লে কি হবে, কবি  
গাইয়ে ছিল তুখোর ।

শ্রীমন্ত । (প্রসন্ন মুখে হুকা হাতে ঢুকিল) হাঁ, কস্তা, সেই যে—(সুরে)

ওমা, মাতঙ্গী না জানি ভকতি স্তুতি

জেতে আমি ফিরিঙ্গি—

(সোল্লাসে)—আর যাবে কোথা সায়েবের পো! অমনি  
মাতঙ্গি চেপে দিলে— (সুরে)

ষিগুথুষ্ঠে ভজগে তুই

শ্রীরামপুরের গীর্জাতে,

জাত ফিরিঙ্গি . . . জবর জঙ্গী,

পারবো না কো তরাতে ।

ভগবতী । (ঈষৎ রুষ্ঠ) শ্রীমন্ত, এতরাত্রে কি আরম্ভ করলি তোরা ?

ঠাকুরদাস । আমাদের দিনে—কবির লড়াই, ভর্জা, পাঁচালী গান  
হতো ঘরে ঘরে । আর ঘরওয়ানা ঘরে—উৎসবে বাইজি  
নাচ না হলে, সম্মানই থাকতো না । আর আজ হাক  
আখড়াই--

বিদ্যাসাগর । বাবা, বিয়েতে কে কে গেল ?

ভগবতী । আমাদের আত্মীয় স্বজন সবাই গিয়েছে । তুমি না আসার  
শব্দে হুঃখিত হয়েছে । তোমাকে ছেড়ে বিয়ে করতে যাওয়ার  
ইচ্ছাই ছিল না ।

ঠাকুরদাস । আমি তো অকৰ্মণ্য—এখন এসব কাজ তোমার । কি বলিস্  
শ্রীমন্ত ?

শ্রীমন্ত । সে নিশ্চয় । আপনি এখন ধন্বকন্য পূজা আচ্চা নিয়ে  
থাকবে—

ভগবতী । ( রুষ্ট ) শ্রীমন্ত !

বিদ্যাসাগর । তা কোন গোলমাল হয় নি তো ? লোকের খাওয়া দাওয়া  
নিৰ্ব্বিঘ্নে হয়েছে ?

ভগবতী । হাঁ বাবা, তোমার ইচ্ছামতেই দীন দুঃখীদের খাইয়েছি ;  
খুব স্মৃতি করে সকলে খেয়েছে । বাজনা একেবারেই বাদ  
দিতে বলেছিলাম দিগুকে, কিন্তু উনি ছাড়লেন না ।  
বলেন,—বাজনা নেই তো—আবার শুভকৰ্ম কি ? তা  
শেষে একটা শানাই আনাতেই হলো ।

বিদ্যাসাগর । মা, হরিশ্চন্দ্র বলেছিল, তার বিয়েতে বাজনা আনতে  
হবে । বিয়ের বাজনা শুনলেই আমার সেই মরা-  
মুখখানিই মনে পড়ে । ( ক্রণেক নীরব ) মনে ছিল, নিজে  
রোজগার করে সংসার চালাবো, ভাইদের লেখাপড়া  
শিখিয়ে—গাঁয়ে স্কুল খুলবো । দরিদ্র অস্ত্র সাধারণের শিক্ষার  
একটা ব্যবস্থা হবে—এদের কিছু উপকার হবে । সে আশা  
আকাজক ভাইরা দুইজনেই শেষ করে দিয়ে গেছে ।

( বিদ্যাসাগর দীর্ঘশ্বাস ফেলিলেন, ভগবতী  
দেবী অশ্রু মোচন করিতে লাগিলেন )

ঠাকুরদাস । ( বিব্রত ) যা হয়ে গিয়েছে,—তার জন্তে শোক করা—না,  
কোন কাজের কথা নয় । না,—আমি পছন্দ করিনে ।  
( অপ্রস্তুত ভাবে ) নাঃ, রাত অধিক হয়ে যাচ্ছে, আমি  
এবার শুতে'বাই । ছিঁড়ে—কক্কেটে পাল্টে দিস্ ।



- শ্রীমন্ত । ইয়া কস্তা । ( ঠাকুরদাস ও শ্রীমন্ত বাহিরে গেল )
- ভগবতী । বাবা, তোকে খাবার দিই । দেখি, বোঁমা কোথা ?—  
( ভগবতী দেবী বাহিরে গেলেন । বিদ্যা-  
সাগর স্নান মুখে বসিয়া রহিল, দীনময়ী  
প্রবেশ করিল )
- দীনময়ী । তোমার খাবার দেওয়া হয়েছে :
- বিদ্যাসাগর । এঁ্যা—
- দীনময়ী । এঁ্যা—কি গো ? ধ্যান করছিলে ? শুনতে পাওনি ?  
খাবার—
- বিদ্যাসাগর । হাঁ,—যাচ্ছি—চল । ( বিদ্যাসাগর উঠিয়া দাঁড়াইল )
- দীনময়ী । সে কি গো—হাত-পা ধোবে না ? সন্ধ্যা আহ্নিক কিছু  
করবে না ?
- বিদ্যাসাগর । সন্ধ্যা আহ্নিক ? না—ওসব আমি করিনে । ( হাসি )  
হাঁ, একদিন—তখন আমি ছোট, ফাঁকি দিয়ে—বাবার  
কাছে ধরা পড়ি—মারও খেয়েছিলাম মনে আছে । কি  
করি বলো—মন্ত্র ভুলে—শুধু হাত পা নেড়ে—বাবার  
চোখকে ফাঁকি দেওয়া শক্ত ।
- দীনময়ী । তার মানে ?—অত শাস্তর পড়ে—বিদ্যার সাগর তুমি—  
না ?
- বিদ্যাসাগর । তাই তো—এ আমার জন্মভূমি । আমার মাতৃ-তীর্থ,  
পিতৃ-তীর্থ । এখানে অশ্রু দেবতার সন্ধ্যা বন্দনা নিষেধ ।—  
জান না ? ( উচ্চৈঃস্বরে হাসি )
- দীনময়ী । হাস্‌ছো ?—তুমি নদী সাঁত্রে পার হয়ে এলে ?
- বিদ্যাসাগর । হাঁ ।
- দীনময়ী । ভয় করলো না ?

বিদ্যাসাগর। না। মায়ের আশীর্ব্বাদ যে আমার সঙ্গে ছিল।

দীনময়ী। যাও, তোমার ওকথা ভাল লাগে না। যদি কোন বিপদ হতো ?

বিদ্যাসাগর। বিপদ হবে না—আমি জানুতুম। (হাসি)

দীনময়ী। অনেক লোক দেখেছি—কিন্তু তোমার মত 'মা' বলতে অজ্ঞান—এমন ছ'জন দেখি নি।

বিদ্যাসাগর। আমার মত মা-ও কারুর নেই। (হাসি)

(ভগবতী দেবী প্রবেশ করিলেন)

ভগবতী। বাবা, আমি পাশের বাড়ীতে যাচ্ছি, ওদের জামাইটা ভারী অসুস্থ্য। ভাল নয়। সারাদিনের গোলমালে—আজ একবারও যেতে পারি নি। ঐটুকু মেয়ে এই সেদিন বিয়ে হলো—কি আছে তার অদৃষ্টে,—কে জানে।

বিদ্যাসাগর। আমিও যাবো মা।

ভগবতী। না বাবা, তোর গিয়ে কাজ নেই, অত হ্যান্জামা করে এসেছি—এখন খেয়ে একটু বিশ্রাম কর। বউমা, তুমি ওকে খেতে দাও, আমি যাবো আর আসবো।

(ভগবতী দেবী বাহিরে গেলেন)

বিদ্যাসাগর। (অশ্রুমনস্ক) ছ' মাসও হয় নি, মেয়েটির বিয়ে হয়েছে—না ?

দীনময়ী। হাঁ, তার কি হবে—? অমন রোগা বুড়ো ধরে দিলে—বিয়ের দিনই বুঝেছিলাম একটা কঠিন রোগ ওর আছেই—পোড়া কপালী—যেমন অদৃষ্ট নিরে এসেছে এখন সারাজীবনই ভুগবে।

বিদ্যাসাগর। অদৃষ্ট! এই অদৃষ্টবাদই আমাদের সর্ব্বনাশের মূল।—  
স্বরো কেমন আছে ?

দীনময়ী । কে জানে বাপু,—তোমার সুরোর খবর ! এখন চলো  
থেতে যাবে ।

বিদ্যাসাগর । না । এখন ঢেকে রাখো, আমি একবার দেখে আসি ।

দীনময়ী । সে কি—থাবে না ?

বিদ্যাসাগর । এসে থাকো । ( চাদর টানিল )

দীনময়ী । এইতো এলে— আবার এখনই রোগীর বাড়ী ছুটবে ?  
—না, তোমাকে নিয়ে পারিনে বাপু—

বিদ্যাসাগর । বেশী দেরী হবে না । আমার চটী— ( খুঁজিতে লাগিল )

দীনময়ী । হাঁ অদৃষ্ট ! আমার কপালে এই ছিল ?

বিদ্যাসাগর । ( চটী পরিয়া ) তোমার অদৃষ্ট কি খারাপ ? —আমার  
মত বিদ্যাসাগর— ( হাসি )

দীনময়ী । বিদ্যা ধূরে জল খেলে আমার সূখ হবে ?

( পাশের বাড়ীতে কায়া উঠিল )

বিদ্যাসাগর । ওকি ?—হয়ে গেল নাকি ?

দীনময়ী । আর যেয়ে কি করবে ?

( ভগবতী দেবী সাক্ষ নয়নে চুকিল )

ভগবতী । ( অশ্রুরুদ্ধ কণ্ঠে ) বাবা !

বিদ্যাসাগর । কি মা ?

ভগবতী । এদৃশ্য আর দেখা যায় না বাবা । আমি পালিয়ে এলাম ।  
—অতটুকু মেয়ে, প্রতিমার মত স্ত্রী । কুলের মত কোমল ।  
কি-ইবা বোঝে,—তবু সারাজীবন তাকে এ দুঃখ বহিতে  
হবে । ( আঁচলে চোখ মুছিলেন )

বিদ্যাসাগর । মা ! ( কাঁদিতে লাগিল )

ভগবতী । বাবা !

বিদ্যাসাগর । আমি এর বিহিত করবো । এই দুঃখপোষ্য শিশু, সারা

জীবন এক কল্লিত দুঃখ বয়ে বেড়াবে। সংসারে আশা  
আনন্দ ভবিষ্যৎ—এমনিভাবে নিশ্চল হয়ে যাবে—এ হতে  
পারে না।

ভগবতী। কিন্তু উপায় কি বাবা!

বিদ্যাসাগর। এ লোকাচার—সংস্কার। মানুষের সদ্বুদ্ধিকে আচ্ছন্ন  
করে রাখে যদি এই অন্ধ অজ্ঞানতা—তবে আর বিদ্যা  
শিক্ষা কেন? জ্ঞানই বা কি? সত্যের আলো জ্বলে এই  
অন্ধকার দূর করতে হবে।

ভগবতী। বাবা, এ দেশ মিথ্যাচারে মগ্ন। আজ বিদ্যাসাগর বললেও —  
সেকথা কেউ শুনবে না।

( ঠাকুরদাস প্রবেশ করিল )

ঠাকুরদাস। কিসের গোলমাল বড়বো?

বিদ্যাসাগর। ও বাড়ীর জামাইটি মারা গেল বাবা।

ঠাকুরদাস। আঃ বেচারী! বড় ভাল লোক ছিল। ভারী ভক্তিমান, দেখা  
হলেই পারে পড়ে প্রণাম করতো—আজকালের ছেলোদের  
সে বালাই নেই। বুঝেছ—অদৃষ্ট—সবই অদৃষ্ট। আমাদের  
সময়ে—

ভগবতী। অতটুকু মেয়েটাকে সারাজীবন দুঃখ ভোগ করতে হবে।  
ব্রহ্মচর্য্য পালন করবে কি গো? শাস্ত্রে কি আর ব্যবস্থা  
নেই?

ঠাকুরদাস। ঈশ্বর, তুমি বহু শাস্ত্র পণ্ডিত করছে—কিন্তু শাস্ত্রকারদের  
এই ব্যবস্থাকে সুবিচার বলা চলে না।

বিদ্যাসাগর। কেন বাবা, পরাশর সংহিতায় আছে, মৃত ভর্তৃকা পত্নী—  
সহমরণ বা ব্রহ্মচর্য্যে অপারগ হলে—পুনর্বিবাহের বিধান  
আছে।

ঠাকুরদাস । (মাথা নাড়িলেন) পুনর্বিবাহ অসম্ভব ! সে যে স্বেচ্ছাচার—  
বিদ্যাসাগর । রাজা রামমোহন, কালী নারায়ণ চৌধুরী, দ্বারকা নাথ  
ঠাকুর - প্রভৃতির চেষ্টায় লর্ড বেণ্টিকের সাহায্যে সহ-মরণ  
প্রথা বন্ধ হয়েছে । সেই বর্করোচিত অনুষ্ঠান শেষ হয়েছে—  
অবশ্যই ইহা আনন্দের কথা । কিন্তু ব্রহ্মচর্য্য সকল বিধবার  
পক্ষে মঙ্গলও নয়—আর সম্ভবও নয় ।

ভগবতী । কিন্তু পুনর্বিবাহ কি সম্ভব বাবা ?

বিদ্যাসাগর । শাস্ত্রে ইহার যুক্তি আছে মা ।

ঠাকুরদাস । অমন শাস্ত্র কেউ মানবে না । লোকে মন্দ বলবে ।

বিদ্যাসাগর । এ বিষয়ে পুস্তক প্রণয়নের ইচ্ছা ছিল, —কিন্তু লোকের  
কুৎসা ও কটুবাক্যে আপনারা ব্যথা পাবেন—এই আশঙ্কায়  
আমি নিবৃত্ত আছি ।

ভগবতী । —না বাবা, তুমি এর বিহিত কর । আমরা সব অক্লেশে  
সহ্য করবো । দরকার হলে সাহায্যও করবো ।

ঠাকুরদাস । করতে চাও করবো । তবে কাজে প্রবৃত্ত হবার আগে,  
ভাল ভাবে শাস্ত্র দেখে নিও । পাছে অধর্ম্মনা লাগে ।

ভগবতী । আমরা তোমায় আশীর্বাদ করি বাবা ।

( বিদ্যাসাগর নত হইয়া পায়ের ধূলা নিল )

ঠাকুরদাস । মনে রেখো, কাজে প্রবৃত্ত হয়ে কিছুতেই আর পশ্চাৎপদ  
হতে পারবে না ।—হাঁ ।

( বিদ্যাসাগর পিতাকেও প্রণাম করিলেন )

ঠাকুরদাস । ( হাত তুলিয়া আশীর্বাদ করিলেন ) শতং জিবতু ।  
যশস্বী ভব ।

## পঞ্চম দৃশ্য

ঠাকুর দাসের বাটীর ভিতর অঙ্গন দেখা যাইতেছে ।

বাহিরের রাস্তার একদল লোক—বহুরূপী

বেশে গান করিতে করিতে ঢুকিল ।

“বেঁচে থাক বিদ্যাসাগর চিরজীবি হ’য়ে  
সদরে দিয়েছে রিপোর্ট

বিধবাদের হবে বিয়ে

হবে কবে শুভদিন, প্রচার হবে এ আইন

মনের সুখে থাকবো মোরা

মনোমত পতি লয়ে ।

এমন দিন হবে কবে—একাদশী জালা যাবে

বিনানিয়া বাঁধবো খোঁপা

শুঁজি কাটি মাথায় দিয়ে ।

আলো চাল কাঁচা কলার মুখে দিয়ে ছাই

এরোদের সঙ্গে যাবো

বরণ ডালা মাথায় নিয়ে ।”

গাহিতে গাহিতে বাহিরে গেল । ভবসুন্দরী অন্দের

পথে যাইতেছিল, নারায়ণ পেছন হইতে ডাকিল ।

নারায়ণ । আমাকে দেখেই পালাচ্ছ বুঝি ?

ভবসুন্দরী । ( ফিরিয়া ) হাঁ । আমরা গরীব, আমাদের ছায়া মাড়ালেও  
পাপ । কাজেই এঁড়িয়ে চলি । পিসি বলে, গতর খাটিয়েই  
যখন খেতে হবে—

নারায়ণ । ( স্নান হইয়া ) ও—

ভবসুন্দরী । ( নরম সুরে ) তা আপনি কিছু বলবেন ?

নারায়ণ । —না । তা, তোমরা খুব গরীব বুঝি ?

ভবসুন্দরী । হাঁ । আপনার বাবার দয়াতেই আমরা এখানে আছি ।  
তা নইলে—কবেই তো পিসি বিদেয় করেছিলেন ।

নারায়ণ । (সহসা) তোমার বিয়ে হয়েছিল না ?

ভবসুন্দরী । (সলজ্জ হাসি) হাঁ, গুনতে পাই বটে!!

নারায়ণ । (আশ্চর্যে) গুনতে পাও মানে ?

ভবসুন্দরী । যার কোন ধারণাই আমার মনে নেই,—তাকে বিশ্বাস  
করি কোন অজুহতে ।

নারায়ণ । এই যে থান—এই রুগ্ন বিধবার বেশ—

ভবসুন্দরী । এর উপরও আমার শ্রদ্ধা নেই । শুধু দেশাচার—সমাজ  
আত্মীয় বন্ধু সকলের অত্যাচারে—

নারায়ণ । তোমার খণ্ডর বাড়ীতে কেউ নেই ?

ভবসুন্দরী । জানি না । (ক্ষণেক নীরব)

নারায়ণ । —তারপর ?

ভবসুন্দরী । তারপর তাই—অর্থাৎ এই । আর একদিন খবর এলো,  
তিনি আর ইহ জগতে নেই । অতএব প্রথা মত ব্রহ্মচর্য  
পালন আরম্ভ হলো ।—আবার কি ?—

(নতবদনে চুপ করিল)

নারায়ণ । (সহসা) বাবা বিধবা-বিবাহ প্রচলনের চেষ্টা করছেন ।  
তিনি বহু শাস্ত্র অধ্যয়ন করে—এর বিধান যুক্তিযুক্ত বলে  
প্রমাণ করেছেন ।

ভবসুন্দরী । (হাসিল) হাঁ গুনেছি ।

নারায়ণ । তুমি ? তোমার মত মেয়েদের ফের বিয়ে হওয়া উচিত ।

ভবসুন্দরী । (ঈষৎ হাসি) তাই নাকি ?

(নারায়ণ লজ্জা পাইল)

নারায়ণ । ( ক্রণেক পরে—বিধায় ) শুধু তোমার কথাই বলছি না ।  
বলছিলাম, যারা অল্প বয়সে বিধবা । — তাদের আবার  
বিবাহ হওয়া সম্ভব ।

ভবসুন্দরী । হিন্দুদের অমন হয় না ।

নারায়ণ । ( উৎসাহে ) বাবা বলেন,— এ সংস্কার । কুসংস্কার ।  
কুসংস্কার মানা কখনই উচিত নয় ।

ভবসুন্দরী । তাই নাকি ?

নারায়ণ । শাস্ত্রে আছে—“নষ্টে মৃত্যে...

ভবসুন্দরী । ও— ( হাসিয়া উঠিলে নারায়ণ লজ্জা পাঠিয়া থামিল )

নারায়ণ । বাবা বলেন, সৎ শিক্ষা কুসংস্কার দূর করে । কুসংস্কার আর  
অজ্ঞানতার অন্ধকার চোখকে আচ্ছন্ন রাখে ।

ভবসুন্দরী । অমন পিতার সন্তান আপনি ; আপনিই কেন আদর্শ  
হ'ন না ?

নারায়ণ । হতে আমার আপত্তি নেই । আমার অমন কুসংস্কারও  
নেই । এতটুকু সংসাহস—

ভবসুন্দরী । হাঃ হাঃ ( উচ্চ হাসি )

নারায়ণ । ( অপ্ৰস্তুত ) হাসচো যে--বিখাস হচ্ছে না ?

( এই সময়ে কালীকান্ত চট্টোপাধ্যায়ের  
অনুচা প্রোঢ়া ভগ্নী কালীতারা প্রবেশ  
করিল । অস্বাভাবিক রুক্ষতা তার  
চলনে বলনে )

কালীতারা । বোঠান কৈ গো ?

( সাড়া পাঠিয়া নারায়ণ সরিয়া পড়িল )



ভবসুন্দরী । ( চাকিত ভাব ) পিনি— ? আমি ডেকে দিচ্ছি ।

( ব্যস্তভাবে প্রশ্নান করিল । কালী তারা  
কুটিল চোখে তাকাইল—ভগবতী দেবী  
প্রবেশ করিলেন )

ভগবতী । দিদি যে— ? ভাল ?—এদিকে আর আস না ?

কালীতারা । ( চোখ মটকাইয়া )—আছো কেমন, গোসাই রেখেছেন  
যেমন ।—বুঝলে বোঁঠাণ গতির না খাটালে কেউ ছেড়ে কথা  
কয় ? দাদার তো ঘর ভরা লোকের অস্ত নেই—

ভগবতী । ( হাসিয়া ) হ্যাঁ, কালীকান্তের এক বোঁ এখানে আছে  
জানি—সেকি তোমাদের যত্ন আত্তি করে না ? বেচারী  
ঠাকুরঝি—কি করবে বল ?—এ জন্মে তো শিব ঠাকুর ফাঁকি  
দিলে—এবার পরজন্মের কাজ করো ।

কালীতারা । ( খেদে ) ভাল বলেছ,—রাধা যাবেন তীর্থ করতে, পাশ  
ঘাটবে কে ?

ভগবতী । কালীকান্তের যেমন বুদ্ধি—একটাতে সংসার না চলে—আর  
একটা আনিয়ে নিলেই পারে, তারাও এ সংসারে দাবী রাখে ।

তা কালীর বোঁ'র বোনঝি রয়েছে—ভব মেয়েটীও বেশ ।

কালীতারা । ‘মধু পান করতে পারি, মাছির কামড় সহিতে নারি ।’—  
আমাদের সেই দশা ।—ও মেয়ের কথা আর বলো না ।  
কথায় আছে ‘ভাত পায় না, ভাতার চায়, থেকে থেকে  
আবার গহনা চায় ।’ থাক্ বাপু— এখন আমাকে হুঁসের  
চাল দাও দেখি—সেই যে চেপেচে—নাব্বার নাম করে  
নাকি ? ‘একে রামে রক্ষে নেই, স্ত্রীবি দোসর ।’—“বেন  
গোদের উপর বিষ কোঁড়া ।” বুঝলে—কাণ্ড জ্ঞান কিছু  
আছে নাকি ? বাড়ন্ত তাই বলে—( উঠিয়া দাঁড়াইল )

ভগবতী । বসো না ঠাকুর ঝি—এতদিনে এলে—

কালীতারা । বলে না বোঁঠাগ, 'যম এলেই বলি সময় এখন পেলি ?'  
আমার হয়েছে এখন সেই দশা । বসবার কি উপায়  
আছে ? পেট কি ডাক মানবে ?—আহা, তোমার কুমড়োর  
ডগাটা তো বেশ উঠেছে, কালী বলছিল খুব ভালবাসে  
মুগের ডালে—“চাল নেই তার খুচুনি নাড়া।” জুর্গা  
জ্যোঠাইমা ঐখানে বসে চরকা কাটতো—তোমাদের  
বাড়ী এলেই তাঁর কথা মনে পড়ে । ভারী ভালবাসতেন  
আমাকে ।

ভগবতী । তিনি ঐ চরকা দিয়েই—এ সংসার বজায় রেখেছিলেন ।—  
সতী লক্ষ্মী ! ( হাত কপালে ঠেকাইল )

কালীতারা । ( সহসা ) ঈশ্বর বাড়ী এসেছে গুনলাম । হাঁগা—পাড়ায়  
পাড়ায় গুনছি, তোমার ছেলে বিধবাদের আবার বিয়ে  
দিচ্ছে—সদরে আইন হচ্ছে—লোকে তোমার ছেলের  
নামে গান বেঁধেছে । সত্যি নাকি ?

ভগবতী ; ঈশ্বর বলে—শাস্ত্রে আছে ।—

কালীতারা । 'তিনকাল খোঁয়ালি, আজ মাথা মুড়লি ।' বলো কিগো—  
বলতে পারবে এমন কথা শুনেছে পদ্ম পিসি ? দিতে  
পারবে বিধান নকড়ি চক্রতি, পাজিতে আছে এমন অনাসৃষ্টি  
কথা ? বিধবার বিয়ে—সেকি ঘোরার কথা গো ! 'যা নেইকো  
দেশে পেতে, তাই চায় ছেলের খেতে' । না—না, এ কোন  
কাজের কথা নয় । ছেলেকে মানা কর । অমন স্নেহ  
আচার চলবে না ।—সাহেব সুবো নয় তোমার ছেলেকে  
খাতির করে—তা বলে জাত জন্ম খোঁয়ানো—এমন  
মতিচূর্ণ—

ভগবতী । ঠাকুরঝি, একাদশীর দিনে ঐ কচি কচি মেয়েগুলি ওকনো মুখে সাম্নে এসে দাঁড়ালে কোন মায়ের মুখে মাহ ভাত' রোচে, জিজ্ঞেস করি ? এই আচার' বিচার মানতে' মন' মানে কই ?"

কালীতারা । ওকি কথা বোঠান ! তাইতো বলি, তোমার' নাই' পেয়েই বেড়ে উঠেছে । তা নইলে, সমাজের বুকে বসে—এমন' অনাচার—বলি; "যার শিল তার নোড়া, তারি ভাঙ্গি' দাতের গোড়া ।" এই নাতিটা'ঐ ধিক্কা' বিধবা মেয়েটার সঙ্গে হেসে হেসে রস করছিল । কি ঘোর কথা গো ! যার যেমন মতি, তার তেমন' গতি'।—না বাপু এমন বিড়ের মুখে ছাই কাজ নেই অমন নেকাপড়া শিখে—'বানরের গলায় মুক্তোর মালা ।"

ভগবতী । ( সরোষে ) ঠাকুরঝি !

কালীতারা । 'হাড়ি পানা' মুখ তার, কুলোপানা' চকর ।' বয়স' হয়ে' ভীমরতি' ধরেছে । যাবে—সব গোজায় যাবে—রসাতলে যাবে । টাকার দেমাক ।—ধর্ম' সহাবে না—সহাবে না ।

( কালীতারা সরোষে বাহিরে গেল,  
ভগবতী নির্ঝাক রহিলেন )

ভগবতী । ( সখিৎ পাইয়া ) ঠাকুরঝি ! ঠাকুরঝি চলে গেলে—শ্রীমন্ত—

শ্রীমন্ত । ( প্রবেশ করিয়া ) মা—

ভগবতী । যা' বাবা, কালীর বাড়ীতে সের পাঁচেক চাল, খানিকটা মুগের ডাল—আর ক'টা কুমড়োর ভগা দিয়ে আসবি । আচ্ছা, চল—আমি দিচ্ছি ।—

( ঠাকুরদাস চুকিলেন )

ঠাকুরদাস । ছিঁড়ে—

শ্রীমন্ত । ( ফিরিয়া ) কর্তা ।

ঠাকুরদাস । যাচ্ছিস কোথায় ? তামাক দে—

শ্রীমন্ত । হাঁ, কর্তা । ( শ্রীমন্ত বাহিরে গেল )

ঠাকুরদাস । কি গরম !—হাঁ, আজ দিনটা বড়ই আনন্দে কেটেছে ।  
( ভগবতী জিজ্ঞাসুনেত্রে তাকাইলেন )

ঠাকুরদাস । শাস্ত্রে আছে, “সৎপুত্র কুলদীপক”—, এই তো সৎপুত্র ।

ভগবতী । তুমি খুসী হয়েছে। ?

ঠাকুরদাস । কেন হবো না ? এই যে আজ কদিন অন্নদান হচ্ছে  
এর তুল্য কি পুণ্য আছে ? কলিতে অন্নদান শ্রেষ্ঠ দান,  
শাস্ত্রে আছে ।

ভগবতী । শাস্ত্র আমি বুঝিনে । কিন্তু কুবাকাতর লোকগুলি, আনন্দে,  
আগ্রহে তৃপ্তির সঙ্গে খেয়ে আশীর্বাদ কবে আমার পুত্রদের,  
আমার মাতৃ হৃদয় তখন পূর্ণ হয়ে উঠে পুত্র গৌরবে ।  
সে কি কম সৌভাগ্য ?

ঠাকুরদাস । তুমি তখন হাসতে—কিন্তু আমি গোড়াতেই বলেছিলাম—  
এ আমাদের সাক্ষাৎ ঈশ্বর । আমাদের বহু পুণ্যের ফলে  
সংসারে এসেছে । রামজয় ঠাকুরের কথা মিথ্যে হবার  
নয়—মনে রেখো পূর্ব পুরুষের আশীর্বাদেই আজ তোমার  
পুত্র বিদ্বান আর দয়াবান ।

ভগবতী । দরিদ্র নারায়ণ । এই নারায়ণের সেবার অধিকার মানুষ  
বহু পুণ্য ফলে লাভ করে । ঠাকুর দেবতার পূজার চেয়েও  
এ শ্রেষ্ঠ কাজ সন্দেহ নেই ।

ঠাকুরদাস । ( সহসা ) এবার ঠাকুর দেশের প্রতি ভারী কুপিত হয়েছেন ।

লোকের পাপে বৃথলে? লোকে ভুল করেও তাঁর নাম একবার মুখে আনে না। তাই যেমনি ছুঁড়িক্কে তেমনি মড়ক। হাহাকারে দেশ ভরে গেছে। শাস্তি—তাঁকে ভুলে যাওয়ার শাস্তি। বাবা বিশ্বনাথ অপরাধ নিও না বাবা। ( উদ্দেশ্যে হাত কপালে স্পর্শ করিলেন )

( শ্রীমন্ত ছকা হাতে প্রবেশ করিল )

ভগবতী । ঈশ্বর ফিরেছে শ্রীমন্ত ? এত খাঁটুনি—বাহা রাতে পর্যাস্ত ভাল ঘুমুতে পারে না। আমি যাই—তুই আসিস্ শ্রীমন্ত।  
( ভগবতী দেবী বাহিরে গেল )

ঠাকুরদাস । ( ধূম উদ্গীরন করিলেন ) বৃথলি শ্রীমন্ত, কলির লোক ঠাকুর দেবতার নাম একেবারেই ভুলে গেছে ; তা নইলে দুর্গে পূজা, মায়ের অর্চনা, তাতে বাই খেমটা নাচ না হলে চলবে না। মঁকারাদি যেন বিভূতি হয়ে উঠেছে, এতে যত খরচ তত নাম ডাক বাড়বে। বলি কি বল্ ! ঠাকুর দেবতা পাষণ না খড় ? তাঁরা কুষ্ঠ হবে না কেন ? কেবলি চেয়ে চেয়ে চিরকাল এই অনাচার দেখবে ?  
( বিদ্যাসাগর প্রবেশ করিল )

বিদ্যাসাগর । বাবা—

ঠাকুরদাস । ( চকিত ভাবে ) কে—ঈশ্বর ? এস বাবা ।

বিদ্যাসাগর । বীরসিংহার স্কুল করতে চাই—তাইদেরও ঐ অন্তই শিক্ষা দিয়েছিলাম। নিজে চাকরী করবো—

ঠাকুরদাস । সে তো খুব ভাল কথা ।

বিদ্যাসাগর । এই অধঃপতিত পরাধীন দেশ—পরানুকরণে আসক্ত, শিক্ষা না পেলে ভালমন্দ বিচার বুদ্ধি হবে না,—

( শ্রীমন্ত প্রস্থান করিতেছিল )

ঠাকুরদাস । স্নাঃ—আগুনটা পাল্টে দিলিনে আগুন তেজদার না হলে,  
তামাক খেয়ে সুখ নেই । ( শ্রীমন্তের কলিকা হাতে প্রস্থান )  
হাঁ—তা আমার কি আপত্তি ?

বিদ্যাসাগর । আপত্তির কথা নয় ।—তা হ'লেও বলা উচিত—

ঠাকুরদাস । তা ভাল—তা ভাল । হাঁ, আগের দিনে আমরাও বাপ  
পিতামাকে জিজ্ঞেস করেই কাজে হাত দিতাম । তাঁরা  
ভাল কাজে কখনও নিষেধ করতেন না । বরং অহুমতি  
নিয়ে গেলে,—খুসি হতেন, আশীর্বাদ করতেন । তা তুমি  
যাচ্ছে? বসোনা, ঈশ্বর—অনেকদিন তোমার সঙ্গে ছুঁদও  
বসে কথা বলিনি, নানা কাজে ব্যস্ত থাকো—

বিদ্যাসাগর । হাঁ, তেমন কিছু নয়—তবে জাতির আত্ম চেতনার মরচে  
ধরেছে—বারে বারে না ঘষলে—উজ্জল হবে কেন ?  
আর আপনি ঠাকুর দেবতা নিয়ে আছেন—কেন বৃথা  
বিরক্ত করবো ।

ঠাকুরদাস । না—না, তবে কি জান—আর কদিনই বা—পরকালের  
সঞ্চয় কিছু তো চাই—বাকি ক'টা দিন তাই ঠাকুর দেবতার  
নাম নিয়ে কাটিয়ে দিতে পারলেই—বাস ।

বিদ্যাসাগর । ও, - আর হাঁ ( হেসে ) আপনি নিরামিষাশী—লোকের  
কাছে বলে বেড়ান, কিন্তু নারায়ণের মাথাটা তো খাচ্ছেন  
তথাপি না—এ ঠিক নয় ।

ঠাকুরদাস । ( বিরক্ত ) আমি—না—আমি ! হাঁ, নারায়ণ এখনও ছেলে  
মানুষ, ( উঠিয়া দাঁড়াইলেন ) বুদ্ধি গুচ্ছি হয়নি । বয়স  
হলেই, সব গুঞ্জে যাবে ।

বিদ্যাসাগর । এরি মধ্যে উঠলেন যে—

ঠাকুরদাস । না,—আমার রাত হয়ে যাচ্ছে । অধিক রাত জাগলে  
নিদ্রার ব্যাঘাত হয় । স্ননিদ্রা হয় না । না, আমি যাই ।

( ব্যগ্রভাবে প্রশ্নান করিলেন, বিদ্যা-  
সাগর হাসিমুখে গমন পথের দিকে  
তাকাইয়া রহিলেন । )

( দীনময়ী প্রবেশ করিল )

দীনময়ী । শুনুছো ?

বিদ্যাসাগর । আমাকে বলুছো ?

দীনময়ী । আবার কাকে ? কে আর আছে এখানে ?

বিদ্যাসাগর । ও—

দীনময়ী । একি শুনুছি গো, তুমি নাকি বিধবা বিয়ের জন্তে উঠে  
পড়ে লেগেছ ? সরকারে আইন হচ্ছে—

বিদ্যাসাগর । হাঁ ।

দীনময়ী । হাঁ কিগো ?—হিন্দু বিধবার আবার বিয়ে হয় নাকি ?

বিদ্যাসাগর । শাস্ত্রে আছে । শাস্ত্র মানতো ?

দীনময়ী । হাই শাস্ত্র,—অমন শাস্ত্রের কেঁধার আগুন ।—হাঁ কপাল !  
এত শাস্ত্র পড়ে—শেষে এট ?

বিদ্যাসাগর । ( অতিরিক্ত গান্ধীর্ষ্য ) দীনময়ী, আমার বিদ্যাসাধনা  
সার্থক হবে, যদি সত্যের পূজার তাকে লাগাতে পারি ।

দীনময়ী । তোমার মুখজোড়া কথাগুলি আমার ভালও লাগে না—  
পছন্দও করিনে—

বিদ্যাসাগর । ও—

দীনময়ী । শোন, ঐ বিধবা যুবতী মেয়েটিকে কেন বাড়ীতে রেখেছো ?  
—বিদেয় কর ।

- বিদ্যাসাগর । কেন ? ওর কি অপরাধ ?
- দীনময়ী । কপাল পুড়িয়ে এসেছে—কালামুখী । আমার এমন সুখের সংসার—ওর বিবনিঃখাসে অকল্যাণ লাগবে ।—ওদের ছোঁয়াচ ভাল নয় ।
- বিদ্যাসাগর । ও—এই ! ( হাসি )
- দীনময়ী । তুমি অদৃষ্ট বিশ্বাস করেনা ? হাসলে কেন ? ঐ মেয়েটার চলাচলতি আমার মোটেই ভাল লাগেনা । ঘরে ছেলে ছোকড়া রয়েছে, একটু সম্বন্ধে চলবে—যার তার সামনে বের হবারই ওর দরকার কি ?
- বিদ্যাসাগর । কেন ?—আবার কার সামনে বের হচ্ছে ?—তা ছেলে মানুষ—জীবনের আনন্দ সুখ—সব শেষ হয়ে গেছে, (খাস পড়লো) কিন্তু আকাজ্জক কি সমাপ্তি আছে নরা-বৌ !
- দীনময়ী । —তা'বলে যেমন তেমন পোষাকে, যার তার সামনে বেরবে ?
- বিদ্যাসাগর । যার তারটা কে ? বাহিরের লোকতো নেই—
- দীনময়ী । তা নারায়ণের সামনেই বা যখন তখন বেরবার প্রয়োজন কি ?—সেও এখন বড় হয়েছে ।
- বিদ্যাসাগর । ( উচ্চ হাসি ) তুমি নারায়ণের মা-না নরাবৌ ?—তা মন্দ কি ! আমি যখন বিধবা বিবাহ প্রচলনের চেষ্টা করছি, আমার পুত্র খেচ্ছার বিধবা বিবাহ করলে আমিতো সৌভাগ্য মনে করবো ।
- দীনময়ী । ওকি বলছো ? আমাদের নারায়ণ বিধবা বিয়ে করবে কিগো ?—একি অলক্ষুণে কথা তোমার ?
- বিদ্যাসাগর । ( গভীর ) কতি কি ?
- দীনময়ী । ( কণ্ঠে নীরব থাকিয়া ) একথা আমি বিশ্বাস করতাম না ।



বিদ্যাসাগর । কি ?

দীনময়ী । ভাবতাম— সুরো তোমার ছেলে বেলার খেলার সাথী—  
তাই তোমার সঙ্গে অত ভাব—

বিদ্যাসাগর । সত্যই তো তাই নয়ানবো ।

দীনময়ী । কিন্তু লোকে অন্য কথা বলে ।

বিদ্যাসাগর । লোকে কি বলে তা আমি শুনতে চাইনে—তারা মুখ—  
যথেষ্ট অবসর তাদের পরনিন্দায় কাটে ।—তোমারও কি  
তেমনি হীনধারণা ?

( শঙ্কুর প্রবেশ )

শঙ্কু । দাদা, সর্বনাশ !

বিদ্যাসাগর । ( জিদের সহিত ) বল,— তুমিও একথা বিশ্বাস কর ।—  
বল—

শঙ্কু । একদল ডাকাত বাড়ী ঘেরাও করেছে, তারা টাকা পরস  
চার । তারা আপনাকে চায় ।

বিদ্যাসাগর । ডাকাত !

শঙ্কু । হাঁ—তারা গ্রামের আশেপাশেই থাকে । এ কয়দিন আপনি  
তাদের আহার জোগাতে যা ব্যয় করেছেন—তাতে তাদের  
বিশ্বাস হয়েছে—আপনার অনেক টাকা আছে, তাই লুটে  
নিতে এসেছে দলবেঁধে ।

বিদ্যাসাগর । আহার জুগিয়ে মৃত্যুমুখ থেকে বাঁচিয়েছি—তার প্রতিদানে  
এই— ?

শঙ্কু । এরা আত্মসর্বস্ব অকৃতজ্ঞ—

দীনময়ী । কিন্তু ওকে চায় কেন ?—টাকাকড়ি খুঁজে পায়—নিক—

শঙ্কু । মেরেকেটে যদি বেশী আদায় হয়—

দীনময়ী । মারবে ?

বিদ্যাসাগর । আমি এতব শান্তি দেব—কঠিন শান্তি ।

শঙ্কু । না দাদা, এরা অনেক—আমরা এ কয়জনে কি করবো ?—  
আপনার ঘেরে কাজ নেই ।

( বাহিরে চীৎকার—‘টাকা চাই’,  
‘বিদ্যাসাগর কৈ’,—ইত্যাদি )

বিদ্যাসাগর । ( উত্তেজনার ) আমি যাবো--যাবো ।

দীনময়ী । না, তুমি কিছুতেই যেতে পারবে না । ( সামনে এসে  
দাঁড়ালেন )

বিদ্যাসাগর । ওরা আমার কাপুরুষ ভাববে ।

শঙ্কু । তারা তো একজন নয় ।—তাছাড়া তাদের হাতে অস্ত্র  
রয়েছে ।

দীনময়ী । অস্ত্র রয়েছে ? ঠাকুরপো,—না চল আমরা পেছনের দরজা  
দিয়ে পালিয়ে যাই—এস । ( বিদ্যাসাগরের হাত ধরিল )

বিদ্যাসাগর । তা হয় না । পালাতে পারবো না ।

শঙ্কু । তাছাড়া উপায় কিছু নেই—দাদা— ।

দীনময়ী । না গো না, তুমি কিছুতেই থাকতে পারবে না । আমি  
ছেড়ে যাবো না । এস । ( কান্নার কণ্ঠ ভারী ; হাত ধরিয়া  
টানিলেন )

শঙ্কু । না । আপনাকে রেখে আমরা যাবো না । চলুন ।

বিদ্যাসাগর । ( অশ্রুটে ) যাবো ?—পালিয়ে যাবো ?

শঙ্কু । উপায় নেই । ( হতাশ ভঙ্গি )

দীনময়ী । হাঁ, এস । ( বিদ্যাসাগরকে টানিয়া লইয়া দীনময়ী প্রস্থান  
করিলেন, শঙ্কু অঙ্গুগমন করিল । )

## ষষ্ঠ দৃশ্য

হ্যালিডে সাহেবের বাংলো ।

গভর্ণর মিঃ হ্যালিডে ও ফোর্ট উইলিয়াম কলেজের অধ্যক্ষ মিঃ মার্শেল আলাপ করিতেছেন ।—দ্বারে চাপরাশী ঝক্‌মকে ভক্‌মা আটা । ছকা বরদার মস্ত একটা নল সংযুক্ত গড়গড়ায় কলিকা বসাইয়া ফুঁ দিতেছে । মিঃ হ্যালিডে মাঝে মাঝে নলটা মুখে নিয়া ধূম উদ্‌গীৰণ করিতেছেন ।—অপর পার্শ্বে একব্যক্তি প্রকাণ্ড একখানি তালপত্রের পাখা ছুলাইয়া বাতাস দিতেছে ।

মিঃ হ্যালিডে । (নল হইতে মুখ তুলিয়া) আমার বিবেচনার পণ্ডিতই একাধো উপযুক্ত । আপনি কি বলেন মিঃ মার্শেল ?

মিঃ মার্শেল । হাঁ, বিদ্যাসাগরই একাধো উপযুক্ত সন্দেহ নেই । তাঁর মতো নিলোঁত, পরোপকারী আমি আর দেখি নাই ।

মিঃ হ্যালিডে । ঐ জন্মেই পণ্ডিতকে শ্রদ্ধা করি মিঃ মার্শেল । তাঁকে স্কুল বিভাগে পরিদর্শক পদে নিয়োগ করে নানাস্থানে স্কুল স্থাপনার অগ্রুমতি দিচ্ছি । (নল মুখ সংলগ্ন করিলেন ।)

মিঃ মার্শেল । উত্তম কথা । (হেসে) Mr. Kerrএর অভিযোগের কি হলো ?

মিঃ হ্যালিডে । (উচ্চ হাসি) হাঃ—হাঃ—হাঃ, আপনি সেই টেবিলে পা তুলে অভ্যর্থনার কথা বলছেন ? পণ্ডিতের উত্তর শুনেছেন ?—“মিঃ কারের নিকট অচুরূপ অভ্যর্থনা পেয়ে

একেই ইউরোপীয় প্রথা মনে করি।” হাঃ হাঃ—Paid him back in his own coin. মিঃ কারকে বলে দিয়েছি। বুদ্ধিমানের কাজ হবে—চুপ করে থাকা।

( ধুন ছাড়িলেন )

মিঃ মার্শেল : অসাধারণ লোক !

মিঃ হ্যালিডে । চাপরানী । ( চাপরানী ছুই পা সামনে আসিয়া সেলাম দিল ) সাহেবকো খোরা মিঠা পানি ( বিশেষ ইচ্ছিত )

( সেলাম দিয়ে বাহিরে গেল । মতিবাবু ফাইল বগলে পরদার পার্শ্বে দাঁড়াইল )

মিঃ হ্যালিডে । Who is there ? কোন্ হায় ?

মতিবাবু । ( ঢুকিয়া আভূমি নত হইয়া কুনিশের ভঙ্গিতে অগ্রসর হইল )  
Your most obedient servant, Sir. ( Good morning, Sir.

মিঃ হ্যালিডে । ( ঈষৎ হাসি ) উহা কাহার ফাইল ?

মতিবাবু । ( সেলাম দিলে ) মুলচাঁদ ছধুরিয়া, Your Excellency.—

মিঃ হ্যালিডে । What ছধু what ?—কি চায় সে ?

মতিবাবু । পত্তনিদার ।—সেলামী বিশ হাজার দিবে । ( বিশেষ ভঙ্গি )

মিঃ হ্যালিডে । বিশ হাজার টাকা যথেষ্ট নয় ।—আর উৎকোচ গ্রহণ—  
This sort of bribery আমি পছন্দ করিনে ।—তবে,  
এই জায়গাটা পেলে গোকটা অনেক লাভ করবে । লাভের  
ভাগ একা ভোগ করবে বলেই বলছি—

মতিবাবু । Just—ঠিক—Sir, ( সেলাম করিল )

মিঃ হ্যালিডে । তাকে পঞ্চাশ হাজারের কথা লিখে দেবে ।

মতিবাবু । Yes, My Lord.

মিঃ হ্যালিডে । তুমি এখন যেতে পারে ।

মতিবাবু। Very good, Sir. (সেলাম দিল)

মিঃ মার্শেল। (হাসি) এমন আদপ কারদা শিখলে কোথায় ?

মতিবাবু। (গর্বে) My grand father, a council মোগল  
দরবার। জবরদস্ত পাঁচ হাজারী মনসবদার—ভারী  
সুখ্যাত ছিল তাঁর।

মিঃ মার্শেল। হাঁ, বুঝেছি।

মিঃ হ্যালিডে। দরবার what ? Oh, I see, counsel—ঠিক।

মতিবাবু। Yes, Sir, (কৃতার্থের হাসি হাসিল)

মিঃ হ্যালিডে। What do you want ? কুছ বোলবে ?

মতিবাবু। Very poor man, Sir. (ইতস্ততঃ করিতে লাগিল)

মিঃ হ্যালিডে। Yes—

মতিবাবু। Helpless, Sir. My house fifteen leaves fall  
morning and evening, little little pay. How  
manage ? Understand, Sir ?

মিঃ হ্যালিডে। (হাসি) Yes, yes ! Alright, I shall see.

মতিবাবু। (দীর্ঘ কুর্নিশ) Your very faithful servant, Sir,  
very good, Sir. (ক্রত প্রস্থান)

মিঃ হ্যালিডে। পণ্ডিতের সঙ্গে আপনিও শেষে education for mass  
বলে ফেপ্লেন ? Mass educationএ সরকারের  
প্রয়োজন কি ? আমাদের শিক্ষা to make them better  
type of clerks, what else we want ? পণ্ডিতকে  
young civilianদের বাংলা পরীক্ষা সহজ করতে বলে  
ছিলাম বলেই ফোর্ট উইলিয়মের চাকরীটি ছেড়ে দিলে।—  
পরোপকার ব্রত নিয়ে আমরা এদেশে আসিনি। (চাপরাশী  
চুকিয়া সেলাম দিল) কোয়ান্ ?

চাপরাশী । পণ্ডিতজী ।

মিঃ হ্যালিডে । Call him—সালাম দাও । ( চাপরাশী বাহিরে গেল )

মিঃ মার্শেল । বিদ্যাসাগর ?

মিঃ হ্যালিডে । হাঁ, পণ্ডিত বিদ্যাসাগর ।

মিঃ মার্শেল : ( হাসি ) কিন্তু তার আগেই অনেকে এসে বসে আছে—

মিঃ হ্যালিডে । উহারা স্বার্থ সাধনে এসেছে । ছদণ্ড বসে থাকলেও অসন্তুষ্ট হবে না । বিদ্যাসাগর আসেন নিঃস্বার্থ দেশ সেবায় । তিনি অভিজ্ঞ, সদ্বুদ্ধিদাতা । তাঁর উপদেশে আমি উপকৃত হই । তার সঙ্গে অন্তের তুলনা নাই মিঃ মার্শেল । ( বিদ্যা সাগর ইউরোপীয় পোষাকে ঢুকিলেন )

মিঃ মার্শেল । এস, এস পণ্ডিত । ( মার্শেল হাসিমুখে আসন দেখাইল )

বিদ্যাসাগর । ( উত্তেজনায় ) না, এমন সংসেজে আমি আর আসতে পারবো না । আপনার সঙ্গে সাক্ষাতের আর আমার কাজ নেই । যদি কিছু প্রয়োজন বোধ করেন—লিখে জানাবেন ।

মিঃ হ্যালিডে । কি হ'ল পণ্ডিত, এত উত্তেজিত কেন ?

বিদ্যাসাগর । হুমুমানের মত পোষাক পরে আমি বের হতে পারবো না । —আমার ধুতি চাদর—আমার স্বদেশী জাতীয় পোষাক—আমার গৌরব । আমার মায়ের দান মোটা কাপড়ের সঙ্গে এর তুলনা হয় না । আমি এ পোষাক আর কখনও পরবো না—না । এতে আমার চাকরী না থাকে,—না থাকবে ।

( মার্শেল হাসিতে লাগিলেন )

মিঃ হ্যালিডে । আচ্ছা, তোমাকে আর এ পোষাক পরে আমার সঙ্গে দেখা করতে হবে না । তোমার মায়ের হাতের সূতার খস্কর পরেই এসো ।—কিন্তু পণ্ডিত তোমার যত বীরত্ব কার

সাহেবের বেলা। বাড়ীতে ডাকাত পড়লো—তুমি ছিলে কোথায় ?

মিঃ মার্শেল । ( হাসি ) শাস্ত্রে আছে, যঃ পলায়তি সঃ জীবতি । শাস্ত্র বাক্য অবহেলার নয়। শাস্ত্র জ্ঞানী পণ্ডিত ঠিকই করেছেন।  
বিদ্যাসাগর । ( ছর্ব্বলভাবে ) না আমি পালাইনি। শত্ৰু আমাকে টেনে নিয়ে গেল—

মিঃ হ্যালিডে । তাই—তোমার ইচ্ছে ছিল না তা বুঝতে পেরেছি। তুমি অতি কাপুরুষ। বাড়ীতে ডাকাত পড়লো, বিবর স্ত্রী-পুত্র রক্ষা করবে,—ডাকাত ধরে শাস্তি দেবে—তা নয় কাপুরুষের মত পলায়ন করলে ! ইহা অপেক্ষা তোমার পক্ষে লজ্জার আর কি হতে পারে ?

বিদ্যাসাগর । আমি,—না না—( অধোবদন ) .

মিঃ মার্শেল । ( ক্ষণেকপরে ) পণ্ডিত, তুমি তারানাথ শিরোমণিকে আনতে শেষে সেই রাতে হেঁটে কালনা গিয়েছিলে ?

বিদ্যাসাগর : তাছাড়া উপায় কি ? তিনি ভারী অভাবগ্রস্ত হয়ে পড়েছিলেন। এ কাজটা পাওয়ার তার খুবই উপকার হয়েছে।

মিঃ মার্শেল । পণ্ডিত, সরকার বোর্ড স্কুল স্থাপন করবে স্থির করেছে—সাধারণে শিক্ষা বিস্তার তাদের উদ্দেশ্য—

মিঃ হ্যালিডে । লোকের মন থেকে পৌত্তলিকতার প্রভাব দূর না হলে—শিক্ষার ফল হবে, এমন বিশ্বাস আমি করিনে মিঃ হ্যালিডে।

বিদ্যাসাগর । মিঃ মার্শেলের ও কি এই মত ?

মিঃ মার্শেল । না পণ্ডিত, আমার ধারণা শিক্ষার আলো—কুসংস্কারের অন্ধকারকে নাশ করে।

মিঃ হ্যালিডে । আমার ইচ্ছা, আপনি এ কাজের ভার গ্রহণ করুন।

যেখানে প্রয়োজন হবে—স্কুল স্থাপন করতে পারেন।  
সরকার বাহ্যিক নিজ তহবিল থেকে ব্যয় করতে প্রস্তুত  
আছেন।

বিদ্যাসাগর। — কিন্তু, আমি কেন?

মিঃ মার্শেল। স্বার্থ শিক্ষা সাধারণকে দিতে পারে এক তুমি ছাড়া  
যোগ্য লোক আমার জানা নেই।

বিদ্যাসাগর। মিঃ মর্রেট ও মিঃ মার্শেল আমাকে একটু অতিরিক্ত স্নেহের  
চোখে দেখেন।

( রেঃ কৃষ্ণমোহন পরদার পাশ হইতে  
মুখ বাহির করিলেন )

রেঃ কৃষ্ণমোহন। May I come in ? (মিঃ স্থালিডে সম্মতিসূচক ষাড়  
নাড়িলেন, কৃষ্ণমোহন ভিতরে ঢুকিয়া সকলের সহিত  
করমর্দন করিলেন) Good morning. (পরে বিদ্যাসাগরকে  
দেখিয়া) Hallo Paudit, you are here ?

( বিদ্যাসাগর হাসিলেন )

মিঃ মার্শেল। That matters little, Rev- Bouerjee. He is  
harmless, উনি নখদস্তহীন। পণ্ডিত হয়েও পুরোহিত নন !

( সকলের উচ্চ হাসি )

রেঃ ব্যানার্জি। ( বিব্রত ) Thank you, Mr. Marshall. I  
mean.....I think not .... simply nothing—

( ভ্রাগ করিলেন )

মিঃ স্থালিডে। বিদ্যাসাগরের ষশোগৌরব, পাণ্ডিত্য—

রেঃ ব্যানার্জি। That's quite true. But one thing —

( পুনরায় ভ্রাগ করিলেন )

মিঃ মার্শেল। Well ? .....আপনি কি বলিতে চান ?



রেঃ ব্যানার্জি । বিধবা বিবাহের উদ্যোগী হয়ে—বিদ্যাসাগর সাধারণের চক্ষে হের হয়েছেন । শিক্ষাব্রতীকে সাধারণের মতের বিরুদ্ধে কাজ করলে চলবে না ।

মিঃ মার্শেল । তাই বুঝি রেঃ ব্যানার্জি বিধবা বিবাহের দরখাস্তে সই দেন নি ?

রেঃ ব্যানার্জি । Yes, My profession.....I should not.....  
রাজা রাধাকান্ত দেবের বিপক্ষে যাওয়া চলেনা । রাধাকান্ত দেব, রামকমল সেন এরা প্রতিপত্তিশালী ব্যক্তি । আমি পণ্ডিতকে বলেছিলাম, আমি তাকে সাহায্য করতে পারলে খুশি হতাম । I have every sympathy.

বিদ্যাসাগর সেই বিধবা বিবাহ আমি দিয়েছি । দেই নি—ব্যানার্জি ?

রেঃ ব্যানার্জি । I admire you.

মিঃ হ্যালিডে । পণ্ডিতকে বিদ্যালয় স্থাপনের ভার দিতেছি—চাপরাশী—  
( চাপরাশী সেলাম দিলে ) মতিবাবু (চাপরাশী বাহিরে গেল)

রেঃ ব্যানার্জি । রসময় দত্ত ? What about him ?—I congratulate you, Pandit. ( বিদ্যাসাগরের হাত নাড়িয়া দিলেন )

মিঃ মার্শেল । I see, Rev. Bouerjee, you are standing ?  
Take your seat—বসুন ।

রেঃ ব্যানার্জি । Oh yes. Thank you. ( বসিলেন )

( মতিবাবু বগলে ফাইল নিয়া ঢুকিল )

মতিবাবু । Good Morning, Sir. (attention অবস্থায় salute করিল )

মিঃ হ্যালিডে । কুল file ? নিয়োগ পত্র ?

মতিবাবু । Here Sir, Ready Sir,—( সামনে আগাঠন ধরিল )

মিঃ হ্যালিডে । ( সই দিয়া বিদ্যাসাগরের হাতে দিলেন ) Wish you success.

বিদ্যাসাগর । ( বিচলিত ) আমি—না, না,—কি যে করতে পারবো—  
রেঃ ব্যানার্জি । You are a lucky dog.

মতিবাবু । Dog—হিঃ হিঃ হিঃ— ( হাসি, বিদ্যাসাগর অপ্রতিভ হইলেন— )

রেঃ ব্যানার্জি । ( হাসি ) But I mean not.....

মিঃ হ্যালিডে । I see, পণ্ডিত, তুমি বিধবা বিয়ে দিচ্ছ বটে, কিন্তু  
বিধবার সংখ্যা তাতে কমনে কি ? আমার এই বাবুটীকে  
দেখছো—রোজগার তার বেশী নয়—কিন্তু বিয়ে তার  
অনেকগুলি । বাবু, How many are they ?

মতিবাবু । ( সগর্বে ) Sixty, Your Excellency-

মিঃ মার্শেল । Sixty ! Funny thing—How it's possible—  
while one is living !—

রেঃ ব্যানার্জি । They are Kulin Brahmin, Sir,

মতিবাবু । হা স্তার, -আমরা কুলীন, জানেন না—নধবা কুললক্ষণম্ ?

মিঃ মার্শেল । Yes, yes. “যেখানে কুলীন জাতি, সেখানে কোন্দল ।”  
বাটটি স্ত্রী নিয়ে ঘর করছো ?

মতিবাবু । না,—তার। Father-in-lawএর কাছে থাকে ।

মিঃ মার্শেল । তুমি সেখানে যাও বুঝি ?

মতিবাবু । কুলমর্যাদা পেলেই যাই ।

মিঃ হ্যালিডে । এই এতগুলি ? ভুলে যাও না ? কি করে মনে রাখো ?  
—আমি হলে ভুলে যেতাম—হাঃ হাঃ—( হাসি )

মতিবাবু । ( নোট খই বাহির করিল ) Note বইয়ে সব টুকে রেখেছি ।

—index করে পৃষ্ঠার নম্বর দিয়েছি । নামের পাশে বংশ-  
গৌরব ও কুল মর্যাদার পরিমাণ দেওয়া রয়েছে, সেই  
হিসেবে আদায় করি ।

মিঃ মার্শেল । তাই নাকি ?

মতিবাবু । আমরা মুখ্য বন্দ্যোঘাটি বংশ স্থার ।

মিঃ হ্যালিডে । Pandit, you are too ? তোমাদের কুলমূল্য কত ?  
( বিদ্যাসাগর মাথা নত করিলেন )

রেঃ ব্যানার্জি । I was too—

মিঃ হ্যালিডে । So, you were ! Good !

রেঃ ব্যানার্জি । হিন্দু সমাজের পাপ, বল্লাল সেন আর রঘুনন্দনের  
অপকীর্তি, এই অনাচারে দেশটা ডুবলো—

বিদ্যাসাগর । একথা তোমার মুখে শোভা পায় না-কৃষ্ণমোহন !

রেঃ ব্যানার্জি । আমি ? What can I do, Pandit ?

বিদ্যাসাগর । রক্ষার এতটুকু চেষ্টা না করে—তুমি পরধর্ম গ্রহণ করেছ ।  
যে সব মহাপুরুষ সমাজ বন্ধন, আচারনিষ্ঠা দ্বারা অধঃপতিত  
দেশকে রক্ষা করেছেন—তাদের অপবশ ঘোষণা করছো ।  
এই জাতি—এই ধর্ম—একে বাঁচাতে তুমি কি করেছ বলতে  
পারো ?

রেঃ ব্যানার্জি । দেশের লোক যদি নিজের কল্যাণ না বোঝে—

মতিবাবু । Yes, Sir,—senseless, Sir,— ( দাঁত বাহির করিয়া  
হাসিল )

বিদ্যাসাগর । চুপ কর্ উল্লুক । লজ্জা নেই তোমার, হাসছো ? কুকুরের  
চেয়ে নীচ, হীন, অপদার্থ ! কোন বিবেকে এতগুলি বিয়ে  
করেছ ? আইনে তোমাদের বেত দেবার ব্যবস্থা থাকা

উচিং ছিল।

মতিবাবু। (ঘাবড়াইয়া) এইতো কুলীনের রেওয়াজ স্থার। আমরা  
মুখ্য কুলীন—বন্যোঘাটি বংশ।

বিদ্যাসাগর। (চিৎকার দিয়া) থাম। তোমরা নরকের কীট, সমাজে  
জাতির কলঙ্ক। অতি নিম্ন স্তরের নিকৃষ্ট জীব। পাপ।  
তোমরা মরবে—মরবে। এ জাতি উচ্ছন্ন যাবে উচ্ছন্ন  
যাবে—(বিদ্যাসাগর রাগে গর গর করিতে লাগিল। সকলে  
নীরব। বেহারা বাহিত পাক্ষিতে মিঃ বেথুন অন্তরের  
পথে নামিলেন।)

মিঃ বেথুন। (প্রবেশ পথে) তুমি লোক বাহার গাছতলামে অপেক্ষা  
করে। পিছু হাম বোলাবে।—হুকা বরদার,—তুমি যাও  
—দেখো হুঁরাই—তোমরা ভাই ব্রাদার মিল যায়গা—  
হুঁরা থোরা আরাম কর। (প্রবেশ করিলেন) What  
is the matter?—পণ্ডিত যে?

রেঃ ব্যানার্জি। I am sorry.

মিঃ মার্শেল। মিঃ বেথুন, এই বাবুটা ষাটটি বিয়ে করেছেন।

মিঃ বেথুন। Very bad, খুবই অশ্রায়।

রেঃ ব্যানার্জি। দেশাচার মিঃ বেথুন।

মিঃ হালিডে। পৌত্তলিকতার পরিণাম।—

বিদ্যাসাগর। না—এ অশিক্ষা।—

মিঃ বেথুন। (বক্তৃতার ভঙ্গিতে) ঠিক, অর্থগুরু শিক্ষক আর দাস মনা  
মা—এদের কাছেই যদি জাতির শিক্ষা আরম্ভ হয়—সে  
জাতির মঙ্গল হবে কি করে? শিক্ষার গোড়ার কথাই হবে—  
Education begins at home,—ছেলেদের শিক্ষা

দিলেই কর্তব্য শেষ হলো—মনে করোনা। মেয়েরা শিক্ষা না পেলে—আত্মমর্যাদা জ্ঞান হবেনা, এই পরাধীনতা আত্মবিক্রয়ের মূলে আছে স্বাবলম্বী শিক্ষার অভাব।

মিঃ হ্যালিডে। কিন্তু—মিঃ বেথুন — — —

বিদ্যাসাগর। হাঁ, মিঃ হ্যালিডে—আত্মাবমাননায় তাই জাতির চোখ ফোটে না। তাই হীন দাসজীবন বহন করে ও তারা অনায়াসে দিন কাটায়।

মিঃ বেথুন। এদের জাগিয়ে তোলার কাজ হবে তোমাদের।—

রেঃ ব্যানার্জি। মিঃ বেথুন কি ঘড়ির ডাক্তারি ছেড়ে—মানুষ 'গড়ার' কাজ আরম্ভ করেছেন ?

মিঃ বেথুন। হাঁ, পণ্ডিত, এই দেশবাসী এমনি কুসংস্কারাচ্ছন্ন যে—ঘোমটার আঁক এতদিনে কাটাতে পারেনি।—জাতিভেদ তাদের জাতীয় জীবনে ঘুন ধরিয়েছে।

রেঃ ব্যানার্জি। এই দেশে মেয়েদের স্কুলে পাঠাবে ? বল কি মিঃ বেথুন ? —তাহলে যে জাতি যাবে !

বিদ্যাসাগর। জাতি অত ঠুনুকে। বস্তু নয় কৃষ্ণমোহন। এ দেশের মেয়েরাও দেখবে একদিন বিদ্যালয়ে আসবে—আসবে।

রেঃ ব্যানার্জি। পণ্ডিত বিদ্যাসাগর পণ্ডিত দিলেও তা সম্ভব বলে মনে করিনা। বিধবা বিবাহ দেশে কয়টা হয়েছে ?

বিদ্যাসাগর। নিশ্চয়ই হবে। তুমি দেখে নিয়ো কৃষ্ণমোহন; ঈশ্বরচন্দ্র তার বাপের বাটা। এই আমি প্রতিজ্ঞা করে যাচ্ছি, মেয়ে স্কুল গড়ে তুলবো - তুলবো।

(সরোবে বিদ্যাসাগর বাহিরে গেল। সকলে নীরব)

রেঃ ব্যানার্জি। I mean ..I want not ... লর্ড হ্যালিডে। আশ্চর্য্য !

মিঃ মার্শেল । কি ভেজস্বিতা,—এই পরাধীন জাতির মধ্যে এ যেন স্বাধীনতার দীপ্ত সূর্য্য সব অন্যায়, পাপ, অজ্ঞান—জ্বালিয়ে পুড়িয়ে ভস্ম করে দেবে ।

মিঃ বেধুন । A Light !—Light ! আজ পথ খুঁজে পেয়েছি—মিঃ মার্শেল । বিদ্যাসাগর কখনও নিষ্ফল প্রতিজ্ঞা করেনা ।

পরদা পড়িল



## দ্বিতীয় অঙ্ক

প্রথম দৃশ্য

গ্রাম্য বিদ্যালয়।

পেছনে চণ্ডীমণ্ডপের চাল দেখা যাইতেছে।

ভিতরে গুঞ্জন রত ছাত্রগণ। -

নসিরাম। আজ আর পণ্ডিত আসছে না।

বিপিন। চল, তাহলে—একটা ঘুড়ি নিয়ে বেরিয়ে পড়ি। জানিস্ নসা,

কাল বৌ-ও করে রামধনের দুটো ঘুড়ি কেটে দিলাম—

রামধন। হু—আমার স্মৃতিতে ভাল মাজন ছিল না—তাই না?

বিপিন। --হা—হা—মাজনের কন্ডো নয়—

( চিম্টি কাটিল )

রামধন। উঃ উঃ—বিপনে—( চিৎকার করিল )

বিপিন । ( কথা না বলিয়া ঘরের দিকে নির্দেশ )

( সনাতন সরকার প্রবেশ করিয়া ঘরের  
পার্শ্বে টুলের উপর বসিয়া দেয়ালে ঠেস্ দিলেন )

সনাতন । পড়্— পড়্— গোল করিস্নে । এই রামধন—এদিকে—

এই পাখাটা একটু চালা দেখি । যা— গরম— উঃ—

( পণ্ডিত মশাই দিবা নিদ্রার জগ্ৰ চক্ষু  
বুজিলেন )

( ছাত্রগণ সমবেত কণ্ঠে সুর করিয়া আরম্ভ করিল )

ফিলজোফার বিজ্ঞলোক, প্লৌম্যান চাষা

পম্‌কিন্— লাউকুমড়া, কুকুঘার— শশা

( পণ্ডিত মহাশয়ের নাসিকাধ্বনি আরম্ভ  
হইল । ছেলেরা গোল করিতে লাগিল  
কাহারও নজর সনাতন সরকারের সপুষ্পক  
শিখাটির দিকে—কিন্তু গুরু মহাশয় নিদ্রাঘ  
অকাতর )

রামধন । পণ্ডিত মশাই ! ( পণ্ডিতের ঘুম ভাঙিল না )

( ছুঁই ছাত্র গভীর ঘুমের ইচ্ছিত করিল; অন্য  
জন শিখা কাটিবার ভঙ্গি দেখাইল )

নসিরাম । রোস্ রামধন—জানিস্ বিদ্যাসাগর আসছে ?

রামধন । ( উৎসাহে ) কবে রে নসা ?— সে কবে ?

নসিরাম । ( গভীর ভাবে ) আমি বলছি. দেখতেই পাবি—আসবে ।

বিপিন । বিদ্যাসাগর !

নসিরাম । হাঁ রে, জানিস্নে— সাগর জানিস্নে ? নদীও নয়,—নালাও

নয়.—ভূগোলে পড়িসনি ?— বিস্তীর্ণ জলরাশি—( এই সময়ে



পণ্ডিত আড় মোড়া ভাঙিল,—সকলে চমকিয়া উঠিল।  
মনাতন সরকার চক্ষু বুজিয়াই বেত খুঁজিল—তারপর  
আবার অসার অবস্থা দেখা গেল—সকলে মুখে আঙ্গুল রাখিয়া  
চুপ রহিল—মূহূর্ত্তমাত্র।)

বিপিন। বিস্তীর্ণ জলরাশি—কি হ'লো ?

নসিরাম। তুমি হাদারাম—অর্থাৎ এত বিদ্যা যে সাগরের মত বিস্তীর্ণ—  
বুঝেছ ?

রামধন। তিনি আসছেন ?

(এই সময়ে এক সৌখিন ছোকড়া বাবুর  
সাথে স্টকেসটা হাতে বিদ্যাসাগর প্রবেশ  
করিলেন)

তিনকড়ি বাবু। এই—এইখানে রাখলি যে—মুখ্যেদের বাড়ী যেতে  
হবে।

বিদ্যাসাগর। আমার এখানে কাজ আছে, এবার বাবুওতো নিয়ে যেতে  
পারবেন।

তিনকড়ি বাবু। (কুমাল দিয়ে ধূলা ঝেড়ে) আমি নেব হাতে করে—বলিস  
কি ?

বিদ্যাসাগর। আমি বয়ে আনলাম যে—

তিনকড়ি বাবু। তুই ? তোর সঙ্গে আমার তুলনা ? (কুমাল ঝাড়লে)  
এই ব্যাটা কুলি—জানিস আমি বড় সাহেবের খাস বাবু—  
সাহেবের আফিসে—

বিদ্যাসাগর। তা বুঝেছি,—কিন্তু আমার আর যাওয়ার সুবিধে হবে না।

তিনকড়ি বাবু। আচ্ছা, আচ্ছা তোলু—আর ছুটো পরস। নয় নিবি।—  
তবেইতো হ'লো ?

বিদ্যাসাগর । আমার সময় নেই ।

তিনকড়ি বাবু । সময় নেই ! বলে কি ব্যাটা ! সময় নেই, এষে সাহেবী মেজাজ ! ভারী মুঞ্চিল তো । তা আমি এখন কুলি পাই কোথা ?

বিদ্যাসাগর । নিজে নাওনা বাবু হাতে করে—কতইবা ভারী !

তিনকড়ি বাবু । আমি হাতে করে নেবো ?

বিদ্যাসাগর । অণ্ডায়টা কোথায় ? নিজেরই স্ফটকেশ ।

তিনকড়ি বাবু । আমি আফিসের বড়বাবু—আর তুই ব্যাটা কুলি, ছকুম করছিস্ ? হ'তো আমাদের ক'লকাতা—দেখাতাম । যা ব্যাটা বড় বেঁচে গেলি । বিদেশে বিছুই—এখন জাগ কি করি ! ( পণ্ডিতকে ) হ্যাঁ স্যার, এখানে মুখুজ্জদের কোন্ বাড়ী বলতে পারেন ? ( সনাতন নড়িল, কিন্তু জাগিল না ; ছেলেগুলি বিন্মরে ভীড় করিল )

তিনকড়ি বাবু । ( গায়ে হাত দিয়া )—হাঁ শুনছেন ?—মুখুজ্জদের—

সনাতন । ( আড় ভাঙ্গিল ) এ্যা—কে তুমি ? ( চক্ষু রগড়াইয়া বিদ্যাসাগরকে দেখিয়া বিন্মরে অভিব্যক্তের মত লাফাইয়া উঠিয়া—বিদ্যাসাগরের পা হইতে এক খাম্চা পদধূলি লইয়া ) আপনি !—আপনি !—( আর কথা বাহির হইল না )

বিদ্যাসাগর । তোমার স্কুল দেখতে এসেছি সনাতন ।

সনাতন । ( ব্যস্তভাবে ) আনুন, আনুন—এই আসনে উপবেশন করুন ।  
—এই ঘোনা, এই নসী—সব দাঁড়িয়ে—

( সনাতন ইঙ্গিত করিতেই সকলে উঠিয়া দাঁড়াইল )

নসিরাফ ।—ঘোনা আজ আসে নি স্যার—

সনাতন । —তা—তা—কি হয়েছে ?

বিদ্যাসাগর । ( ঈষৎ হাসি ) কিন্তু সনাতন, স্কুলে নিদ্রা—

সনাতন । কাল সারারাত্রি গরমে ছটফট করেছি—তাই একটু নিদ্রাকর্ষণ  
হয়েছিল—স্যার—

নসিরাম । না না, পণ্ডিত মশাই ঘুমুচ্ছিলেন না, চোখ বুজে পড়া  
ভাবুচ্ছিলেন । ( সকলে হাসি )

বিদ্যাসাগর । কাজটা ভাল হয় নি সনাতন । ছেলেদের পাঠের সময়  
অবহেলা—অগ্নায় ।

তিনকড়ি বাবু । ( দুর্বলভাবে ) আপনি ?—

বিদ্যাসাগর । আমি ?—শ্রীঈশ্বরচন্দ্র দেবশর্মা ।

নসিরাম । ( সগর্বে ) বিদ্যাসাগর !

বিদ্যাসাগর । দেখ ছোকড়া, নিজের কাজ নিজে করবে । তাতে লজ্জা  
নেই,—অপমানও নেই, বুঝেছ ?

তিনকড়ি বাবু । আপনি বিদ্যাসাগর ? ( সঙ্কোচে নত হইয়া প্রণাম  
করিল ) আমাকে ক্ষমা করুন । এমন কাজ আর কখনও  
করবো না ।

বিদ্যাসাগর । থাক, থাক, স্তুমতি হোক । বেঁচে থাকো, শিক্ষা পেয়েছো  
—দেশের উন্নতি করো । দেশের উপকার করো । আচ্ছা,  
আচ্ছা—

( তিনকড়ি আর একবার প্রণাম করিয়া নত  
মস্তকে প্রস্থান করিল । বিদ্যাসাগর এগিয়ে  
গেলেন ছেলেদের মধ্যে )

বিদ্যাসাগর । আঃ বাবারা, তোরা সব পণ্ডিত হতে এসেছিস । তোরা  
দেশের মুখ উজ্জ্বল করবি । সনাতন, এই ষরটা কি গরম !

এত গরমে এদের রেখেছো—দেখছো বাছারা ঘামে ভিজে গেছে। ও. কি গরম, ছুটি দিয়ে দাও সকলকে। গরমের সময়ে তোমাদের ছুটির ব্যবস্থা নেই বুঝি ?

সনাতন। এখনও তেমন গরম পড়ে নি—

বিদ্যাসাগর। গরম পড়ে নি ! ঐ কচি ছেলেগুলি জল হয়ে গেছে যে—  
ছেড়ে দাও সকলকে, গ্রীষ্মের ছুটির ব্যবস্থা আমি করে দেবো। তোমাদের বই কই বাছারা ?

সকলে। বই আমাদের নেই—

সনাতন। (সগর্বে) আমি এদের মুখে মুখে কর্তৃত্ব করিয়ে দিই।

বলতো নস। সেই ফিলজোফার—

নসিরাম। (সুরে) ফিলজোফার—বিজ্ঞলোক, প্রোম্যান—চাষা—

বিদ্যাসাগর। (বাধা দিয়া) থাক—থাক! ও আর শুনতে হবে না।

আমাদের ছেলেদের শিক্ষা দেবার এক খানি বই পর্য্যন্ত নেই। ভাষাহীন জাতি মৃত—তাই আমরা পরাধীন। ভাষা হারিয়ে আমাদের জাতীয়তা বোধ লোপ পেয়েছে। আমি তোমাদের জন্য বই লিখেছি। যাবার সময় সকলে বই নিয়ে যেও।—আর তোমাদের অন্তে আমি প্লেট পেমিল এনেছি। ভালো ছেলেদের সকলকে একখানি বই আর প্লেট দেব।

সনাতন। না—না, এরা সব গরীব, পরসাদিতে পারবে না।

বিদ্যাসাগর। তা জানি সরকার মশাই। পরসাদিতে হবে, একথা তোমাকে বলছে কে? নিজের বিদ্যে ফলিও না, যা বলি তাই শোন।

সনাতন। (সঙ্কোচে)—অমনি অতগুলি বই,—অনেক পরসাদি লাগবে যে—

বিদ্যাসাগর । তাতো লাগবেই— । তার হয়েছে কি ?

( বুদ্ধ হারাধন প্রবেশ করিল )

হারাধন । বিদ্যাসাগর স্থলে এসেছে শুন্লাম—বিদ্যাসাগর ! ঠা গা,  
বিদ্যাসাগর কৈ ? তিনি কি এলেন না ?

নসিরাম । ঐতো বিদ্যাসাগর মশাই দাঁড়িয়ে চোখে দেখতে পাও না,  
বুড়ো ?

হারাধন । তা দেখতে পাবনা কেনরে ডেঁপো ছোড়া !

নসিরাম । তোমার সামনেতো স্যার দাঁড়িয়ে ।

হারাধন । এই ? —আ—আমার পোড়া কপাল, ঐ মোটা চাদর গায়ে  
—উড়ে বেয়ার। দেখবার জন্মে রোদে ভাজা ভাজা হলুম !  
এর দেখছি, না আছে গাড়ী, না আছে ঘড়ি—না চোগা  
চাপকান—

বিদ্যাসাগর । কে ?—হারাধন খুড়ো না ?

হারাধন । তুমি ঈশ্বর ? হা—অদৃষ্ট ! চোখে কিছু দেখিনে বাবা । অপরাধ  
নিওনা বাবা—আমরা মুখা বোক। । তোমার বাবা ভাল  
আছেন ?

বিদ্যাসাগর । হাঁ । তোমার ছেলের আর সংবাদ পাও নি খুড়ো ?

হারাধন । না । সে তার মায়ের সঙ্গে চলে গেছে । এখন আমি একেবারে  
একা—বাবা সহসা—বহু দিন পরে তোমায় দেখলাম,  
ঈশ্বর—বেঁচে থাকো, বত্তে থাকো—

বিদ্যাসাগর । আপনাদের আশীর্বাদ—

হারাধন । আসি বাবা—

বিদ্যাসাগর । আনুন খুড়ো ।— ( হারাধন চলিয়া গেল )—এই সমাজের  
আল পরিবর্তন প্রয়োজন । বঝেই সনাতন—মানুষ দিবে

নতুন সমাজ গড়ে তুলতে হবে। (খাস ফেলিলেন) এবার সকলকে ছুটি দিয়ে দাও। হাঁ বাবারা যাবার সময়ে সকলে আমার কাছ থেকে বই আর প্লেট নিয়ে যেও।

(বিদ্যাসাগর দরজায় দাঁড়াইলেন, ছেলেরা উল্লাসে—চিৎকার করিল,—সনাতন ধমক দিল)

সনাতন। উল্লুক,—যত সব জানোয়ার!

বিদ্যাসাগর। আঃ, অত জোরে নয়। ভয় পেয়ে চম্কে যাবে সনাতন।

(প্লেট ও বই লইয়া একে একে বাহিরে যাইতে লাগিল)

নসিরাম। (বই পাইয়া) ব এ ওকার ধ—বোধ। দ আর অন্তহু য়, দয়। (উল্লাসে) বোধদয়।

(বানান করিয়া পড়িতে পড়িতে বাহিরে গেল একটা ছিন্নবস্ত্র পরিহিত ছেলে আসিয়া দাঁড়াইল)

বিদ্যাসাগর। কিরে—তোমার মুখ কালো কেন? খাস্‌নি বুঝি?

বিপিন। না স্মার, রান্না হয়নি—

সনাতন। রোজই তোমার রান্না হয় না—মিথ্যাবাদী—

বিপিন। (কাঁদিয়া ফেলিল)—মা ছাড়া আমার কেউ নেই স্মার—

বিদ্যাসাগর। (সজল চোখে) নানা, তা কি হয়েছে, এই—এই—পাঁচটা

টাকা দিলুম—পরে জাবার আমার কাছে বাস্—বুঝি—

(বিপিন ঘাড় কাত করিয়া বাহিরে গেল। আর রামধন আসিয়া দাঁড়াইল)

বিদ্যাসাগর। বুঝেছ সনাতন, এরাই জাতির ভবিষ্যত। এই দেশ। এদের গঠন করবার কঠিন দায়িত্ব গ্রহণ করেছে। নিজের সুখ

সুবিধা বিসর্জন দিয়ে, এদের গড়ে তুলতে হবে। সেই শিক্ষকের সাধনা, শিক্ষার সার্থকতা। প্রাচীন ভারতে গুরু-গৃহেই এই সভ্যতার পত্তন। ওকিরে—? কি করে এই আঘাত পেলি?—(ছেলেটা পণ্ডিতের দিকে তাকালো) কি হয়েছে বলনা?

রামধন। (বিত্রস্ত) এক দিন পড়া হয়নি— পণ্ডিতের দিকে আড় হয়ে তাকালো)

বিদ্যাসাগর। পড়া হয়নি—তার কি হয়েছে? ওকি—ওদিকে ফিরছিস্ কেন—? বল।

রামধন। পণ্ডিত মশাই—(কঁদে ফেললে)—

বিদ্যাসাগর। শাস্তি দিয়েছিল? (রেগে) সনাতন, অতটুকু ছেলের গায়ে হাত তুলতে পারলে? দুঃখ হলো না। ওর অমন কচি কোমল গায়ে কঠিন বেতের আঘাত—(বিদ্যাসাগর কঁাদিয়া ফেলিলেন)।

সনাতন। (দুর্বলভাবে সমর্থন) পাঞ্জি— দুষ্ট ছেলে—

বিদ্যাসাগর। (আদর করিয়া) দুষ্ট, হাঁ। ছোটবেলা সকলেই অমন দুষ্ট থাকে। আজকের বিদ্যাসাগর—সেদিন—

সনাতন। কিন্তু—বজ্জাত বদমায়েস ছেলেকে না ঠেঙালে—

বিদ্যাসাগর। ভুল—ভুল, সনাতন। পুরাণো শিক্ষা ভুলে যাও। শাস্তি দিয়ে ছেলে শাসন চলবে না। উপকার না হয়ে ওদের অপকার হবে। শাসনের ভয়তো ভান্ধবেই—অধিকন্তু প্রতিশোধ স্পৃহা অলক্ষ্যে মনোমধ্যে দৃঢ় হয়ে ভিত্তি গাথবে। এস বাবা, এই যে তোমার বই—আর প্লেট—আর কখনও ছুঁমি করোনা, বুঝলে?

( ছেলেটা সম্মতিতে ঘর কাত করিয়া বাহির হইয়া গেল।—  
বাহিরে সহসা অনেক শব্দ শুনা গেল— “বিদ্যাসাগর  
এসেছেন? কে তিনি?—বিদ্যাসাগর কই”—ইত্যাদি )

বিদ্যাসাগর। ওকি সনাতন?

সনাতন। বুঝতে পারছি না—বোধ হয় ছজুরকে দেখতে এসেছে।

( বাহিরে শুনা গেল, “বিদ্যার সাগর—নয়?” “শুনেছি  
গরীবের মা বাপ” ইত্যাদি নসিরাম, রামধন, বিপিন ফিরিল )

নসিরাম। ( হাঁপাইয়া ) স্যার—ওঃ—এ ভল্লাতে আর কেউ বাকি নেই—

সব—বুঝলেন—(ইঙ্গিত করিল) এসে বাহিরে সব জড় হয়েছে।

বিদ্যাসাগর। সনাতন, তোমার স্কুলে খিড়কির দরজা নেই?

সনাতন। ( আগ্রহে ) এইতো রয়েছে ছজুর।

বিদ্যাসাগর। হাঁ বেশ চল—চল,—এই পথেই পালাই—

( উভয়ে দ্রুত বাহিরে গেল )

সকলে। ( হাতে তালি দিয়া ) স্যার পালিয়েছে—পালিয়েছে।

( সকলে বাহির হইয়া গেল )

## দ্বিতীয় দৃশ্য

কালীকান্ত চট্টোপাধ্যায়ের দাওয়া।

পণ্ডিত তামাকু টানিতেছেন, কালীতারা বচসা করিতেছে।

কালীকান্ত। কাজটা কি ভাল হ'ল তারা?

কালীতারা। ( ক্ষেপিয়া ) মন্দ হ'ল কি? বাড়ীতে রাখলেই বুঝি ভাল  
হ'ত? জান?—“ছুট্ট বলদের চেয়ে শুল্ল গোয়াল ভাল।”

কালী। —এই সন্ধ্যা বেলা—

কালীতারা। না না, তুমি কিছু বোঝ না দাদা। আলাদা দিলেই খুঁটি  
গেড়ে বসবে।



কালী । কিন্তু এও ভাল হয়নি । না, আমি ভাল বলে কোন মতেই মেনে নেবোনা ।

কালীতারা । মেনে না নাও, বৌ ঘরে তোল, বৌ নিয়ে সংসার কর—আর আমাকে বিদেয় কর ।

কালী । ( বিচলিত )—সে কি কথা তারা ?—তাঁ'কি আমি বলেছি ?

কালীতারা । মুখে বল নি বটে,—তবে অন্তরের ইচ্ছেটা তাই । আমি বুঝি না বটে,—আমার বাবা আজ আর বেঁচে নেই—  
( অঁচলে চক্ষু মুছিল )

কালী । ( বিব্রত ) তারা, তোকে আমি কখনও অযত্ন করেছি ?

কালীতারা । তাহলে কি করে বলতে পারলে, অমন বৌকে ঘরে তুলবে ! তোমার বাপের মান—কুলের গৌরব যে রক্ষা করলে না, আজ বাবা অবর্তমানে, তুমি চাও—

কালী । ( বাধা দিলে ) কিন্তু অগ্নি আর নারায়ণকে সাক্ষী রেখে—  
আমি একে একদিন গ্রহণ করেছিলাম—

কালীতারা । ঐ মেয়েটা গছাবার বেলা । বুড়ো হা-ভাতে মিলে,—রেখেছিল আমাদের কুলমর্যাদা ?—সে সব বংশের অপমান নয় ?—  
না পারতো মেয়ে আইবুড়া ঘরে রাখতো—তা কুলীনের ঘরে অমন অনেক থাকে ।—তাঁ'হলে আজ আর এই কলঙ্ক হতো না ।

কালী । কিন্তু তার অপরাধ না জেনে—

কালীতারা । অপরাধ ?—তোমার হয়েছে কি দাদা ?—হিন্দু ঘরের বিধবা—  
—তায় ঘূষিত, কোথায় আনাচে কানাচে পোড়ামুখ লুকিয়ে রাখবি—তা নয়, 'বিবি খোয়াব দেখেছে' ।—না না, দাদা, বৌকে সহ পার করে দাও,—এই যে আমরা চিরদিন বাপের বাড়ীই রইলুম—

কালী । সে 'সুখ না গৌরব ? তারা, তোর নিজের কথাই ভেবে  
বল্ বোন ।

কালীতারা । দাদা, তুমি আমাকে গাল দিলে ! সেই ছোট লোকের  
বেটির সঙ্গে আমার নাম করে অপমান করলে । ( কালী )  
তোমার বাড়ীতে আছি বলেই—না ? আজ আমার বাবা  
বৈঁচে নেই—তাই—

কালী । ( বিব্রত ) আঃ—কি যে করিস্ । না, তোকে আবার কি  
বললাম ! যাক্—আমি আর কিছু বলবো না । ( তামাকু  
টানিতে লাগিল । খানিক ক্ষণ নীরব । কালীতারা ঘন ঘন  
চক্ষু মুছিল )

কালীতারা । মুখপোড়া ভগবান, অদৃষ্টে একটা আশ্রয় লেখেন নি—লোকের  
একটা স্বামীর ঘর থাকে—তার বড়াই করে—আমার—

কালী । আঃ—কি আর বলেছি ? আমি তেমন কিছু বলি নি । না—  
( দাঁড়াইল )

কালীতারা । (চোখ মুছিয়া) কোথায় যাচ্ছ—চৈত্র সংক্রান্তি আসছে—বার  
বছর—এইবার মাসোহারাটা—হাঁ, কাল বিদ্যাসাগর বাড়ী  
এসেছে গুনলাম—চাপ দিও । কথায় আছে, কাঁদ কাট না  
মিলবে কড়ি—বুদ্ধিতে জোটে সোণা ভরি ।" তুমি ভারী—  
তেঁতুলে—

কালী । বিদ্যাসাগর দান করেই ফতুর—তাতে দেশে ছুঁতুক—

কালীতারা । ( ঝাঁঝে ) তা'বলে আমরা না খেয়ে মরবো ?

কালী । চিড়ে মুড়ি, এক বৎসর বাদ গেলে লোক মরে না—

কালীতারা । তোমার যেমন কথা—বৎসরের যা'—পাল পার্কণ হিন্দু হয়ে  
বাদ করবো নাকি ?

কালী । কিন্তু দেবে কোথেকে ?

কালীতারা । তবেই হয়েছে,—‘জলে না নাবতেই এক হাঁটু’--ছকোট।  
রেখে উঠতো একবার ।

কালী । ( অনিচ্ছায় ) কি যে লাভ হবে—

কালীতারা । সংসারে লোক দেখে হৃদ হ্রুম—লোক আমি চিনিনে !  
‘শিকারী বেড়াল গৌফ দেখেই চেনা যায় ।’—বিদ্যাসাগর  
ঋণ করেও—দান দেবে !—আর আমরাই বা কেন সেটুকু  
নিতে বিমুখ হবো—কেউ নেবেই যখন । তোমার কিছু বুদ্ধি  
নেই দাদা—লোকে মিথ্যে বলে না—ছাত্র ঠেঙিয়ে তুমি—  
( হাসিল )

কালী । ( অনিচ্ছায় ) বলছিস যখন—তা বেশ যাচ্ছি,—কিন্তু মনটা  
ভোর থেকেই ভারী করে দিলি তারা—তুই নিজবুদ্ধির যত  
বাহাদুরী করিস—কাজটা ভাল হয়নি—বাজে লোকের  
কথা শুনে—

কালীতারা । ‘যা রটে তার খানিকটাওতো বটে’ । দাদা আবার ! সাবধান !  
তোমাকে বলে দিচ্ছি ঐ হতভাগা মেয়ে বোর কথা তুমি  
আর আমার সামনে বলবে না । তাহলে আমি অনর্থ  
করবো ।—এইবার যাও লক্ষ্মী ।—গয়লা বোটা যা কিপ্‌টে,  
সেদিন মুগ ডাল চাইতে এই ছুটি দিলে—কি যে রাঁধবো—

( কালীতারা বাহিরে গেল, কালীকাস্তুর চাদর  
কাঁধে বাহির হইল । মঞ্চ শূণ্য রহিল । কথা  
বলিতে বলিতে ভবসুন্দরী আর নারায়ণচন্দ্র  
প্রবেশ করিল )

ভবসুন্দরী : আমাদের এখানকার পাট শেষ হ’লো ।

নারায়ণ । তার অর্থ ?

ভবসুন্দরী । লোকে নানা কথা বলে, পিসি তাই নারাজ ; জবাব  
দিখেছেন—এখানে থাকা আর চলবে না ।

নারায়ণ । কোথায় যাবে ?

ভবসুন্দরী । জানি না ।

নারায়ণ । ও—

ভবসুন্দরী । আমাদের স্থান আর কোথাও নেই, আর আমার জন্মই  
মাসির এই ভোগ । তার চেয়ে ভেবেছি—

নারায়ণ । ( আগ্রহে ) কি ভেবেছ ?

ভবসুন্দরী । যাকে নিয়ে এত জ্বালা, যাকে সংসারে কেউ চায় না—তার  
থাকার প্রয়োজনই বা কি ?

নারায়ণ । তার মানে ?

ভবসুন্দরী । আত্মহত্যা ছাড়া আমার আর উপায় নেই ।

নারায়ণ । ( আতঙ্কে ) আত্মহত্যা !

ভবসুন্দরী । কি আর আমি করতে পারি ? নিজেই শুধু ভুগছি না—  
মাসিকেও দুঃখ দিচ্ছি—

নারায়ণ । ভব, তুমি আবার বিয়ে কর । বিয়ে করবে ?

ভবসুন্দরী । ( হেসে ) কিন্তু আমাকে কে আর বিয়ে করছে—

নারায়ণ । বিয়ে করতে তুমি রাজি কিনা ?—তাই বল ।

ভবসুন্দরী । রাজি—গররাজিতে কি যায় আসে ?—আমার ইচ্ছা মাত্রই  
তো আর বর জুটবে না ।

নারায়ণ । আমি সে ব্যবস্থা দেখবো । তুমি শুধু মত দাও ।

ভবসুন্দরী । ( নারায়ণের দিকে চাহিয়া ) তুমি কি বলছো আমি ঠিক  
বুঝতে পারছি না ।—তোমার একথা কি সত্য ?

নারায়ণ । ই—সত্য । এই আমি তোমাকে ছুঁয়ে বলছি । ( অগ্রসর হইয়া হাত ধরিল )

ভবসুন্দরী । কিন্তু তোমার আত্মীয় বন্ধু—তারা রাজি হবে কেন ?

নারায়ণ । তুমি জান আমার বাবাকে । তিনি বিধবা বিবাহের উদ্যোগী ।

ভবসুন্দরী । কিন্তু নিজের একমাত্র পুত্রের বিধবা বিবাহে মত নাও দিতে পারেন ।

নারায়ণ । আমার বাবাকে তুমি জান না ভব । যাক, সে দায়িত্ব আমার । তোমার আপত্তি নেইতো ?

ভবসুন্দরী । বেশ, তুমি যা ভাল বোঝ কর । আমি আর ভাবতে পারিনে—

নারায়ণ । ভব, আজ তুমি আমাকে যা খুসি করলে—মনের কথা প্রকাশ করতে পারিনে—

ভবসুন্দরী । এ্যাঃ—কাকাবাবু যে এই দিকেই আসছেন—

নারায়ণ । চল আমরা সরে যাই—

( ভবসুন্দরীকে টানিয়া লইয়া প্রস্থান ।

নবকুমার ডাক্তার ও দীনবন্ধু প্রবেশ করিল )

দীনবন্ধু । কিন্তু, তোমার কথার তাৎপর্য আমি বুঝতে পারছি না ।

নবকুমার । তা কি করে বুঝবে, এখন ভাবছো—অমন সদাশিব দাদা—সব কিছু তোমাদের মঙ্গলের জগুই করছেন—কিন্তু আদপে তা নয় ।

দীনবন্ধু । তাহলে ?

নবকুমার । বলতে পারো—তোমার বাবা কানী যেতে জিদ্ করা সব্বো—তোমার দাদা কেন তাদের আটকে রেখেছেন ?

দীনবন্ধু । মা কিছুতেই কানী যেতে রাজি নন, তিনি বলেন—তীর এই

- বীরসিংহার অমন দেবতার অভাব নেই, এই নরনারায়ণের সেবা করতে পারলে জন্ম সার্থক মনে করবেন। দাদা তাই এই বয়সে বাবাকে একা যেতে দিতে রাজি নন।—মাকে ছাড়তে দাদারও ভাল লাগে না—মা অস্ত্র প্রাণ যে—
- নবকুমার। ( অবজ্ঞার হাসি ) দাদা বুদ্ধিমান !
- দীনবন্ধু। তার মানে ?
- নবকুমার। যে কথাটা বলেছেন, অকাটা।—আর তোমাদের ও তা অবিশ্বাস করবার শক্তি নেই।
- দীনবন্ধু। ( দুর্বলভাবে ) কিন্তু কারণটা কি তা নয় ?
- নবকুমার। ( জ্বোরের সহিত ) মোটেই তা নয়।
- দীনবন্ধু। তাহ'লে কারণটা কি খুলে বল, কি তুমি জান ?
- নবকুমার। তোমরা বাড়ী বসে, পৈত্রিক সম্পত্তি লুটে পুটে ভোগ করবে—তার তা সহ হচ্ছে না।
- দীনবন্ধু। দাদাকে অত ছোট ভাবতে পারিনে নবকুমার।
- নবকুমার। আমার কথা বিশ্বাস হবে না—তা জানি। তারাদি—ও তারাদি—( কালীতারা খুস্তি হাতে বাহিরে আসিল, আট সাট শাড়ী পরণে )
- কালীতারা। কে ?—আরে ডাক্তার যে—! কবে এলে তাই ? হাঁ—অত বড় ডাক্তার হয়েও—তবু তুমি গাঁয়ের পাঁচজনের খবরটা নাও।—তা ভাল আমাদের মনে রেখেছো। কথায় বলে, চোখের আড়াল কি মনের আড়াল ( ছুট্ট হাসি )
- নবকুমার। তারাদি, তুমি তো সব জান ; আর আশে পাশের পাঁচখানা গাঁয়ের লোক তোমাকে বুদ্ধিমতী বলেই জানে—
- কালীতারা। ( হাসি ) 'গায়ে মানে না আপনি মোড়ল'—এও তাই :

নবকুমার । আর উচিত কথা বলতে তুমি পিছু পা দেও না । তুমিই বল, কেন বিদ্যেসাগর বাপকে কালী যেতে বাধা দিচ্ছে ?—  
সেই কথাই দীনবন্ধুকে বলছিলাম—বিদ্যেসাগর কেবলি বিদেশে থেকে খাঁটবে আর তোমরা বাড়ী বসে মুড়লি করবে;—একি সম্ব হয় ?—তা হয় না বাপু । তুমিই বল না তারাদি ?

কালীতারা । —তা যা বলেছ ডাক্তার । বিদ্যেসাগর কোন্ কাজটাই বা ভাল করছে ? গরীবদের অত আঙ্কারা দেওয়া কেন ?—মরুক না ব্যাটারা । ভগবান যাদের অদৃষ্টে সুখ দেন নি তুমি তাদের সুখ দূর করবে ?—কিন্তু এখন যদি এমাসে বলে বসে, আমার বহু ব্যয় হয়ে গেল, মাসোহারা বন্ধ থাক, তাহলে আমাদের উপায় ?

নবকুমার । (হাসি) সে ভয় নেই তারাদি । পৈতৃক সম্পত্তি আছে না ?

দীনবন্ধু । কিন্তু তাতে আমাদেরও ভাগ রয়েছে তো ; সেখান থেকে দান ধ্যান করতে দেবো কেন ?

কালীতারা । মাগা নেই তার মাগা ব্যাথা । শুনুছে কে তোমার কথা ?

নবকুমার । আটকাবে কি করে ? এজমালি সম্পত্তি ।

দীনবন্ধু । অংশ ভাগ করে নেবো ।

নবকুমার । (উৎসাহে) সেই কথাই তো বলছিলাম । দীনবন্ধু, তুমি আমার ছেলেবেলার বন্ধু বলেই বলা ।—নয় তুমিও যা বিদ্যেসাগর ও তাই ।—গ্রাম সম্পর্ক বইতো নয় । নয়, আমার হাতীটার অল্প বটগাছের একটা ডালাই না-হয় কেটেছিলাম ; কিন্তু কত অপমানই না করলে সেদিন । তোমারই

সামনে তো। পড়িয়েছেন বলে কি মাথা কিনে রেখেছেন ?—  
তুমি তো জ্ঞান তারাদি, ঐ শচীবাম্বনির পুকুর ধারের  
যায়গাটা আমাদেরই ছিল একদিন।—

কালীতারা। (দীর্ঘশ্বাস)—সে কথা আর বলে কি করবে ভাই—সবই  
অরণ্যে রোদিন। বুঝলে ?—জোর যার মাটি তার। এই  
হয়েছে আজকের দিনের রীতি। লোকে বলে, মহারাণীর  
আমল ; কিন্তু বর্গীর দিন গুনিও যে ছিল এর চেয়ে শতগুণে  
ভাল।— বুঝলে ভাই, এসবই টাকার গুমর।

(একটা ইঙ্গিতে অনেকখানি অর্থ প্রকাশ  
করিলেন : কালীকাণ্ড স্ত্রীসহ প্রবেশ করিল)

দাদা—

কালী। (বিরত) আমি কি করবো—(মাথা চুলকাইতে লাগিল)

কালীতারা। তাহলে তুমিই এদের নিয়ে ঘর আগলীও, আমি বিদেয় হই—

বিরজা। বিদেয় হবে কেন গো ? আমরা দুজনেই এ বাড়ীতে ধরবো  
না ?

কালীতারা। তোমার সঙ্গে এক বাড়ীতে থাকবো ?—না দাদা—

বিরজা। কেন—কি হ'ল ?

কালীতারা। আমাদের সম্মান—অপমান জ্ঞান নেই ? যত সব বাজে—

বিরজা। বাজে কি ? বল—

কালীতারা। বলবো না।

বিরজা। বলবো না বললেই ছাড়বো—

কালীতারা ! ঝগড়া করবে নাকি ? একি তোমার বো, দাদা !—পাড়া  
কুঁহলি—গায়ে পড়ে ঝগড়া—

কালী। আহা—হা, তোমরা। কি করছো, চুপ করো চুপ করো।—  
তারপর নবকুমার, কখন এলে ?



নবকুমার । আজই । আবার আজই যেতে হবে । অনেক কাজ ।  
আমাকে নাহলে রাজার—এক মুহূর্ত চলে না । বুঝলে—  
বেশ আছি দীনবন্ধু ।

দীনবন্ধু । তোমাদের ভাগ্য ভাল ।

নবকুমার । অমন বিদ্যাসাগর যার ভাই—লাট থেকে যত সাহেব—সবাই  
যার হাত ধর । দিতে পারেন নাকি, একটা কিছু সুবিধা  
করে ?—তোমাদের কেন যে ভাল কাজ হয় না  
বুঝতে পারিনে—

দীনবন্ধু । অদৃষ্ট !

নবকুমার । না ভাই—এ হিংসে, পরশ্রীকান্তরতা—তোমাদের জন্ত  
তার ভারী মাথাবাধা ।—বুঝলে না দীনবন্ধু—হাঃ হাঃ  
( কুটিল হাসি ) এবার চলি ভাই ; গিরে দেখবো—কত  
লোক বসে রয়েছে ; - দেশে এসেও কি শাস্তি আছে— ?

কালীতারা । যা বলেছ ভাই, “চেকি স্বর্গে গেলেও ধান ভানে ।”  
তোমাদেরও হয়েছে তাই— ।

দীনবন্ধু । পণ্ডিতের বুঝি বোঁ এল ?—বেশ, বেশ তারাদি, বোঁকে বরণ  
করে ঘরে তোল । বোঁতো তোমাদের এই প্রথম ঘরে  
এয়েছে— । আমরা চলি ।

( দীনবন্ধু ও নবকুমার চলিয়া গেল )

কালীতারা । হাঁ, ভাঙা কুলো সাজিয়েছি বরণ করবো ! বলে, “ছাতা  
ধর নামিয়ে—জামাই এলো ঘামিয়ে ।”

কালী । আঃ--তারা, ওকি কথা ?—

বিরজা । তা বরণ করবে কেন, তোমাদের তো সে পাট নেই,—

কালীতারা । আঃ—আমার সোহাগী । বরণ হয় না—যত সব পাঁজি নছার—

বিরজা। গালি দিচ্ছ কেন গা—নিজের জীবনে তো সে সুযোগ  
হ'লো না।

কালীতারা। “যত বড় মুখ নয়—তত বড় কথা”—হারামজাদা মেয়ে  
মানুষ—( বলিতে বলিতে কালীতারা বাহিরে গেল )

কালী। —ওকি কথা তারা কি যে বলে!

বিরজা। ( ক্রন্দন জড়িত ) আমাকে গালি মন্দ করে গেলো তোমার  
বোন—তুমি সামনে দাঁড়িয়ে!—হঁা সৃত্য ছাড়া আমার  
আর স্থান নেই।—

( বিরজা বাহিরে গেল )

কালী। আঃ—কি যে বলো—তা কি বলেছে! তারা যেমন- মুখে  
কথা আট্কাই না। কি বলতে কি বলেছে, না-না—শোন  
শোন,

( কালীকান্ত জীর পশ্চাৎগামী হইল )

## তৃতীয় দৃশ্য

কালী—মাতঙ্গীপদ ভট্টাচার্য্যের বাড়ী।

ঠাকুরদাস ঘুম হইতে উঠিলেন। ভিন্ন দিকে মাথা ঘুরাইয়া—হাত  
জোড় করিয়া কপালস্পর্শ করিলেন। পরে ডাকিলেন—

ঠাকুরদাস। —শ্রীমন্ত, শ্রীমন্ত—তামাক দিয়ে যা—( খানিকক্ষণ অপেক্ষা  
ক'রে—সাদা না পেয়ে—রেগে, উচ্চৈঃস্বরে ) ছিঁড়ে—  
ছিঁড়ে—ব্যাটা গেল কোথায়?

( শ্রীমন্ত—গানের কলিমুখে প্রবেশ করিল )

- শ্রীমন্ত । (রাম প্রসাদী সুরে) ওমা, তোমায় খাব—  
(তোর) ঐ মুণ্ডমালা কেঁড়ে নিয়ে  
অম্বলে সন্তার দেব ।  
কালী, তোমায় খাব ।
- ঠাকুরদাস । (বিরক্তে) কোথায় ছিলি এতক্ষণ—নবাবপুত্র—! ঘুম  
ভাঙতেই মেজাজ বিগড়ে দিলে । কোথায় এক ছিলিম  
তামাক দিবি—না, আজ দিনটে মাটি হয়ে গেল—
- শ্রীমন্ত । তোবা! তোবা! কি যে বল কত্তা,—এই যে তামাক  
দিই—(বাহিরে গেল, গান শুনা যাইতে লাগিল, ‘কালী  
তোমায় খাব’ ইত্যাদি । কব্বিতে ফুঁ দিতে  
দিতে ঢুকিল)
- ঠাকুরদাস । (খুসি হইয়া) তামাক না পেলে টাট্টি সাফা হয় না ।  
মেড়োর দেশে দুই চারটে ডদের বুলি রপ্ত করা চাই, বুঝলি ?  
—ছাই বুঝেছিস্ (ঠাকুরদাস হুকায়ে দীর্ঘ টান দিল)
- শ্রীমন্ত । কত্তাবাবু—বড় বাবু কাল রাতে এসেছেন ।
- ঠাকুরদাস । (খুসীভাব নিভিয়া গেল) কে—ঈশ্বর ?
- শ্রীমন্ত । হ্যাঁ—কত্তা ।
- ঠাকুরদাস । (চুপি চুপি) কেন এসেছে, বলতে পারিস ?
- শ্রীমন্ত । আমি কি করে জানবো কত্তা । (হাসি)
- ঠাকুরদাস । (অপ্রতিভ) তাও তো ঠিক । কিন্তু তুই হাসছিস্ কেন ?  
তুই ভাবছিস্ আমি তাকে ভয় করি । এতটুকু না । আজ ও  
বিদ্যাসাগর ! কিন্তু এক রত্তি যখন ছিল—আমি ওকে পড়া  
বলে দিয়েছি—বুঝলি ? (শ্রীমন্ত ঘাড় কাত করিল) হ্যাঁ,—  
পড়তে পড়তে ঘুমিয়ে পড়তো—আমি কাজ থেকে ফিরে  
এসে ঘুম থেকে তুলে দিতাম—অনেক দিন প্রহারও দিয়েছি ।

শ্রীমন্ত । তুমি বড় নির্ভুর ছিলে কস্তা, ঐ অতটুকু ছুধের ছেলে—  
সারাদিন খেটে রান্না করতো, রাস্তার আলোতে বসে পড়তো  
—পড়তে বসে ঘুমিয়ে পড়তো । ওর মুখ দেখে তোমার  
মায়া হতো না !

ঠাকুরদাস । ( হেসে ) প্রহারের ভয়ে, ঘুম যাতে না আসে সেই জন্মে সে  
চোখে প্রদীপের তৈল দিয়ে পড়তে বসতো । চোখ জ্বালা  
করতো—কিন্তু ঘুম আসতো না । লেখাপড়ায় মন ছিল ।

শ্রীমন্ত । হিঃ হিঃ হিঃ—‘লেখাপড়া করে যেই, গাড়ী ষোড়া চড়ে সেই ।’

ঠাকুরদাস । তবেই বোঝা ছিঁড়ে !—হাঁ, ও ছেলে পণ্ডিত হবে—আমি  
গোড়া থেকেই বুঝেছিলাম । রামজয় ঠাকুর যার জিভে  
অঁক কাটেন—সেকি মুখ্য হতে পারে ?—আমার সঙ্গে  
সে বার যখন কলুকাতা যাচ্ছিল—পথে যেতে যেতে মাইল  
খুনে ইংরেজী সংখ্যা চিনে নিলে ।—

শ্রীমন্ত । বড্ড কষ্ট করে বিদ্যা শিখেছে গো —

ঠাকুরদাস । কষ্ট !—কষ্টের কথা কি বলছিচ্ছি ছিঁড়ে ?—আমিই কি কম  
কষ্ট করেছি জীবনে ?—কতদিন গেছে, এক মুঠো ভাত  
জোটেনি—অদৃষ্টে । এক মুড়ীওয়ালী বুড়ী ভারী আদর  
করে মাঝে মাঝে ফলার দিত । কষ্টের কথা মনে হলেই  
তার স্নেহের ঋণ মনে হয় । দুই টাকা মাইনে পেতাম, ঐ  
বুহৎ সংসার ঐ দিয়ে পালন করেছি । এরা আজ মানুষ হয়ে  
উঠেছে—আমার পুত্র—আমার সম্মান ।

( কষ্ট রুদ্ধ হইয়া আসিলে—তামাকে মন দিলেন ।

ঈশ্বরচন্দ্র ও ভগবতীদেবী প্রবেশ করিল )

ভগবতী । না, বাবা ঈশ্বর, এই ধর্ম-আচার আমার ভাল লাগে না ।

তার চেয়ে তুমি বাপু—আমাকে সেই বীরসিংহাই নিয়ে চল। কাজ নেই আমার তীর্থ পুণ্য করে।

ঈশ্বর। (হাসি) সেকি মা—সবাই আসে দূর দূর দেশ থেকে কত অর্থ ব্যয় করে, কত কষ্ট সহ্য করে—আর তোমার সে তীর্থ ভাল লাগলো না।

ঠাকুরদাস। (হাসি) পাগল! পাগল। বাপও ছিল এমনি বন্ধ পাগল!—বুঝলি শ্রীমন্ত ঈশ্বর যখন জন্মে—তখন নয়। বৌ ঘোর উন্মাদ—

ভগবতী। না বাবা, এ সব আচার পরায়ণ বামুন্দের দেখছি—আর মন বিকল্প হচ্ছে, তীর্থ নয় এমন টাকার শ্রদ্ধা, ফাঁদ পেতে যত বক বসে আছে—মাছ পেলে গের্গে তুলবে। দেবতার দরজায় যদি ঘুষ দিয়ে ঢুকতে হয়—সে ধর্ম আমার জন্ম নয় বাবা। তার চেয়ে আমার বীরসিংহা বড় তীর্থ। সেখানে দীন দরিদ্রের অভাব নেই। তাদের সেবা করতে পেলে আমি ধন্য হবো।

ঠাকুরদাস। (বিরক্তিতে) তোমার যেমন বুদ্ধি—সাধে কি লোকে বলে—স্ত্রীবুদ্ধি। ঠাকুর দেবতা ফেলে—যত সব চাষা ভূষোকে খাওয়ান। অমন বুদ্ধি না হলে—অতগুলি কষ্ট গরীবদের বিলিয়ে দিলে—বলতে গেলে অদানে অত্রাঙ্গণে! সেবার ছুর্গোপূজা বাদ করে কাঙালী ভোজন করালে—মায়ের আমার অর্চনা হলো কোন মতে, একটা ঢাক বাজলোনা, কেউ জানলে না।

ভগবতী। কাজ নেই আর ব্রাহ্মণে মাথায় থাক ওরা। তুই বাবা আমাকে নিয়ে চল,—সে আমার স্বপ্নের ভিটে; ওই

ভিটেতে সাঁঝ সন্ধ্যার প্রদীপ জ্বলে দেওয়া আমার নিত্য ক্রিয়া। এই যে ঠাকুর আর ঠাকুরগণ্টী আছেন, এরাই কি কম যান—কর্তাকে ফুলে আজ অমাবস্যা দান মহাপুণ্য, কাল পূর্ণিমে দান করলে অক্ষয় স্বর্গ প্রাপ্তি। রোজ এমন একটা না একটা লেগেই আছে—বেশ দুপয়সা গুছিয়ে নিচ্ছেন। আমার এসব ভাল লাগে না।

শ্রীমন্ত । আর এট বাড়ীতে—এ যেন নরক। যেমন ভুগন্ধ—তেমনি নোংরা, কত্তা এ বাড়ীতে কি মধু যে পেয়েছেন—ছাড়তেই চান না—আমরা এত বলি—

ঠাকুরদাস । (কোপে) তাই বুঝি শ্রীমন্ত? বাড়ী খুঁজে পাওয়া যায় নাকি?

বিদ্যাসাগর । না বাবা, এ বাড়ীতে থাকা চলবে না।

শ্রীমন্ত । সেই ভাল, চল কত্তা, আমরাও দেশে চলে যাই—

ঠাকুরদাস । তুই খাম শ্রীমন্ত । এই শেষ বয়সে, কান্না থাকবো না, মরতে যাবো কোথা? না বাবা, আমি কান্না ছেড়ে কোথাও যাবো না; বাড়ী বদলাতে চাও—আমার আপত্তি নেই -

ভগবতী । আমি কিন্তু এখানে কিছুতেই থাকবো না, আমি বুঝতে পারছি আমার দিন শেষ হয়ে এসেছে, এখন স্বপ্নের সেই পুণ্য ভুঁয়ে—যদি অবসর নিতে পারি তবে বহু ভাগ্য মানবো।

বিদ্যাসাগর । বেশ, মাকে আমি সঙ্গে করে নিয়ে যাচ্ছি একান্তই যদি আপনি কান্না থাকতে চান, অল্প বাড়ী দেখে দিচ্ছি সেখানে গিয়ে থাকবেন—এমন অস্বাস্থ্যকর—না আমি সেই চেষ্টায় যাচ্ছি—একেবারে বাজার করেই ফিরবো,—না, শ্রীমন্তকে

আর দরকার হবে না। ও বাজার আমি নিজেই হাতে করে নিয়ে আসতে পারবো।

ঠাকুরদাস। —বিধবা বিবাহের জন্ত তুমি খুব খাটছেন। ওনছি,—দেশের লোক খুব ক্ষেপেছে কি ?

বিদ্যাসাগর। দেশের লোক—সব মুখ অশিক্ষিত—কিছুই বুঝতে চায় না, আদর্শে শিক্ষার প্রতি তারা শ্রদ্ধাশীল নয়। যে প্রথা—একবার ধরেছে—প্রাণ দেবে, তবু তা ত্যাগ করবে না। এই অন্ধ অনুকরণই জাতির সর্বনাশের মূল। এই সংস্কার দূর করবার জন্য প্রচার দরকার। আমি আর মদন এবার প্রেস করেছি, বই ছাপ বো—কাগজ বের করবো।

ঠাকুরদাস। বাবা, ধরেছো যখন ছেড়োনা। আমার পূর্বের কথা মনে আছে ?

বিদ্যাসাগর। আপনাদের আশীর্বাদ—

ভগবতী। যে বংশের সন্তান তুমি,—ও গুণ তোমাদের রক্তেই আছে। প্রাণ দেবে তবু জিদ ছাড়বে না।

ঠাকুরদাস। হাঃ হাঃ হাঃ—সে কথা সত্যি নূতন-বো—আমারও অমন জিদ ছিল।

ভগবতী। —না, অন্যায় জিদ আমি পছন্দ করিনে—

( অস্থির ভাবে বাহিরে গেলেন )

ঠাকুরদাস। পাগল ! ওর বাপ ছিল বন্ধ পাগল - বুঝলি শ্রীমন্ত, ঈশ্বর যখন জন্মে—নূতন-বো বোর উদ্ভাদ। ও —আচ্ছা—আচ্ছা, যাবে ?—তা যাও—তা যাও। আমারও সন্ধ্যা আহ্নিকের বেলা হলো, আমিও যাই।

( ঠাকুরদাস ও বিদ্যাসাগর বিভিন্ন দিকে

বাহিরে গেল। শ্রীমন্তু ঘর ঝাঁট দিতে দিতে  
গান ধরিল )

শ্রীমন্তু । (গান) তো'র মুণ্ডমালা কেড়ে নিয়ে  
অস্থলে সস্তার দেব  
কালী, তোমায় খাব ।

(বাড়ীওয়ালা মাতঙ্গীপদ ঠাকুর প্রবেশ করিল)

মাতঙ্গী । বাবা, শ্রীমন্তু, কর্তা নাকি বাড়ী ছেড়ে দিচ্ছেন ?

শ্রীমন্তু । কেন দেবে না ঠাকুর ? এই পচা এঁদো বাড়ীতে কেউ আবার  
টাকা দিয়ে থাকে নাকি ? কর্তাবাবুকে এতদিন ভুলিয়ে  
রেখেছিলে—এইবার বিদ্যেটা দেখি বাপু,—ভুলাও দেখি  
দাদাবাবুকে— ?

মাতঙ্গী । শুনি—তোমার দাদাবাবু প্রকাণ্ড পণ্ডিত লোক ।

শ্রীমন্তু । হাঁ—খুঁটব বড়—বিদ্যাসাগর—সাগর কি জান ?

মাতঙ্গী । তা হলে তো—বড়লোকও—

শ্রীমন্তু । হাঁ—কলিকাতার সাহেব স্ত্রবো সকলেই তাঁর ছাত্র—কত  
জঙ্ক্ মাজিষ্টার দাদাবাবুর ছাত্র আছে জানো ?

মাতঙ্গী । (নরম সুরে) তা উঠে যাবে কেন শ্রীমন্তু ? আমি আর  
একটা ভাল ঘর ছেড়ে দেবো । ভাড়া না হয় কিছু কমই  
দেবে ।

শ্রীমন্তু । তোমার ভাল ঘরেও তারা থাকবে না ।

মাতঙ্গী । (অনুরোধে) বাবা শ্রীমন্তু, তুমি যদি একটু বল—

শ্রীমন্তু । আমি !—আমার সঙ্গে তুমি কম বজ্জাতি করেছ । কুরো  
থেকে জল তুলতে গেলে, ছোঁয়া বাঁচাতে কত গালি দিতে ।

মাতঙ্গী । দেখ বাবা শ্রীমন্তু, তোমার ভালোর অন্যাই বলতুম । আমরা



ঠাকুর দেবতা নিয়ে ঘর করি, পাছে তাতে তোমার স্পর্শ  
লেগে পাপ হয়—এই জন্যেই তো বলা বাবা,—নয়—

( ঠাকুরদাস প্রবেশ করিল )

শ্রীমন্ত । ( বিক্রপের হাসি ) আজ যে বড় খাতির করছো ঠাকুর—?

ঠাকুরদাস । ঠাকুর, তোমার বাড়ী আমরা ছেড়ে দিচ্ছি ।

মাতঙ্গী । সে কি কর্ত্তা ?—আমার কি অপরাধ পেলেন ?

ঠাকুরদাস । অপরাধ আবার কি ?—আমার ছেলে এসেছে,—মহাপণ্ডিত  
ছেলে সে এবাড়ীতে থাকতে রাজি নয়।—এ বাড়ী  
পুরনো—নোংরা । কত সাহেব সুবো আসবে তার  
সঙ্গে দেখা করতে । এ বাড়ীতে কি থাকা চলে ?—বুঝলে,  
ভাল বাড়ীতে আমরা উঠে যাবো ।

মাতঙ্গী । — কিন্তু এমন সুবিধে—

শ্রীমন্ত । ( সব্যস্তে ) আঃ কি সুবিধে !—কাজ নেই আমাদের এমন  
সুবিধেয়—

ঠাকুরদাস । জ্বালাতন !—হিঁড়ে, ওকি ?

মাতঙ্গী । হাঁ বাবা, আমরা গরীব মানুষ, বাড়ী ভাড়া দিয়ে ছোটো পেট  
চলে যাচ্ছিল—কোনমতে—

ঠাকুরদাস । ( দুর্বল ভাবে ) তা, আমি কি করতে পারি—ছেলে রাজি  
হবে না ।

( বিদ্যাসাগর প্রবেশ করিল, শ্রীমন্ত বাজার  
লইয়া অন্তরে গেল )

মাতঙ্গী । —যদি আপনি পুত্রকে বলেন—

ঠাকুরদাস । ( মাথা নাড়িলেন ) না, বাপু, তোমার বাড়ী ভাল নয় ।  
আমাদের পছন্দ নয় । কোনমতে ছিলুম—তা ছেলে

এসেছে, অনেক লোক আসবে-বসবে (জোরে) না, তা হয় না।

বিদ্যাসাগর। (এগিয়ে এসে) —ও, আপনিই বাড়ীর মালিক বুঝি?—

ভালোই হ'লো। আমরা আজই উঠে যাচ্ছি। হাঁ, পুরো মাসের ভাড়া দিয়েই যাবো।

মাতঙ্গী। কিন্তু যাবার কি দরকার ছিল বাবা!—

বিদ্যাসাগর। (বাধা দিলেন) আমোদের পোষাবে না।

(কয়েক জন পণ্ডিত ঢুকিল)

১ ম। ঠাকুরদাস, গুনগাম, তোর বিদ্বান্ কীর্ত্তিমান পুত্র এসেছে।

২ য়। ঠাকুরদাস—সৎপুত্র হাঁ। শাস্ত্র বাক্য—সৎপুত্রঃ কুল-দীপকঃ।

মাতঙ্গী। মহাপণ্ডিত ব্যক্তি—

ঠাকুরদাস। —আসুন—আসুন, আসন গ্রহণ করুন। এটি আমার পুত্র।  
—আপনাদের আশীর্বাদ। ঈশ্বর, এরা বহুদিন যাবৎ  
কানী বাসী।

৩ য়। জীবনের অবশিষ্ট দিনও ধ্যান ধারণায় এখানে অতিবাহিত  
করাই আমাদের কাম্য।

১ ম। তোমার পিতা দানে মুক্তহস্ত। তুমিও বারাণসীর পুণ্য-  
তীর্থে এসেছো -। মহারাজা হরিশ্চন্দ্রের দান তুমি এই।  
তুমি জানো—তুমিও তা পালন কর।

মাতঙ্গী। মহাজনের পথই প্রকৃষ্ট পথ।

২ য়। দানের মহিমাও তুমি অবগত আছ।

১ ম। তোমার পিতা ধার্মিক, ক্রিয়াবান, পিতৃপুণ্য প্রভাবে তুমি  
জগদ্বিখ্যাত হয়েছ। দান কবে তুমিও যশস্বী হও।

৩ য়। আমরাও নিশ্চিত হয়ে ধর্মালোচনা করতে পারি।

ঈশ্বরচন্দ্র। আপনারা পিতার নিকট বেক্রম পেয়ে থাকেন, অবশ্যই তা

পাবেন ।

১ য । কাশী দর্শনার্থী ধনীলোকেরা আমাদের প্রচুর অর্থ দান করে থাকেন । তুমিও নামী লোক ; তোমাকেও অবশ্যই দান করতে হবে ।

ঈশ্বরচন্দ্র । আমি কাশী দর্শনে আসি নি । পিতৃ দর্শনে এসেছি ।

২ য । তা ভাল,—কিন্তু—স্থানের মাহাত্ম্য আছে ।—এষে ৮বিশ্বেশ্বর অন্নপূর্ণার স্থান ।

৩ য । আর এই গঙ্গা—এমন উত্তর বাহিনী গঙ্গার পুত ধারা—

মাতঙ্গী । পণ্ডিত উদ্ধারিনি গঙ্গ -

( হাত কপাল সংলগ্ন করিল )

ঈশ্বরচন্দ্র । তাই যত প্রকার দুষ্কর্ম করতে তোমরা সাহস পাও । দেবী মাহাত্ম্যে সব খণ্ডন হয়ে যাবে ।—কিন্তু আমি অত বিশ্বাসী বা শ্রদ্ধাবান্ হতে পারি নি ।

২ য । তুমি কি তবে কাশীর বিশ্বেশ্বর মানো না ?—ধর্ম্য মানো না ?

ঈশ্বরচন্দ্র । তোমাদের মানি না ।—তাই তোমাদের বিশ্বাসকেও শ্রদ্ধা করি না ।

১ য । (ক্রোধে) তবে তুমি কি মানো ? শুনেছি তুমি বহু শাস্ত্র-দর্শী, এরূপ অশাস্ত্রীয় কথা তোমার মুখে শোভা পায়না ।

ঈশ্বরচন্দ্র । ধর্ম্য, বেদব্যাস কৃত মহাভারত খানা পড়েছ ? বকরূপী ধর্ম্য বলেছিলেন, “বেদা বিভিন্নাঃ স্মৃতয়ো, বিভিন্নাঃ নামো মুনি, র্যশ্চ মতং নভিন্নং ধর্ম্যশ্চ তদ্বং নিহিতং গুহায়াং মহাজনো যেন গতঃ স পস্থাঃ ।”

৩ য । তাহলে তোমার মত কি শুনি ।

বিদ্যাসাগর । ( হাসি ) আমার বিশ্বেশ্বর ও অন্নপূর্ণা আমার পিতৃদেব ও

মাতৃদেবী, সাক্ষাৎ সম্পর্কে তাঁরাই আমার স্বর্গ ও ধর্ম ।  
 তাঁদের তুষ্টি বিধানই—আমার তপস্বী ।

১ ম । তুমি না বিধবা বিবাহ প্রচলনে চেষ্টা করছো ?

২ র । হস্তি মূর্খ !

বিদ্যাসাগর । আপনাদের বিবোধগার গুনবার সময় আমার নেই—

( প্রস্থানোচ্চত )

১ ম । বেশ, আমরাও চললাম—কিন্তু এর ফলভোগ তোমাকে  
 করতেই হবে ।

২ র । ( ব্যঞ্জে ) ঠাকুর—এই তোমার বিদ্বান কীর্ত্তিমান পুত্র—

মাতঙ্গীপদ । নাস্তিক!—নাস্তিক !

( সরোষে বাহিরে গেল )

ঠাকুরদাস । ঈশ্বর—

ঈশ্বরচন্দ্র । আপনি ভাববেননা বাবা—এরা অর্থের দাস—ধর্ম এদের  
 ভড়ং—আমি যে সাক্ষাৎ ধর্মের সেবক ।

( হাসিলেন )

আমুন আপনি—

( দুইজনে বাহিরে গেলেন )

চতুর্থ দৃশ্য ।

নূতন স্থাপিত বালিকাবিদ্যালয়ের সম্মুখ ভাগ ।  
 পুষ্পমালা, মঞ্জল কলস ও কদলীবৃক্ষে শোভিত ।

নিশান উড়িতেছে ।

বিদ্যাসাগর ঢুকিয়া লাল কাপড়ের টুকরাটা  
 টানাইলেন, মিঃ বেথুন ঢুকিয়া—আস্তে আস্তে  
 পড়িতে লাগিলেন—

মিঃ বেথুন । “কল্যা প্যেয়ং পালনীয়া শিক্ষনীয়াতি যত্নতঃ” ।— হাঃ হাঃ—  
সুন্দর হয়েছে পণ্ডিত—অশিক্ষিত কুসংস্কারাচ্ছন্নের মধ্যে—  
শাস্ত্র—শাস্ত্রের চেয়েও অধিক কাজ করে । বাঃ—Hallo  
Pundit, কতক্ষণ আসিয়াছ ?

বিদ্যাসাগর । এইমাত্র ।

মিঃ বেথুন । না, এমন হইলে কিছু করা যাইবে না । এদেশের উন্নতির  
কিছুমাত্র ভরসা নাই ।

বিদ্যাসাগর । অত নিরাশ হলে চলবে না, সাহেব । বহু দিনের পাক  
জমেছে জাতির অলিতে গলিতে । তা’ মুক্ত করতে অনেক  
নির্যাতন ভোগ করতে হবে । যতদিন জাতি  
অশিক্ষিত থাকবে, দেশে বিরোধ ও ধর্ম্মাঙ্কতা বেড়েই চলবে ।  
সত্যতার গর্ব্ব কর তোমরা—এ দায়িত্বও তোমাদের ।

( হাসি ) ( কাজ করিতে করিতে দূরে  
চলিয়া গেল )

মিঃ বেথুন । No, No, আমি ঠিক আছি পণ্ডিত ।

( রামগোপাল ঘোষ প্রবেশ করিল )

Well, চক্রবর্ত্তি ফ্যাক্সন, you alone ! প্যারীচরন,  
রাধানাথ কোথায় ? রসিক—ভারাটাদ—The name—

রামগোপাল । ( মুখ ভেংচাইয়া ) এই নিরামিষ আপ্যায়নে আমরা খুশি  
নই সাহেব ।

মিঃ বেথুন । What ?—আপনারা কি বলিতেছেন ? হাঁ, এই লোক  
গুলি বড় অসভ্য, অশিক্ষাই এই জন্ম দায়ী ।

( রাধানাথ সিকদারের প্রবেশ )

রামগোপাল । —এইষে—টাইট-লারের প্রিয়ছাত্র — এসো রাধানাথ —

নিউটন 'প্রিন্সিপিয়ায়'— কি বলেছে ? Gravitational attraction—কান টানলে মাথা আসবেই— (উচ্চহাসি)

রাধানাথ। হাঃ—হাঃ—হাঃ—রামগোপাল, ঠিক আছো—! The life that has taste ... .. (হাসি)

(প্যারীচাঁদ প্রবেশ করিল)

এইষে চাঁদের হাট মিললো, এস মিত্তির ঠাকুর - কেমন আছো ?

প্যারীচাঁদ। (হাসি)—রেতে মশা দিনে মাছি, এই নিয়ে কলকাতার আছি।—বেশ বলেছে ঈশ্বর গুপ্ত।

রাধানাথ। তাই তাই, 'কে বলে ঈশ্বর গুপ্ত, ব্যাপ্ত চরাচরে'—হাঃ হাঃ—

রামগোপাল। টাইটলার আর নিউটন তোমার মাথা খেয়েছে। তোমার আবিষ্কার গুনছি, এভারেষ্ট সাহেবের নাম অমর করবে।

প্যারীচাঁদ। এভারেষ্ট বড় সাহেব,—রাধানাথকে বিলক্ষণ ভালবাসেন।— (কৌতুক হাসি) বড়র পীরিতি বালির বাঁধ, ক্ষণে হাতে দড়ী ক্ষণেকে চাঁদ।

(সকলের উচ্চৈঃস্বরে হাসি)

(এই সময়ে বিদ্যাসাগর ফিরে এলো গম্ভীর মুখে—)

বিদ্যাসাগর। না, আমরা হাল ছেড়ে দিতে পারি না, দায়িত্ব আমাদের। এ আত্মীয় দায়িত্ব।

রামগোপাল। (অস্বুটে) সর্বনাশ! পণ্ডিত যে! বিধবা বিবাহের কতদূর, পণ্ডিত ?

প্যারীচাঁদ। লোকে বলে, Pundit is running after widows— লোকে তোমার নিন্দা করে। (সকলের হাসি)

বিদ্যাসাগর। (অপ্রস্তুত হাসি) নিন্দে করে! থাম, ভেবে দেখি। তারা

আমার নিন্দে করবে কেন ? কই আমিতো কখনও তাদের উপকার করি নি ।

প্যারীচাঁদ । অমন নিন্দা তারা রামমোহনকেও করতো—

“সুরাই মেলের কুল,            ব্যাটার বাড়ী খানাকুল,  
   ব্যাটা সৰ্বনাশের মূল ।

ও তৎসৎ বলে ব্যাটা            বানিয়েছে স্কুল—  
ও সে, জাতের দফা করলে রফা,            মজালে তিনকুল” ।

(সকলের হাসি, ধীরে ধীরে বিদ্যাসাগর সরিয়া  
গেল । মিঃ বেথুন তাহাকে অনুগমন করিল ।)

রামগোপাল । রাজা—সত্যই রাজা ছিল, রাধানাথ ।

রাধানাথ । “স জীবতি মনো যশ্চ মনেন হি জীবতি । — সতীদাহ  
নিবারণের জন্তু he fought very bravely. Is not it ?

প্যারীচাঁদ । (হাসি) আমাদের রামগোপাল ও Neemtola Burning  
ghat—এর জন্তু কম লড়ে নি । He is the last hero  
but not least. হাঃ হাঃ হাঃ But all these are  
casting pearls before swine., কেউ কদর  
বুঝবে না ।

রামগোপাল । ( আবৃত্তির ভঙ্গিতে )

Thou almost makest me waver in my faith,  
To hold opinion with Pythagoras  
That souls of animals infuse themselves  
Into the trunks of men—

( হাসিতে হাসিতে সকলে এগিয়ে গেল ।  
কণেক মঞ্চ খালি রছিল, পরে মদনমোহন ও  
রাজকুমার প্রবেশ করিল )

মদন । মেঘে স্কুল হবে ?—আমাদের মেয়েদের ?

শাড়ী পরা এলোচুল আমাদের মেম্  
বেলাক নোটভ লেডী. শেম্ শেম্ শেম্ ।

( হাসি ) বিদ্যাসাগরের খেয়ালেব অস্ত নেই।

রাজকৃষ্ণ । —এই অধীন—কুসংস্কারাচ্ছন্ন দেশে মেয়েদের শিক্ষা একান্ত  
দরকার, মদন । পণ্ডিত অন্তায় করেন নি ।

( এই সময়ে বিদ্যাসাগর আবার ঘুরিয়া আসিল )

বিদ্যাসাগর । মদন এলি ?

মদন । ( সুরে ) “আকম্পয়ন কুসুমিতাঃ সত্কার শাখা বিস্তারয়ণ  
পরভৃতস্য বচাসি দিক্ষু, বায়ু বিবাতি হৃদয়ানি হরন্নরাণাং  
নিহারপাত বিগমাৎ সুভগো বসন্তে । ”

বয়েস তিন কাল গিয়ে এককালে ঠেক্ণো, এখনও মদন মদন  
করে পাগল ! বসন্ত দেখা দিতে না দিতে মদনকে স্মরণ !  
ব্যাপার কি পণ্ডিত ? “মলয় পবনে জলে মদন আশ্রয় । ”

বিদ্যাসাগর । ( কুপিত হাসি ) তোমার কাব্য পড়া ঘুচাতে হবে ;—তবে  
যদি এই বোগ সারে । কাজের কথা শোন—সোমপ্রকাশ  
আমাদের বের করতেই হবে ।

মদন । ‘সরস বসন্ত সময় ভাল পাওলি, দছিন পবন বহু ধীরে’। ( হাসি )

বিদ্যাসাগর । ( রেগে ) তুমি নির্লজ্জ । এতটুকু একবার কৈফিয়ৎ দিয়েও  
আক্কেগ হয় নি ।

রাজকৃষ্ণ । ( গম্ভীর ) মদনের দোষ দেওয়া চলেনা — “মেঘমেহুর”  
আকাশ, ‘দাহুরার ডাক’ ।—আর মদন যেখানে ভাষ্যকাব,  
“পকবিষাধরোল্লী” “সুবতি বিষয়ে সৃষ্টিরাদ্যেব ধাতুঃ” ব্যাখ্যা  
করতে যদি মাত্রাজ্ঞান ভুল হয়, রসিকজন তাই নিয়ে কখনও  
ইরে করবে—



বিদ্যাসাগর । —হয়েছে । জাডিন কোম্পানীর টাকা—আনা—পাই হিসেব করে,—আবার রস—চর্চার সময় হয় নাকি ?—দেশটাকে তোমরাই উচ্ছিন্নে দিলে—জাতির সংস্কারে মন দিয়ে—

মদন । রামমোহনও সংস্কারের জন্ত মেতে ছিল । শেষে—দেশ ছেড়ে পালিয়ে বাঁচে । হতভাগ্য রাজা !

রাজকৃষ্ণ । পালিয়ে বাঁচে কি !—সে যে দিল্লীর বাদসাহের কাজ নিয়ে বিলেত গেল—

মদন । হাঁ—প্রবাদ তাই বটে—আসলে মুখ রক্ষা । দেশ ত্যাগ না করে উপায় ছিল কি ? ধর্মত্যাগী আর দুরাচার — একই—এদেশে ।

ঈশ্বর । রামমোহনের পিতা ছিলেন পরম বৈষ্ণব আর মাতা মহাশাক্ত ; বিরোধ হবেই—

মদন । ( উৎসাহে ) হাঁ—হাঁ—তাই—তাই— রাজা সমন্বয় ভালই করেছেন—শক্তির সঙ্গে ভক্তির—

রাজকৃষ্ণ । ( হাসি ) যেমন শাড়ীর সঙ্গে সুরা ।

ঈশ্বর । ( আরক্তিম ) মদন বুঝি সংস্কার বিরোধী ? নিজের মেয়েদের স্কুলে পাঠিয়েছ যে ? শুনিছ তোমাকে একঘরে করার ব্যবস্থা হয়েছে—

মদন । ( উচ্ছ্বাসে ) কিসের সঙ্গে কি ! ওসব সংস্কারের কাজ তোমাদের । একে ব্রাহ্মণ পণ্ডিত মানুষ তার “অশ্লিষ্টতা চমৎকারা”—। সাহিত্য চর্চা আমাদের “দিনগত পাপকর” ! এ এক আনন্দ—

রাজকৃষ্ণ । —তা যাই বল তর্কালঙ্কার—পণ্ডিতের মতো সাহিত্য লিখে কঁাদতে পারবেনা—। সেই যে—সীতার বনবাসে—

পণ্ডিত—

ঈশ্বর ।

( ঈশ্বর কোণে ) থাক্, হয়েছে । এস এইবার—

( পণ্ডিত অগ্রসর হইল, ঈশ্বর হাসিয়া রাজকুমার

ও মদনমোহন অনুগমন করিল ।

নানাবিধ বাজনা ও সুরে গাহিতে গাহিতে

একদল লোক প্রবেশ করিল )

ভায়, ছনিয়া উলট পালট

আর কি সে ভাই বন্ধা হনে ।

যত সব দুখে শিশু, ভাজে যিশু,

ডুবে ম'ল 'ডুবর' টবে

\* \* \*

আগে মেয়ে গুলো ছিল ভাল,

ব্রত কৰ্ম্ম করতো সবে

একা বেথুন এসে শেষ করেছে,

আর কি তাদের তেমন পাবে ।

যত ছুঁড়ি গুলো তুড়ি মেরে,

কেতাব হাতে নিচ্ছে যবে,

তখন এ, বি, শিখে, বিবি সেজে,

বিলাতি বোল কবেই কবে ।

এখন আর কি তারা সাজি নিয়ে

সাঁজ সঁজোতির ব্রত গাবে ।

সব কাঁটা চামচে ধরবে শেষে,

পিঁড়ি পেতে আর কি থাকবে ?

ও ভাই, আর কিছু দিন বেঁচে থাকলে

পাবেই পাবে দেখতে পাবে—  
 এরা আপন হাতে হাঁকিয়ে বগী,  
 গড়ের মাঠে হাওয়া খাবে।  
 আছে গোটা কত বুড়া যদি,  
 তদিন কিছু রক্ষা পাবে।  
 ও ভাই, তারা মলেই দফা রক্ষা-  
 এক কালে সব ফুরিয়ে যাবে।  
 যখন আসবে শমন, করবে দমন  
 কি বলে তার বুঝাইবে।  
 বৃষ্টি 'ছট' বলে বুট পায়ে দিয়ে,  
 চুরট ফুঁকে স্বর্গে যাবে।

( ষট উন্টাইল, মালা ছিঁড়িল এবং সব কিছু  
 তহ নহ করিয়া প্রস্থান করিল। মিঃ বেথুন,  
 রামগোপাল, প্যারীচাঁদ, রাধানাথ, ভূদেব,  
 রাজকৃষ্ণ ও রেঃ কৃষ্ণমোহন বাহির হইয়া  
 আসিল )

মিঃ বেথুন। Impossible !

ভূদেব। না—এ অত্যাচার সহকরা যায় না।

রেঃ কৃষ্ণমোহন। But we are helpless. ভগবানের মত শয়তানকে  
 গালি দাও,— “Upon thy belly shalt thou  
 go and dust shalt thou eat ! Amen.

( হাত তুলিলেন )

রাজকৃষ্ণ। খেনো মদ আর চিংপুর ; এ জাতি রসাতলে যাবে।

রামগোপাল । The old puritan. The idea !

রাধানাথ । What Nonsense ! Malthus কি বলেন জানো ?  
জাতি বাড়ছে, increasing by leaps and bounds.  
আমাদের দারিদ্র্যই গোপীবৃদ্ধির জন্ম দায়ী ! Matter of  
multiplication. হাঃ হাঃ—

রেঃ ব্যানার্জি । ( হাসি ) Be fruitful and multiply. Amen !

প্যারীচাঁদ । ( দূরে পণ্ডিতকে দেখিয়া ) পণ্ডিতের মূর্তিখানি দেখেছো ?  
লোকে বলতো 'যশুরে কৈ,'—নাকি 'কসুরে কৈ' ? কথাটা  
মিথ্যে বলতো না ।

রাধানাথ । হাঁ—সেদিনের পণ্ডিতকে কার না মনে আছে, রোগা দেহের  
উপর প্রকাণ্ড মাথাটি । দূর থেকে লোকে দেখতো—চলে  
আসছে একখানা ছাতা । আর সে কথা কেউ বললেই  
চটে-মটে লাগ ।

প্যারীচাঁদ । ধ্যাৎ, রেগুনি—( সকলের হাসি )

রাজকৃষ্ণ । তা দয়াময়ের রাগটি শিশুকাল থেকেই উত্তরাধিকারে পেয়ে-  
ছিলেন, অভ্যাস করতে হয়নি । আমাদের পণ্ডিতের  
তুলনা মিলেনা।

( বিদ্যাসাগর উত্তেজিত—মদনমোহন প্রশান্ত  
মুখে ঢুকিল )

রেঃ ব্যানার্জি । Welcome Pandit. I congratulate you.  
Educational Despatch বে'র হয়েছে দেখেছো ?  
সরকারকে শেষ পর্য্যন্ত educational policy ঘোষণা  
করতেই হ'ল । এ তোমারই জয় !

প্যারীচাঁদ । Rev. Banerjee আপনারা mutual congratulatory

party organise করুন ।

( সকলের উচ্চ হাসি )

বিদ্যাসাগর । না—এত অভ্যচার সহ করা যায় না ।

মদন । ধৈর্য্যং কুরু ।—( হাসি )

মিঃ বেথুন । আপনি রসিকতা করিতেছেন, মিঃ মদন—কিন্তু আমরা  
এমতাবস্থায় কি করিতে পারি ?

ভূদেব । যা হ'ক কিছু একটা করতেই হবে ।

বিদ্যাসাগর । না, এদের শাস্তি দেব—কঠিন শাস্তি ।

মদন । ( ঈষৎ হাসি ) তা তুমি পার বিদ্যাসাগর—

মিঃ বেথুন । না, এদেশের কিছু হইবার নয় । দেশের লোক যদি  
নিজেদের মঙ্গল না বোঝে তবে কাহাদের জন্ত কাজ করিব ?

রেঃ ব্যানার্জি । You can't do any real good for them.

পণ্ডিত । ( উত্তেজিত )—না, আমি স্কুল গড়ে তুলবোই—

মিঃ বেথুন । সম্ভব হইবে না । I see it is not possible.

ভূদেব । অসম্ভব !

বিদ্যাসাগর । ( উঠিয়া দাঁড়াইয়া ) অসম্ভব !—না, একে সম্ভব করতেই হবে ।

( সরোষে প্রস্থান )

রেঃ ব্যানার্জি । Mad—

রামগোপাল । Madness and genius—a question of degree--

প্যারীচাঁদ । কোন গুণ নাই তার কপালে আগুন ।

( সকলের উচ্চহাসি )

## পঞ্চম দৃশ্য ।

বীরসিংহা—বহির্কাটা

ডাঃ নবকুমারের সঙ্গে তিন চারজন গ্রামবাসীর প্রবেশ

ডাঃ নবকুমার । দীনবন্ধু ! দীনবন্ধু আছে ?

( দীনবন্ধু বাহির হইয়া আসিল )

দীনবন্ধু । আরে ! ডাক্তার বে !—এস এস, কবে এলে ?

ডাঃ নবকুমার । আজই ।—এই এরা গাঁয়ের পাঁচ জন ধরে নিয়ে এলো—

নম্ব, সময় কই—

বিধু । আমরা মুখ্য—হাঁদা, আমরা কি সব কথা ঠিক বলতে পারি ? তুমি পণ্ডিত বদ্বি মানুষ—

সিধু । হাঁ ডাক্তার—ছুড়ি চালাবার স্থানটা বুঝবে - ! (সকলে হাসিল)

দীনবন্ধু । ( অপ্রস্তুত ) তা ভাই তোমরা সকলে ভাল আছে ?

বিধু । ভাল আর থাকতে দিলে কই ? সুস্থ শরীর ব্যস্ত করে কিষে লাভ—

ডাঃ নবকুমার । ( বিক্রপের হাসি ) দিন কাটছে -- । ডেপুটী হয়ে—

আমাদের আর মনে রাখবার ফুরসৎ কই তোমার । তা

ভাল,—তবু বড়লোক ভাই পেয়েছিলে !—

দীনবন্ধু । ( অপ্রসন্ন ) না—হাঁ । চাকরীটা দাদার সুপারিশেই হয়েছে বটে, কিন্তু ঐ চাকরী ছাড়া তিনি আর কি করেছেন শুনি ?

সিধু । তা কেন ? তোমাদের লেখাপড়া শেখার জগুও তিনি কম যত্ন করেন নি । ডাক্তার কি বলে ?

ডাঃ নবকুমার । ( অস্বস্তিতে ) তা—তা অমন সকলেই করে থাকে ।

সিধু । তুমি সে কথা বলতে পারনা নবকুমার । তোমার জগুও পণ্ডিত কিছু কম করেন নি ।

ডাঃ নবকুমার । ( রেগে ) সে তর্ক করবার এস্থান নয় সিধু । তিনি কার জন্তু কি করেছেন সে বিচারে আমরা এখানে আনি নি । তিনি যা কিছু করেন—আমরা সহ্য করে যাঈ ; কিন্তু অনেক কিছু করেন যা সহ্য করা সম্ভব নয়,—সুষ্ঠুও নয় । এইযে সমাজ বিপ্লব তিনি দেশে নিয়ে এলেন—একি তার ভাল কাজ হচ্ছে ?

দীনবন্ধু । কোন্ কাজের কথা বলছো ডাক্তার ?

বিধু । নেকা, কিছু বোঝেন না । ( মুখ ঘুরাইল )

ডাঃ নবকুমার । বলি—দেশাচার তো একটা আছে—সনাতন হিন্দু ধর্ম । টিকিধারী বামুন পুরোহিত আর বিধবার আচার নিষ্ঠা একে আজো বাঁচিয়ে রেখেছে, এই অনাচার সহ্য হবে নাকি ? বিধবারা যদি নৈষ্ঠিক ব্রহ্মচর্য্য ছেড়ে দলে দলে বিয়ের জন্তু মাতে, টিকি কেটে বামুনরা যদি নিষিদ্ধ মাংসের জন্তু হোটেলের ভীড় করে—জাতি তাহ'লে গোল্লায় যাবে না ? ভারতের আদর্শ ব্রহ্মচর্য্য ।—মেয়েদের স্কুলও আমরা সহ্য করেছি । কিন্তু এসব—না—

দীনবন্ধু । ডাক্তার, এসব কথা আমাকে বলে কি হবে ?

ডাঃ নবকুমার । তোমরা যদি আপত্তি কর—

দীনবন্ধু । ( বাধা দিল ) আমাদের আপত্তি তিনি গুনবেন ? তা হ'লেই হয়েছে ! তিনি কারো কথাই শোনে না । নিজের জিদেই সব কাজ করে যান ।

ডাঃ নবকুমার । কিন্তু সহ্যের একটা সীমা আছে ।

দীনবন্ধু । উপায় কি ? এর প্রতিকার আমাদের হাতে নেই ।

ডাঃ নবকুমার । ( উত্তেজিত ) গ্রামবাসীরা সে কথা গুনতে রাজি নয় ।

শুনবে কেন ? এজন্ম তোমাদের ভুগতে হবে। ধর্ম আর সমাজ নিয়ে যা'গুসি তাই তিনি করবেন—আর গাঁয়ের পাঁচজন নির্বিচারে তাই সহ্য করবে,—হতে পারেনা। তিনি বিদ্বান্ শাস্ত্রজ্ঞ বলে পাঁচ জনে শ্রদ্ধা করে। কিন্তু 'লোকাচার—সংস্কারের মূলে কুঠারাঘাত করতে চাইলে—, সে আঘাত তারই বুকে ফিরে যাবে। যাবে—নিশ্চয়ই যাবে। এস তোমরা।—

( সরোষে বাহির হইয়া গেল )

বিধু। বাবা, যুগু দেখেছ ফাঁদ দেখোনি।

( মুখের কাছে হাত ঘুড়াইয়া বাহিরে গেল )

দীনবন্ধু। ( অপमानে ও রাগে গজ রাইতে লাগিল )

বউঠান্—বউঠান্—

( দীনময়ী বাহিরে আসিল )

দীনময়ী। আমাকে ডাকলে, ঠাকুরপো ?

দীনবন্ধু। হাঁ,—এইতো গাঁয়ের পাঁচজন। বাড়ী চড়ে গাল মন্দ অপমান করে গেল।

দীনময়ী। কেন ?

দীনবন্ধু। কেন আবার ?—দাদার কীর্তি । শাস্ত্রে বিধবা বিবাহ আছে, শাস্ত্রেই থাকুক না—কতি হয়েছে কার ?—কিন্তু তা নিয়ে অত ঘাঁটাঘাঁটিই বা কেন ?—আর নিজের বাড়ীতে এসব বিক্রী—

দীনময়ী। তোমার দাদার জিদ জানোতো—তার উপরে কে কথা বলবে ?

দীনবন্ধু। তা বলে নারায়ণ বিধবা বিবাহ করবে ? দাদার এ মতিলম্ব ।



- তোমরা যদি জোর করে বলো—সে সাহস পাবে নাকি ?
- দীনময়ী । তোমার দাদাকে এতদিনে—এই চিন্তে ঠাকুরপো ?
- দীনবন্ধু । কিন্তু তার অন্যায় জিদের জন্য আমরা কেন ভুগবো ? এইযে গাঁয়ের সবাই শাসিয়ে গেল একটা কথা প্রতিবাদে বলতে পারলাম না—কেন এসব সহ্য করবো ?
- দীনময়ী । মায়ের আঙ্কারা পেয়ে জিদ আরো বাড়ছে ।
- দীনবন্ধু । মায়ের কথা আর বলোনা । বয়েস হচ্ছে আর তার বুদ্ধিও লোপ পাচ্ছে । নয়, বামুন পণ্ডিতের মেয়ে—বিধবাদের সঙ্গে একত্রে বসে মাছ-মাংস আহার করে উৎসাহ দিচ্ছেন না ছাই—! একি বিয়ে—না নিকে ! এ স্বেচ্ছাচার তার পক্ষে শোভা পায় না ।
- দীনময়ী । তোমার দাদা সেই—মা বলতে অজ্ঞান । মায়ের কথায় আবার কে কথা বলবে বল ।
- দীনবন্ধু । না, ও সব চলবে না । দাদা আর যাই করুন, নারায়ণকে কিছুতেই বিধবা বিবাহ করাতে পারবেন না । এংশে অনাচার চুকলে—আমরা অনাসৃষ্টি করবো ।
- ( ভগবতী দেবী প্রবেশ করিলেন — বয়েস অনেকটা বাড়িয়াছে )
- ভগবতী । কিসের অনাচার ? আর কেনই বা অনাসৃষ্টি করবে দীনবন্ধু ?
- দীনবন্ধু । দাদা কি করছেন খবর রাখো ? না—এ ভাল নয় ।
- ভগবতী । ঈশ্বরের ভাল মনের সমালোচনা করছে। তুমি দীনবন্ধু ? কেন, তার অন্যায়টা কি গুনি ?
- দীনবন্ধু । (সব্যস্তে) হাঁ,—তুমিতো তার অন্যায় দেখবেই না । পুত্র-

শ্নেহে অন্ধ আর কাকে বলে !

ভগবতী । ( তৃপ্তির হাসি )- হাঁ, দীনবন্ধু, তোদের মাতৃগৌরবে আমি সত্যই সৌভাগ্যবতী ।

দীনবন্ধু । কিন্তু এই বিধবা বিবাহ—একি তাঁর উচিত কাজ হচ্ছে? তোমারও অন্যায় মা, তাঁকে উদ্ধারি দেওয়া ।

ভগবতী । ( রাগে ) দীনবন্ধু !

দীনবন্ধু । না মা, সত্য কথা বলতে আমি ভয় পাইনে । তুমি যদি দাদাকে প্রশ্রয় না দিত—সে সাহস পেতো ?

ভগবতী । ওঃ—

দীনবন্ধু । না মা, দাদা বিধবা বিবাহ প্রচলন করতে চান করুন, কিন্তু নারায়ণকে বিধবা বিবাহ দেওয়া চলবে না। এ পাপ আমাদের সংসারে ঢুকাবার তার অধিকার নেই। মা, তোমাকেই এর বিহিত করতে হবে—এই বাড়াবাড়ি—

দীনময়ী । তুমি যদি নিষেধ কর মা—উনি সাধ্য কি —

ভগবতী । তা হয় না বোঁমা। আমি ঈশ্বরকে জানি, সে কখনও কোন অশাস্ত্র কাজ করবে না। উচ্ছোক্কার পক্ষে আত্ম-পর বিচার অশাস্ত্র নয়, অধর্ম্য। তেমন অধর্ম্মে আমি ঈশ্বরকে অমুরোধ করতে পারি না।

দীনবন্ধু । মা—

ভগবতী । না দীনবন্ধু, আমি তারও মা। আমাদের তেমন কাজ কখনই হতে পারে না। আমি পারবো না। তোমরাও তাকে বাধা দিওনা।

( উত্তেজিত ভগবতী দেবী বাহির হইয়া গেল )

দীনবন্ধু । ( ক্রমেক নীরব ) না, এ হ'তে পারে না, বোঁঠান। তুমি

- নারায়ণকে বাধা দাও—তুমিও তো নারায়ণের মা ।
- দীনময়ী । কিন্তু আমার কথা সে শোনে কখনো ? একটা কপাল-পোড়া মেয়ে এসে জুটেছে, সে-ই তার মাথাটা চিবিয়ে খেলে ।—আমার কথা আবার কেউ শোনে নাকি ?
- দীনবন্ধু । ভাল হবেনা বলছি ।—আমরা এসব কিছুতেই সহ করবো না । কি অধিকারে দাদা বাপ-পিতামোর নাম ডুবাবে ?—এই কলঙ্ক—এই অপবাদ !—অপমানে আমার আত্মহত্যার ইচ্ছে হয় ! দিগ্গজ পণ্ডিত হয়ে, তিনি সকলের মাথা কিনে নিয়েছেন—না ? দেশের লোকে কেমন সব ছড়া বেঁধেছে শুনেছ ?
- দীনময়ী । আমাকে এসব শুনিয়া লাভ কি ঠাকুরপো ! আমি কি তাঁকে প্রশ্ন দিই ? আগিতো আমার সাধ্যানুসারে বাধাই দিয়ে থাকি ।
- দীনবন্ধু । বাধা দাও কিনা কে জানে ।—তবু এর জন্তু কঠিন মূল্য দিতে হবে বলে দিচ্ছি । না, এই অপমান কেউ সহ করবে না । দেশের সব লোক ক্ষেপে আছে—আমি কি করবো ! আমার কোন হাত নেই—
- ( দীনবন্ধু সরোষে বাহিরে গেল । চিঠি হাতে শঙ্কু প্রবেশ করিল )
- দীনময়ী । ( ব্যাকুল ভাবে ) তোমাকেই আমার সবচেয়ে প্রয়োজন ঠাকুর-পো ।
- শঙ্কু । “মেঘ না চাইতেই জল” । রামচন্দ্রের যুগ একনিষ্ঠতার যুগ ছিল,—লোকে তখন দেবর-প্রীতিকে অন্য়ার ভাবতো না । কিন্তু এষে কলিকাল—( হাসি )—তা আমিও যে তোমাকেই

খুঁজে বেড়াচ্ছি !

দীনময়ী । ঠাকুরপো, নারায়ণের বিবাহ স্থির হয়েছে—একথা কৈ, তুমিতো আমার বলোনি ।

শম্ভু । আমিও তখন জানতাম না ।

দীনময়ী বেশ,—আমাকে তোমার দাদার নিকট নিয়ে চল । না, এ বিয়ে আমি কিছুতেই হতে দেবোনা ।

শম্ভু । নারায়ণ নিজের মতে ভবকে বিয়ে করছে । দাদা তাতে আপত্তি করতে পারেন না ।—তা ছাড়া এবিয়ে এখন আর রদ হতে পারে না ।

দীনময়ী । রদ করতেই হবে । আমি সেই অণুই যাবো ।

শম্ভু । বৃথা ! দাদার জিদ তুমি জানো—তাছাড়া বিয়ে নারায়ণ নিজ ইচ্ছায় করছে ।—বিধবা বিবাহ দাদার নিজের আদর্শ !

দীনময়ী । কিন্তু এই কলঙ্ক—এই অপমান—? কেন তিনি এমন অণুয়—

( দীনময়ী কাঁদিয়া ফেলিল )

শম্ভু । কলঙ্ক—অপমান, কি বলছো বৌদি !—দাদার মতো মহৎ-প্রাণ, পণ্ডিত বংশের গৌরব—জাতির আদর্শ—

দীনময়ী । হাই—ও বিড়ার কি মূল্য আছে, আত্মীয় স্বজন যার অণু মাথা তুলে পাঁচজনের মাঝে দাঁড়াতে পারেনা । এ অপমানের চেয়ে মৃত্যু ভাল ।

শম্ভু । অপমান—

দীনময়ী । হাঁ—এইষে মেজ-ঠাকুরপো বলে গেলেন, গাঁয়ের পাঁচজন শাসিয়ে গেছে—শাস্তি তারা দেবে ।

শম্ভু । এ গাঁয়ে—এমন একটা লোক নেই যার উপকার দাদা

করেন নি। সেবার ছুঁড়িফে—দাদা এদের জন্ম অল্পসত্র খুলে দিয়েছিলেন। এরা শীতে কষ্ট পায়, মা তাই কম্বল ব্যবহার করেন না,—তাই দেখে দাদা কম্বল কিনে—এদের বিলিয়ে দিলেন। সেই ধারের টাকা আজো শোধ হয় নি। উপকারীর দেনা এই করেই পরিশোধ হয়।

দীনময়ী। তা যাই হোক—আমি যাব। তুমি তার ব্যবস্থা কর। এ বিয়ে যাতে না হয়, আমি তাই করবো।

শম্ভু। তাহলে শোন বোঁঠান, কলিকাতা থাকতে একথা আমিও জানতে পারি নি। এই মাত্র দাদার পত্র পেলাম—(পত্র পড়িল) “বিধবা বিবাহ প্রবর্তন আমার জীবনের সর্বপ্রধান সংকল্প, জন্মে ইহার অপেক্ষা অধিক আর কোন সংকল্প—করিতে পারিব, তাহার সম্ভাবনা নাই। এ বিষয়ের জন্ম সর্বস্বাস্ত হইয়াছি এবং আবশ্যক হইলে প্রাণাস্ত স্বীকারেও পরাঙ্মুখ নই।” শুনুছো ? “আমি দেশাচারের নিতাস্ত দাস নহি, নিজের বা সমাজের মঙ্গলের নিমিত্ত যাহা উচিত বা আবশ্যক বোধ হইবে, তাহা করিব। লোকের বা কুটুম্বের ভয়ে কদাচ সঙ্কুচিত হইব না।” এর পরেও তুমি গিয়ে তাকে অনুরোধ করতে চাও ?

দীনময়ী। হাঁ, তবু আমি যাবো। সেখানে নারায়ণও রয়েছে। আমি তার মা—গর্ভধারিণী মা। তুমি আমাকে নিয়ে চল ঠাকুরপো।

(সহসা দূরে কোলাহল শুনা গেল)

ওকি ? ওকি ঠাকুরপো ?

(দীনময়ী ও শম্ভু অস্থির হইয়া উঠিল)

( বাহিরে কোলাহল ) অনাচার— অনাচার,  
আগুন দিয়ে শব শুদ্ধ করে দে—

( ভগবতী দেবীর গলা শোনা গেল ) বউমা  
কই—? শম্ভু ? দীমু—আগুন—আগুন !  
শম্ভু । ( স্নান মুখে ) ছরুত্তেরা বাড়ীতে আগুন ধরিয়ে দিয়েছে ;  
বোঁঠান, এস বাইরে এস ।

( বিকল দীনময়ীকে টানিয়া নিয়া শম্ভু বাহিরে গেল )

— ০ —

### ষষ্ঠ দৃশ্য ।

লিকাতা ঠনুঠনিয়ার সম্মুখ ।

সন্ধ্যা উত্তীর্ণ প্রায় । কঁাসর ঘণ্টা বাজি  
তেছে । শ্রীমন্ত বেদীতে কপাল ঠেকাইয়া  
প্রণাম করিল । পরে অপেক্ষমান অবস্থায়  
গানের একটা কলিই বারে বারে মাথা ও  
হাতের কসরৎ সহকারে ভাজিতেছিল—

মা, আমার ঘুরাবি কত—

কলুর চোখ বাঁধা বলদের মত ।

( বাবু বেশে একজন মদ্যপ প্রবেশ করিল )

এই—এই, শোনু—

শ্রীমন্ত । কি বলছো ?

মতিবাবু । এই ?—এইটে চিৎপুর ?

শ্রীমন্ত । বাঃ বেশতো বাবু সেজেছো? কেমারিকের বেনিয়ান, চীনে  
বাড়ীর বকলেস পড়া জুতো—ফিন্ ফিনে ধুতি—চুনোট করা  
চাদর—আবার ঢেউ খেলানো চুলে দিকি টেরা করেছ—  
দাঁতে মিশি দিয়েছ নাকি? (সামনে এগিয়ে) ওঃ—ওয়াক্  
থুঃ—মদের পিপে উজার করেছ?

মতিবাবু । (এগিয়ে এসে) তা বাবা, মাইরি বলছি—বেদানার বাড়ীর  
নিশানাটা ভুল করে ফেলেছি। আজ সেখানে গানের জোড়  
মহড়া—শীলোদের বাড়ী, শোভাবাজার রাজবাড়ী থেকে  
বাবুরা সব আসবেন!

(এই সময়ে দূরে বাজনা শোনা গেল)

সাদ্ধাত, কিসের বাজনা? আজ চড়ক ঠাকুরের পূজা বুঝি?  
(দুই হাত কপালে স্পর্শ করিল) জয় বাবা বৃষভ-বাহন—  
হর হর মহাদেও—

শ্রীমন্ত । ব্যাটা সাক্ষাৎ বৃষ—অবতার। যা—চড়কে বুলবি এষে  
ঠনঠনে—

মতিবাবু । তাই কাঁশর ঘণ্টা—জয় মা কালিকা নৃমুণ্ড—মালিকা—(হাত  
কপাল স্পর্শ করিল) হাঁ বাবা ভোলানাথ—অপরাধ নিওনা  
বাবা—আমি অধম—হারিয়ে গেছি বাবা—(দূরে বিদ্যা-  
সাগরকে দেখা গেল)—তুমি কে বাবা? ওঃ God Moon  
· Learning Sea! নমস্কার—নমস্কার! (দ্রুত প্রস্থান)

(বিদ্যাসাগর প্রবেশ করিল; মুণ্ডিত মস্তক,  
পায়ে চট্টা নাই, উক্ থুক অবস্থায় অশোচ চিহ্ন  
বর্তমান)

বিদ্যাসাগর । বুঝলি শ্রীমন্ত, মেয়েটা বাঁচবে না । কি করে বাঁচবে ?  
 একটা ডাক্তার বন্ধি দেখাবে কি, পথ্য দেবার পরসী পর্য্যন্ত  
 জোটেনা ।—না, এদের মরাই উচিত বুঝলি ? আমি—?  
 আমারও আর কিছু নেই । ওকিরে—তুই রাগ করছিস্ ?  
 —কথা বলছিস্ নাযে—

শ্রীমন্ত । ( বঙ্কার দিলে ) —আর পারিনে বাপু, বুড়ো হাড়ে আর  
 কতইবা সহবে । বুড়ো কস্তার ভীমরতি ধরেছে—তা, না  
 হলে তোমাকে আগলাবার জন্তু অপর লোক পাঠায় !  
 তোমারও বাপু দিনরাত নেই, স্থান-অস্থান নেই । কিন্তু  
 বলি, যাদের জন্তু কেঁদে মরছো, তারা তোমার কি উপকার  
 করছে ? বরং তোমার প্রাণটা নেবার জন্তে আনাচে কানাচে  
 ঘুরচে ।

বিদ্যাসাগর : ( ঈষৎ হেসে ) তা হউক শ্রীমন্ত, এরা মূর্থ । নিজেদের  
 ভালমন্দই যারা বুঝতে পাবেনা । অন্তের ভাল ইচ্ছা তারা  
 কি করে করবে ! এরা এমনি অন্ধ, নিজেদের স্বার্থ-টুকু  
 ভালকরে দেখতে পায় না ।

তুই এর জন্তু হুঃখ করিসনে শ্রীমন্ত ।

শ্রীমন্ত । আমরা মুখ্য-বোকা মানুষ, তোমার মত বিদ্বান্ পণ্ডিত নই;  
 কিন্তু এই নাওয়া খাওয়া ছেড়ে, অশৌচ সময়ে রোগের  
 বাছ-বিচার না করে অনাথ আতুরের বাড়ী পরে থাক্চো—  
 কতজনে কত বলে !

বিদ্যাসাগর । —আরে কে যার ? মদন—না ? মদন—

মদন । দয়াময় যে—( মদনমোহনের প্রবেশ )

বিদ্যাসাগর । কি আছে পকেটে দেখি । একটা মেয়ে না খেয়ে মরছে—



আমার হাতে একটা কড়ি নেই—

মদন । মেয়ে! (হাসি) হয়েছে। ঐ জন্মেই লোকে বলে পণ্ডিত নারীদের একটু অতিরিক্ত পক্ষপাতি—তাদের একটু 'ইয়ে' চোখে দেখেন।

বিদ্যাসাগর । মদন—রাইমনি পিসি, জগৎদুর্লভ সিংহের পত্নীর মত নারীর দয়া আমি জীবনে লাভ করেছি, আজো সেই দয়াশীলা নারীর সৌম্যমূর্তি মনে পড়ে। তাদের কথা মনে হলে আমার চক্ষে জল আসে।—অতখানি অকৃতজ্ঞ আমি হতে পারিনা মদন।

( দুর্গাচরণ ডাক্তারের প্রবেশ )

দুর্গা । পণ্ডিত কি সাহিত্য বিষয়িনী বক্তৃতা দিচ্ছেন ?

মদন । না—নারী গুনকীর্তন। দয়াময় আজ ভাব বিগলিত।

বিদ্যাসাগর । জননীর গুণ—কি বলে শেষ করা যায়! বাবার মুখে শোনা সেই বুড়ী মুড়িওয়ালীর কথা আমার যখনই মনে পড়ে, আমি বিশ্বয়ে ভাবি, নারীর হৃদয়ে এত করুণা, এত মহিমা আসে কোথা থেকে?—আমার মা—এতই সহজে তাকে ভুলে যাব মদন?—এত শীঘ্র?—ক'দিন আর তিনি নেই—এখনও তাঁর অশোচ চিহ্ন আমার দেহে।

( বিদ্যাসাগর কাঁদিতে লাগিল। মদন লজ্জায় মাথা নত করিল। )

মদন । ( বিব্রতভাবে )—না, আমি তা বলিনি।

( বিদ্যাসাগর ক্ষণেক নীরব থাকিলেন )

বিদ্যাসাগর । ডাক্তার যত্ন হালদারের বোনটাকে দেখে এসেছো ?

দুর্গা । হতো—একোনাইটের Case. যখনই গা বমি বমি বললো

যহ, তখনই ধরে ফেলেছি—‘একোনাইট থারটি’। সিমিলি সিমিলিবাস্ - বুঝলে? বস্। বেঁচে থাকো বাবা হানেমান। বড় ঔষধ বের করেছে। এক ফোঁটা দিয়েছ কি—আরে শাস্ত্রেই আছে (হাসি) “বিষম্ব বিষমৌষধম্”। আছে না পণ্ডিত?

মদন। হাঁ, হেমুরবির মতে বিচার “An eye for an eye and a tooth for a tooth (হাসি)—বিধবাদের জন্য তোমার উৎসাহ—হিন্দু ফিমেল এ্যান্ড্রয়িটির কি হ’ল পণ্ডিত?

বিদ্যাসাগর। হবে হবে। দুর্গা, ঔষধ দিলে অথচ রোগী দেখলে না?

দুর্গা। ডাক্তারের দর্শনী দিতে পারবে—

বিদ্যাসাগর। ফি দিতে পারবে না বলে তুমি যাবেনা? সে গরীব।

দুর্গা। গরীব হওয়ায় গৌরব নেই। গরীবের জন্য ভগবান আছেন। রোগী দেখে ফি না নিলে ডাক্তারের মান থাকেনা।

বিদ্যাসাগর। পথ্য দেবার পয়সাটীও তার নেই। আমি একটা টাকা দিয়ে এসেছিলাম—তবেই না।

দুর্গা। তুমি তা পারো। কিন্তু আমরা কত দিন আর না খেয়ে পরের উপকার করতে পারি? আমাদের তো—এই আয়—

বিদ্যাসাগর। তা ঠিক। আচ্ছা, আমি জোগার করে দেব।

মদন। অর্থাৎ নিজের টেক থেকে দেবে, এইতো দয়াময়?

দুর্গা। (হেসে) না তোমার সঙ্গে ঠাট্টাও চলেনা।—এইতো রাগ করলে! আরে বাপু, তোমার সঙ্গে যখন আছি—তখন টাকার ভাবনা কি আর আছে! কৈ, আজ পর্যন্ত কাউকে সেধে টাকার কথা বলতে পারি নি; সেই স্লযোগ নিয়ে যারা দিতে পারে তারাও কাঁকি দিচ্ছে। নিজের ঘরের

উনোন দু' একদিন জ্বলনা—তাও দেখেছি, কই তবুতো তোমাকে ছাড়তে পারিনি।

মদন । ভূতে পেয়েছে ডাক্তারকে ।—তা পণ্ডিত, তোমাদের দেশের বাড়ী নাকি আশুনে পুড়ে গেছে ?

দুর্গা । পুড়ে যায়নি—পুড়িয়ে দিয়েছে।

মদন । ভালই হয়েছে । এইবার পণ্ডিতের কোঠা বাড়ী হবে।

বিদ্যাসাগর । ( ম্লান হাসি ) গরীব বামুনের কাঠাবাড়ী !—শুনলে লোকে হাসবে যে ।—কোন রকমে মাথা গুজ্ববার একটু স্থান মিললেই হোল । কিন্তু আমি ভাবি,—তা হবে—হয়তো আমারই ভুল ।

মদন । ওঃ বাবা—ঐষে তর্কবাগীশ এইদিকেই আসছে—সহ হবেনা, পালাই । ষাবে নাকি ডাক্তার ?

দুর্গা । হাঁ, আমার আরো গুটি দুই রোগী দেখতে বাকি আছে । রাগ করলে পণ্ডিত ? আমি কখনও টাকার জন্ত রোগী দেখি নি বলতে পার ? তবে ?—তুমি যেমন বলেছ—

মদন । আব নয়, এস—

( মদন ডাক্তারকে টানিয়া বাহিরে নিয়া গেল ।  
মাটির উপর নুজ্জদেহ বৃদ্ধ তর্কবাগীশ প্রবেশ করিল )

তর্কবাগীশ । ( ব্যঙ্গের সুরে ) পণ্ডিত বিদ্যাসাগর যে—

বিদ্যাসাগর । হাঁ । ( পদধূলি লইল )

তর্কবাগীশ । কিন্তু এ তোমার কি উপদ্রব বলতো ?

বিদ্যাসাগর । কেন ?—কি করেছি ?

তর্কবাগীশ । কি করেছ ? এই বিধবা বিবাহ—শেষ পর্য্যন্ত নিজের

একমাত্র ছেলেকে বিধবা বিবাহ দিলে। এত বাড়াবাড়ি ?

বিদ্যাসাগর। অশাস্ত্রীয় নয়—। নারদ সংহিতায়—

তর্কবাগীশ। (ক্রকুটি করিলেন) ষাম। আমাকে শাস্ত্রের উপদেশ দেওয়া

তোমাকে শোভা পায়না ঈশ্বরচন্দ্র। সাধারণকে শাসন

করার জ্ঞান শাস্ত্র। কবে—কোনু যুগে কি ছিল—তা মেনে—

বিদ্যাসাগর। ( উত্তেজিত ) কিন্তু সাধারণ লোক তো দূরের কথা, অনেক

পণ্ডিত লোকই শাস্ত্রে না থাকলে গ্রহণ যোগ্য বিবেচনা

করেন না—এমনি সংস্কার !

তর্কবাগীশ। বলি—খুব পণ্ডিত তো হয়েছো, কিন্তু জানো - শাস্ত্র স্থান-

কাল-পাত্র ভেদে পরিবর্তনশীল। মানো একথা ?

বিদ্যাসাগর। মানি বলেইতো আজ বিধবা বিবাহ প্রচলনের চেষ্টা করছি।

তর্কবাগীশ। কোনু যুক্তিতে শুনি ?

বিদ্যাসাগর। সতীদাহ প্রথায় দেশে যে অনাচার ও অত্যাচার হয়েছে, সে

কারো অবিদিত নেই। তার কুখ্যাতি আমাদের সভ্যতা

ও স্মরণাতীত কালের ঐতিহ্যকে কলুষিত করেছে। স্বীকার

করেন সে কথা ?

তর্কবাগীশ। মানলুম। সতীদাহ আদিম দাসজীবনের বিকৃতরূপ।

মিশরীয় ইতিহাসের পুনরাবর্তন।

বিদ্যাসাগর। রাজা রামমোহন ও কতিপয় সংস্কার প্রয়াসী এদেশবাসী—

বৃটিশ আইনের সাহায্য নিয়ে তাকে রোধ করেছে। কিন্তু

ফল কি হয়েছে ? সমাজ আজ দুর্নীতি আর কলঙ্কে ডুবে

আছে। তার দোষ নেই। ঐটুকু করতেই তাকে দেশ থেকে

নির্বাসন নিতে হয়েছিল। হায় হতভাগ্য রাজা ! কি অত্যাচার

দেশে জন্মেছিলে—শেষ নিঃশ্বাসটুকু পর্যন্ত স্বদেশে ফেলতে

পারলেনা।

তর্কবাগীশ। তার জন্ম আমরা দায়ী ?

বিদ্যাসাগর। আমাদের অশিক্ষা, আমাদের অন্ধ সংস্কার। আদিম মনোবৃত্তি আমাদের আজও যায় নি। আমাদের উচ্চাঙ্গের আলোক আজ সংস্কারের ঠুলির ভেতরে মাথা ঠুকছে। তাই আমাদের সমাজ দেহে এত পঙ্কিলতা—আবিলতা। তাই ঘরে ঘরে আজ ক্রমহত্যা, নারী নির্যাতন—পাপের অন্ত নেই।

তর্কবাগীশ। এই বিধবা বিবাহেই কি সব পাপ সংসার থেকে দূর হয়ে যাবে মনে কর ? ঈশ্বর, এ তোমার পাগলামী; এ পাগলামী ছাড়ে। নয়, এত বিদ্যা সত্ত্বেও তুমি তলিয়ে যাবে।

বিদ্যাসাগর। যদি ডুবি আপত্তি নেই—এর শেষ দেখে যাবো।

তর্কবাগীশ। তোমার “ঘাড় কেঁদো” অপবাদ মিথ্যা নয়।

বিদ্যাসাগর। আপনারা আশির্বাদ করুন—

তর্কবাগীশ। আশির্বাদ ? এই অহিন্দু আচরণে সমাজের মধ্যে বিপ্লব সৃষ্টি করে তুমি আমাদের আশির্বাদ আকাঙ্ক্ষা কর। উপরের দিকে চেয়ে দেখ, স্বর্গগত তোমার পিতৃ-শুরুষ কি অভিসম্পাত দিচ্ছেন। তাঁদের ক্ষুৎ কাতর আত্মা পিণ্ড লুপ্তর ভয়ে অস্থির হয়ে উঠেছে পরলোকে। একবিন্দু তর্পনের জল থেকে তুমি তাঁদের বঞ্চিত করবে—তৃষ্ণায় তাঁদের বুক ফেটে যাবে। তাঁরা তোমায় অভিশাপ দেবে—কঠিন অভিশাপ !

( এই সময়ে বাচম্পতি প্রবেশ করিল )

বাচম্পতি। তর্কবাগীশ, কিসের কথা বলচো ? কে অভিশাপ দেবে ?—  
কেন ? কাকে ? না না, অভিশাপ দেওয়া গুরুতর অত্যাচার।

তর্কবাগীশ। তুমি এসে জুটেছ বাচম্পতি—তোমার কীর্তিমান, বিদ্বান্

ছাত্রের সঙ্গে ! তবেই হয়েছে । ধ্বংস হয়ে যাবে । এ  
বিদ্যা তোমার অপকীর্তি অপযশ ঘোষণা করবে ।

( সরোষে তর্কবাগীশের প্রশ্নান )

বাচস্পতি । বাবা ঈশ্বর !

বিদ্যাসাগর । ( প্রণাম ) এদিকে কোথায় যাচ্ছেন ?

বাচস্পতি । শোভাবাজারের রাজবাড়ী । রাধাকান্ত দেবের নিকট কিছু  
বার্ষিক পাই বাবা ।

বিদ্যাসাগর । ওঃ !

বাচস্পতি । রাজা রাধাকান্ত দেব হিন্দুকুল-চুড়ামণি । তিনি পণ্ডিতদের  
ষথেষ্ট মান্য ও সমাদর করে থাকেন । তিনি নিজেও  
পণ্ডিত ব্যক্তি ।

বিদ্যাসাগর । ( রুক্ষস্বরে ) হাঁ ।

বাচস্পতি । শুনেছি তোমার বিধবা বিবাহ বিষয়ক শাস্ত্রীয় ব্যাখ্যা শুনে  
তিনি প্রশংসা করেছিলেন ।

বিদ্যাসাগর । প্রশংসা করেছিলেন—কিন্তু গ্রহণ করেননি ।

বাচস্পতি । গ্রহণ করবার মত মনের উদারতা সকলের থাকে না ।  
আমরা সংস্কারবদ্ধ জীব; মায়া মোহে আচ্ছন্ন—

বিদ্যাসাগর । বিদ্যা অন্ধ অজ্ঞানতা দূর করে—

বাচস্পতি । তা সত্য । তোমার বিদ্যা শিক্ষা সার্থক । এই জন্তেই  
তো বলি—তুমিই ঈশ্বর ।

বিদ্যাসাগর । ( লজ্জিত হইল, উত্তর দিলনা )

বাচস্পতি । কিন্তু তাও বলি,—তুমি কেন একা একা অগ্রসর হলে ?  
একাকি ভাল হয়নি ।

বিদ্যাসাগর । ( হেসে ) যখন আরম্ভ করেছিলাম, তখন কি আর একা

ছিলাম? অনেক লোকে মিলে মিশে একাজে হাত দিয়ে-  
ছিলাম। কিন্তু যারা মায়ের ব্যাটা তারা চুপেচুপে ঘরে  
ফিরে গেল, মায়ের ছেলে মায়ের কোলে। আর আমি  
বাপের ব্যাটা—কাজেই ধরা পড়ে গেলাম।

( লাঠিসহ কয়েকজন গুণ্ডার প্রবেশ )

১ম : তোমাকেও মায়ের ব্যাটা হয়ে ঘরেই ফিরতে হবে!

২য়। হাঁ। এবার ভালয় ভালয় ঘরমুখো হও চাঁদ।

৩য়। ও সব বিধবার বিয়ে এদেশে চলবে না। এ বিলেত নয়।  
আমাদের খুঁটান করবে ভেবেছ? লাট দরবারে গতায়াতে  
আইন দু'টো থেকে চারটে হ'তে পারে, কিন্তু মানুষের  
মন কি আইনের তোয়াক্কা রাখে?

১ম। আমরা বেঁচে থাকতে, এমন অধর্ম হতে দেবো না।—  
আমরা মৃত্যু করবো না। জাতকে বাঁচতে হবে।

বিদ্যাসাগর। ( বিক্রপের হাসি ) ধর্মের একচেটে পাণ্ডা সব!

২য়। হাঁ, তোমার বিত্তা—তোমার দান আমরা স্বীকার করি।  
—কিন্তু এমন অশাস্ত্রীয়—সমাজদ্রোহীর মত কথা  
বললে তোমাকেও আমরা ছাড়বো না।

বিদ্যাসাগর। তাই বটে!

৩য়। ও সব বুজরুকি ছাড়ো। বিধবা বিবাহ আইন করার উৎসাহ  
কেন—সেতো বুঝাই গেছে। পুত্রটার জাত মান দুই রক্ষা  
হয়েছে। এই বুড়ো বয়সে নিশ্চরই আর তেমন মতলব  
নেই—

১ম। মতলব ছাড়াতে আমরা জানি।

( লাঠিটা মাটিতে ঠুকিল )

বিদ্যাসাগর । ( উচ্চৈঃস্বরে বিদ্রূপের হাসি ) আগার পিতামহী নিজের জ্বিদের জ্ঞে স্বামীর ভিটে ত্যাগ করেছিলেন, নিজে স্মৃতে কেটে সন্তান পালন করেছেন, পরে স্বামীও তাকে সে ভিটের ফিরিয়ে নিতে পারেন নি । শুধু জ্বিদের বসে— বুঝেছ ? আমি সেই পিতামহীর স্বগোল—তার খানিকটে রক্ত ঊত্তরাধিকার স্মৃতে পেয়েছি । রামজয় বাড়ুয়োর নাতীকে ভয় দেখিয়ে মাথা নত করবে, তোমরা ?

২য় । ভয় দেখাতে আমরা আসি নি । এ কাজ থেকে নিরত্ব হলে আমরাই মাথা নত করে থাকবো ।

বিদ্যাসাগর । রামজয় ঠাকুর মাথা নোয়াতে হবে বলে - জমিদারের নিষ্কর বন্ধোত্তর পর্য্যন্ত গ্রহণ করেননি ।

৩য় । মাথা না নোয়ালে মাথা খোয়াবে । আমরা প্রস্তুত হয়েই এসেছি ( লাঠি আক্ষালন )

বিদ্যাসাগর । কি, আমাকে ভয় দেখাবে তোমরা ? আমার পিতামহ রামজয় শর্মা, একা একটা বাঘকে লাঠি দিয়ে গুঁত্বিয়ে মেরেছিলেন—আর তার নাতি আমি ।—

১ম । আহা ! চটো কেন ? এই ঠন্থন্থে, মায়ের সামনে— জাগ্রত মা আমাদের—দুষ্কর্তের বিনাশে—

বিদ্যাসাগর । ( রেগে ) কি ? —এতদূর ? মদন মণ্ডলের লাঠির শিষ্য আমি । কাউকে ভয় করিনে—কৈ রে ছিড়ে ? সঙ্গে আছি কি ? ( শ্রীমন্ত আড়াল হইতে লাক দিয়া সম্মুখে আসিল, হাতে প্রকাণ্ড লাঠি )

শ্রীমন্ত । তুমি চলনা কর্তা । কে আসে আমি দেখছি । তুমি চলে যাও, চাকর সঙ্গে আছে ।



( শ্রীমন্তু লাঠির মাথায় নমস্কার করিল )

( সকলের ভীত ভাব )—

১ম : এঁা—আচ্ছা বেশ, দেখা যাবে।

( সকলে উতপ্ততঃ করিয়া সরিয়া গেল )

শ্রীমন্তু : দেখেছো কর্তা— ব্যাটারা বড় বেইমান !

বিদ্যাসাগর : শ্রীমন্তু, ওরাই আমার অল্প মূর্খ দেশবাসী, আমি ওদের  
ভালবাসি .

---

## তৃতীয় অঙ্ক ।

### প্রথম দৃশ্য

ছালিডে সাহেবের বহির্কক্ষ । বিদ্যাসাগর  
ও মিঃ মার্শেল কথোপকথন করিতে করিতে  
প্রবেশ করিলেন ।

বিদ্যাসাগর । ( উত্তেজিত ) গর্ডন ইয়ং সেদিনের ছোকড়া, হাতে ধরে  
কাজ শিখিয়েছি, তার এত বড় কথা ?— বলে কিনা,  
You must ! You must ! না, আমি আর এ  
কাজ করবো না মিঃ মার্শেল ।

মিঃ মার্শেল । ( ঈষৎ হাসি ) কি হ'ল পণ্ডিত ?—অত উত্তেজনা কেন ?  
বিদ্যাসাগর : কি হয়েছে !—আমাকে বলে সাটক্লিপ সাহেবের কাছে  
যেতে—কাজ শিখতে ! আমাকে বলে—যে সব বিদ্যালয়  
গড়েছি, তার টাকা দেবে না ।

মিঃ মার্শেল । মিঃ ইয়ং কি করবে ? সরকার যদি মঞ্জুর না করে —

বিদ্যাসাগর । চাইনে আমি টাকা । আমার নিজ থেকেই এ টাকা  
যাবে ; একে আমি অপব্যয় মনে করিনে । কিন্তু  
সাটক্লিপ সাহেবের সঙ্গে দেখা করতে পারবো না । কেন  
দেখা করবো ?

মিঃ মার্শেল । কি করবে ? চাকরী ছেড়ে দেবে ?

বিদ্যাসাগর । তাই দেবো ।

মিঃ মার্শেল । ( হাসি ) তা হ'লে স্মার জেমস কেলবিনের উপদেশই  
নিচ্ছ ?— উকিল হবে বুঝি ?

বিদ্যাসাগর । ( গম্ভীর ) না, অধিক টাকা পেলেও অমন ঘনিত কাজে

আমার প্রবৃত্তি নেই। আমি আবার পুস্তক প্রণয়নে  
মন দেবো।

( মিঃ হ্যালিডে দু'তিন জন অনুচর সহ ঢুকিলেন  
—কাহারও হাতে বেজণী, কাহারও হাতে হুকা,  
ইত্যাদি। দুইজনেই দাঁড়াইয়া সম্মান দেখাইল )

মিঃ মার্শেল । Good morning, sir. ( হাত বাড়াইয়া কর-মর্দন  
করিলেন )

হ্যালিডে । Morning, Mr Marshall. ( স্নান হাসি ) নমস্তে পণ্ডিত ।  
( হাত কপাল স্পর্শ করিবার ভঙ্গি করিলেন )

বিদ্যাসাগর । ( বিরত ) নমস্কার—শ্রীর ।

হ্যালিডে । তোমার পদত্যাগ পত্র পাইয়াছি, পণ্ডিত—But, তোমাকে  
উহা ফিরাইয়া লইতে অনুরোধ করি ;

বিদ্যাসাগর । ( তীব্রভাবে ) না, যে কাজ মন দিয়ে করতে পারবো না,  
শুধু টাকার জন্ত আমি রাজী হতে পারি না।

হ্যালিডে । I Know—তুমি সব দান কর, কিছুই নিজের জন্ত রাখ  
না। চাকরী ছাড়িয়া খাইবে কি ?

বিদ্যাসাগর । ( স্তিমিত হাসি ) ডাল ভাত ।

মিঃ মার্শেল । ( হাসি ) তাইবা জুটবে কি করে ?

বিদ্যাসাগর । এখন হুবেলা খাই, তখন না হয়—এক বেলা খাবো ।  
তাও না জোটে, একদিন অন্তর খাবো ! আমার পিতা  
অতি কষ্টে আমাদের পালন করেছেন, কতদিন তাঁর আহার  
জোটে নি—তবু আত্ম-সম্মান বিক্রয় করেন নি। আমিও  
অর্থের পরিবর্তে আত্ম-সম্মান বিক্রয় করতে পারি না,  
মিঃ মার্শেল ।

হ্যালিডে । বিধবা বিবাহ প্রচলনে তুমি সর্বস্বাস্ত হইয়াছ । তোমার  
পুস্তক বিক্রয়ের আয় দরিদ্র-সেবায় নিঃশেষ হয়  
বন্ধু বান্ধবের কাছে যথেষ্ট ঋণীও আছো । এ মতা-  
বস্থায় চাকরী পরিত্যাগ নিতান্ত অনুচিত মনে করি ।

রেঃ ব্যানার্জি । ( পরদার বাহির হইতে ) May I come in, sir ?

( বেঃ কৃষ্ণমোহন ও মিঃ বেথুন প্রবেশ করিল )

( Good morning, Sir ( করমর্দন ) ( Good morning,  
Mr Marshall ( করমর্দন ) Hallo Pandit, you  
are here !

মিঃ বেথুন । ( Good morning, sir

হ্যালিডে । তুমি যে সমাজ সংস্কারের কাজে লিপ্ত আছো—অর্থাভাবে  
উছাও ব্যাহত হইবে, এবং নিজেও ক্লেশ পাইবে । অতএব  
আমাদের অনুরোধ শোন ।

রেঃ ব্যানার্জি । কিসের অনুরোধ পণ্ডিত ?

মিঃ মার্শেল । বিদ্যাসাগর চাকরি ত্যাগ করিবেন মনস্থ করিয়াছেন—

রেঃ ব্যানার্জি । What ! চাকুরি ছাড়বে ! Why ? Such a good  
job of seven hundred per month ! Oh, no—  
কেন ? খাটুনি ? হাঁ, এতো ভগবানের অভিশাপ, In the  
sweat of thy face shalt thou eat thy bread !  
Amen.

( হাত বাড়াইলেন )

মিঃ বেথুন । --সংসারে টাকার বড়ই দরকার পণ্ডিত ।

রেঃ ব্যানার্জি—Yes money is sweeter than honey.

বিদ্যাসাগর । ( গভীর ) মহাশয় যদিও আপনাদের অনুরোধে একটু চিন্তা

করতাম, কিন্তু যখন টাকা আর বিপদের ভয় দেখাচ্ছেন, তখন ও পদ গ্রহণ করতে পারি না। ঐ যে ছেড়ে দিয়েছি, ঐ চরম সিদ্ধান্ত।

মিঃ বেথুন : বালিকা বিদ্যালয়ের ঋণ—কি প্রকারে পরিশোধ হইবে ?

রেঃ ব্যানার্জি । Sentimental—ও-হা—no good,

(মাথা নাড়িতে লাগিল)

হ্যালিডে । বিদ্যালয়ের জন্ম টাকা এখন দিতে পারিব না। পালিয়ামেন্টে কনসারভেটিভ দল প্রবল। লর্ড এলেনবরাকে আমি লিখিয়াছিলাম, তিনি বিদ্যালয় তুলিয়া দিতে আদেশ দিয়াছেন। বালিকা বিদ্যালয়ের জন্ম টাকা ব্যয় করিতে রাজি নহেন।

বিদ্যাসাগর : (বিদ্রোপে) সরকার সাধারণের শিক্ষার জন্ম ব্যস্ত নয়।—  
কেৱানি তাদের প্রয়োজন।

রেঃ ব্যানার্জি : (হাসি) Pandit, you are speaking treason.  
You know Black Act ?—

মিঃ মার্শেল । সরকারের তেমন ইচ্ছা থাকলে ইউনিভারসিটি প্রতিষ্ঠা  
করিত না।

মিঃ বেথুন । বালিকা বিদ্যালয় আমাদের রক্ষা করিতেই হইবে, পণ্ডিত :

মিঃ হ্যালিডে । বিদ্যালয় স্থাপনের আদেশ তোমাকে যথারীতি কাগজ পত্রে  
দেই নাই সত্য, তবু আদালতে অস্বীকার করিতে  
পারিব না। তুমি আমার নামে নালিশ করিয়া টাকা আদায়  
করিতে পার। ঐ টাকা দিতে আমি বাধ্য হইব।

বিদ্যাসাগর । (উত্তেজিত) আমি কখনও কংহারে নামে নালিশ করি  
নি—আপনার বিরুদ্ধেই বা কি প্রকারে অভিযোগ

করবে? প্রয়োজন হলে টাকাটা আমি ঋণ করে পরিশোধ  
করবে! (অনুযোগের সুরে) আপনার কথা বিশ্বাস  
করে মফঃস্বলে বালিকা বিদ্যালয় করেছি, শিক্ষকগণকে  
কয়েক মাসের বেতন না দিয়ে কিরূপে জবাব দেব?—

রেঃ ব্যানার্জি। May I give you a piece of advice? তুমি  
তা'হলে school-গুলি immediately dissolve করে  
দাও, বলে দাও—Govt regrets.

(টানিয়া হাসি)

বিদ্যাসাগর। তা হয় না কৃষ্ণমোহন, আমি যে গুলো স্থাপন করেছি,  
সাধ্য মতো সে গুলো রক্ষা করব।

রেঃ ব্যানার্জি। But—how?

বিদ্যাসাগর। ঐ টাকা আমি ঋণ করে শোধ দেব।

রেঃ ব্যানার্জি। That's noble of you!

(এই সময়ে বাহিরে গোল উঠিল)

ছালিডে। What? চাপরানী—

(চাপরানী ঢুকিয়া সেলাম দিল)

ক্যা ছয়া? এতনা হলা কাঁহে? What is the  
matter?

চাপরানী। (হাসি চেপে) হারাধন চাপরানী আর বাবুতে—তকরা  
হছে—

ছালিডে। What? ওঃ—বহৎ আচ্ছা—ইধার ভেজ।

(চাপরানী সেলাম দিয়া বাহিরে গেল।

মতিবাবু ও হারাধন চাপরানী ঢুকিয়া উবু  
হইয়া হাত জোর করিল)

মতিবাবু। Good morning, sir.

হালিডে। কি হইয়াছে হারাধন ?

হারাধন। সাহেব, এ আমার ছেলে আছে—হামারা লেড়কা—

হালিডে। লেড়কা—Son—তুমি কি বলিতেছ ?

রেঃ ব্যানার্জি। What ? Whom do you mean ?

বিদ্যাসাগর। হারাধন খুড়ো—না—? কার কথা বলছো ?—

এই বাবু—?

হারাধন। হাঁ, বাবা। এতদিন আমি জানতাম না। আজই  
সে কথা জেনেছি।

হালিডে। —কি প্রকারে জানিয়াছ ?

রেঃ ব্যানার্জি। How ? —What a funny thing ! What a  
queer world we live in !

মতিবাবু। এ অসম্ভব ! আমি বন্দ্যোপাধ্যায় কুলীন ব্রাহ্মণ—আর  
ও হারাধন দাস—বলছে আমি ওর ছেলে—হুজুর এ বেয়া-  
দপির শাস্তি দিতে হবে। এটা কি পাগলামির ঘটনা ?  
আমার প্রেষ্টিজ আছে। I has.....

মিঃ মার্শেল। —এ সব কি ? আমি কিছুই বুঝতে পারছি না পণ্ডিত।

বিদ্যাসাগর। আমারও ধারণাতীত। বলোতো খুড়ো কি করে জানলে—  
এ তোমার ছেলে ?

হারাধন। অনেক দিন থেকে এ সন্দেহ আমার ছিল। কতদিন -  
কত অযুহাতে আমি অতি নিকটে গিয়ে দেখেছি. দেখতেও  
আমার ভাল লাগতো।

রেঃ ব্যানার্জি। So, you say.....

মিঃ মার্শেল। তাতে কি হ'লো ?

হারাধন । আমার স্ত্রী তার একমাত্র পুত্র নিয়ে দেশত্যাগী হয়ে যায়,—  
দোষ আমার নয়, আমাদের সমাজের । বিবাহের স্তম্ভ  
মেয়ে—যথেষ্ট আমাদের নেই ; একদল লোক—নৌকায়  
ভরে অনেক মেয়ে নিয়ে আসে বিক্রী করতে—তাদের  
জাত বিচার বড় চলে না, রূপ দেখে রূপার তারতম্য হয় ।  
আমার স্ত্রীকে আমি তাদের দল থেকেই সংগ্রহ করি—নগদ  
তিনকুড়ি পাঁচ টাকা দিয়ে—

রে: ব্যানার্জি । “God created man in His own image……  
And the rib, which the Lord God had taken  
from man, made He a woman ……” Amen !

( আশীর্বাদের ভঙ্গিতে হাত তুলিলেন )

মি: বেথুন । রোমেও ছিল এরূপ দাস ব্যবসা ! তাদের হাতে বিক্রী  
হ’তো ।

হারাধন । কিন্তু একটা সন্তান হওয়ার পরে ঘটনাচক্রে প্রকাশ পেল—  
আমার স্ত্রী ছিলেন ব্রাহ্মণ-বংশের কুলীনের মেয়ে । অর্থের  
অনটনে পাত্র জুটে নি,—তাই লোকনিন্দার ভয়ে তাকে  
গোপনে “ভরার” দালালের হাতে সমর্পন করে । এই  
ঘটনা জানাজানি হওয়ার পরেই সেই পুত্রটী নিয়ে সে  
অদৃশ্য হয়ে যায় ।

মি: বেথুন । —এই দাস-মনোভাব শিক্ষাদ্বারা দূর করিতেই হইবে  
পণ্ডিত ।—মেয়েদের শিক্ষা না হইলে—স্বাধীনতা না পাইলে  
জাতির উন্নতি হইবে না ।

মি: মার্শেল । ( টিফৎ হাশ্বে ) কিন্তু ভারতীয় ধর্মশাস্ত্রে আছে, মেয়েরা  
প্রথম বয়সে পিতা মধ্যম বয়সে স্বামী ও শেষ বয়সে



পুত্রের অধীন।—তাই না? তারা কখনই স্বাধীন নয়।  
তাই সমাজে তাদের সম্মান নেই।—তারা 'দাসী' পদ বাচ্যা।  
বিদ্যাসাগর। ( উত্তেজিত ) না, কখনই নয়। 'দাসী' একলে লেখেও না  
মিঃ মার্শেল।

হালিডে। well—হারাধন?

হারাধন। কাল আমার মিতা কাশী থেকে ফিরে এসে এই খবর দিলে।  
আমার স্ত্রী--এর গর্ভধারিণী কাশীতে আছেন। সেই তার  
সন্তানের সন্ধান দিলে। আমার মিতা আমার স্ত্রীকে  
চিন্তো।

মতিবাবু। ( দুর্বলভাবে ) না, এ কথা সত্য নয়। এর মধ্যে ষড়যন্ত্র আছে।  
—আমি বিশ্বাস করিনে--I--Brahmin, Sir.....

হারাধন। না, আমি মিথ্যে বল্ছিনে বাবা—কোন স্বার্থ আমার নেই—

মতিবাবু। না না, তা হতে পারে না। তোমাকে আমি কিছুতেই  
পিতা বলে স্বীকার করতে পারবো না। —মা না--একটা...

( মতিবাবু উন্মাদের মত বাহিরে গেল )

হারাধন। স্বীকারের প্রয়োজন কি? —আমিই বা সে স্পর্ধা করবো  
কেন?—আমি যে ছোট—একটা অস্ত্রাজ...

( বাহিরে গেল )

মিঃ মার্শেল। এই সমাজ ব্যবস্থাকে কোন মতেই আদর্শ বলা যেতে  
পারে না।

মিঃ বেথুন। নারী জাতির প্রতি এসে প্রত্যক্ষ অত্যাচার—

রেঃ ব্যানাজি নারী জাতিকে আমরা বাজারের পণ্যের মতো বিক্রয়  
করেছি—তাই এই পরাধীনতা থেকে আমাদেরও মুক্তি  
নেই।

( বিদ্যাসাগর মাথা নত করিয়া রহিলেন ।  
চাপরাশী প্রবেশ করিয়া সেলাম দিল )

হ্যালিডে । ( ষড়ির দিকে তাকাইল ) Oh, I am sorry, মিসেস  
হ্যালিডে বসে আছেন । I must go now..... (উঠিয়া  
দাঁড়াইয়া) Good day, gentlemen...

( হ্যালিডে বাহিরে গেল )

মিঃ বেথুন । পণ্ডিত বিদ্যাসাগর কিছু বলিতেছেন না যে —

( সকলেই তাঁর দিকে তাকাইল )

বিদ্যাসাগর । ( অভ্যস্ত ম্লানভাবে ) আমাকে ক্ষমা করুন মিঃ বেথুন ।

মিঃ বেথুন । ( ক্রমেক নীরবতার পরে )—তা নয় পণ্ডিত বিদ্যাসাগর—  
আমি বলিতেছিলাম, মেয়েদের শিক্ষা এদেশে একান্তই  
দরকার ।

রেঃ ব্যানার্জি । Absolutely.

( বাহিরে গোল শুনা গেল—এক উন্মাদিনী  
নারী প্রবেশ করিল । পেছনে চাপরাশী )

উন্মাদিনী । লাট সাহেব—লাট সাহেব কৈ - ( মিঃ মার্শেলকে ) তুমি বুঝি  
লাটসাহেব ?

মিঃ মার্শেল । ( উঠিয়া ) না মা, লাট সাহেবকে তোমার কি প্রয়োজন ?

উন্মাদিনী । প্রয়োজন আছে—আমার নালিশ আছে ।

মিঃ মার্শেল । —তোমার কিসের নালিশ মা ?

মিঃ বেথুন । She is mad.

( বিদ্যাসাগর এক দৃষ্টিতে দেখিতেছিল )

বিদ্যাসাগর । তুমি কি চাও মা ?

উন্মাদিনী । আইন হলেই সমাজ তা গ্রহণ করেনা।—আর আইন মনেরও

পরিবর্তন করতে পারেনা।

রে: ব্যানার্জি। তা ঠিক।—But...

উন্মাদিনী। (হাত তুলিয়া বাধা দিল) চুপ—বকোনা। শোন। দেখেছো কখনও সামনে দাঁড়িয়ে—মেয়েকে অনাহারে উদ্বন্ধনে প্রাণ-  
ত্যাগ করতে? ঘারে ঘারে সে অন্নের জন্ত, বস্ত্রের জন্ত  
ভিক্ষা করে বেড়িয়েছে। দেয়নি—কেউ দেয় নি। সকলে  
দূর দূর—করে তাড়িয়ে দিয়েছে। বস্ত্রাভাবে লজ্জায় বের  
হতে পারতো না। ...অথচ—

রে: কৃষ্ণমোহন। Mother India!

উন্মাদিনী। আমার স্বামী,—একদিন সে অগ্নি আর শালগ্রামশিলা  
সামনে নিয়ে শপথ করে গ্রহণ করেছিল; কিন্তু পিতা কোণিষ্ঠ  
মর্যাদা দিতে পারেন নি—সেই অপরাধে আশ্রয় পাইনি।...  
কিন্তু সন্তানের কি অপরাধ!—এমনি হতভাগ্য সে—

মি: মার্শেল। আমরা ইহার কি প্রতিকার করিতে পারি?

মি: বেথুন। নারীদের শিক্ষার জন্ত আমরা স্কুল খুলিয়াছি। তাহাদিগকে  
আর শুধু স্বামীর উপর নির্ভর করিয়া জীবন চলিবে না।

উন্মাদিনী। বিধবা মেয়েটিকে নিয়ে কোথাও দাঁড়াবার ঠাই ছিলনা।—  
সোমন্ত মেয়ে! অনুপায় দেখে বিদ্যাসাগরের পরামর্শই—  
তাকে বিয়ে দিয়েছিলাম।

(সকলে উৎসুক হইল)

বিদ্যাসাগর। কি? কি বললে?

উন্মাদিনী। (হতাশায়) কিন্তু ভাগ্য সঙ্গে সঙ্গে চলে। বিবাহের পরেই  
স্বামী অসুখে পড়লো—আর ষত গঞ্জনা মেয়ের উপর বর্ষণ  
হতে লাগলো—অনুকুণে, স্বামী-খাগী! শেষে স্বামীও তাকে

হতভাগি বলে গালি দিলে —। মেয়ে তা সঙ্গ করতে পারলে না —আত্মহত্যা করলে।

মিঃ বেথুন। Temporary insanity!

মিঃ মার্শেল। সংস্কার! কিন্তু আমরা কি করতে পারি মা?

উন্মাদিনী। কি আর করবে! —তাই বলতে এসেছিলাম সাহেবকে। আইন করে সমাজ শাসন চলেনা,—আর আইনে মনেও পরিবর্তন আসেনা।—তা' না হলে, মেয়েটা আত্মহত্যা করে! সমাজ তাকে তিলে তিলে জ্বালা দিয়ে মেরেছে। বিদ্যাসাগরকে পেলে এ কথাটা বলতাম—

বিদ্যাসাগর। মা—

উন্মাদিনী। তুমি—তুমি কে—?

বিদ্যাসাগর। (সজল চোখে) আমি—আমিই বিদ্যাসাগর—  
(মাথা নত করিল।)

### দ্বিতীয় দৃশ্য

প্রভাত হইয়াছে। বিদ্যাসাগর বিছানায় উঠিয়া বসিয়া দেয়ালস্থ পিতামাতার ছবির উদ্যোগে গুই হাত তুলিয়া কপাল স্পর্শ করিলেন।...

বিদ্যাসাগর। শ্রীমন্ত—শ্রীমন্ত—ছিঁড়ু—

শ্রীমন্ত। যাচ্ছি গো বাব। (প্রবেশ করিল।)

বিদ্যাসাগর। নিধি এসেছিল? নিধে?

শ্রীমন্ত। হাঁ—এসেছিল।

বিদ্যাসাগর । আমার না বলে চলে গেল ?

শ্রীমন্ত । ডাকতে চেয়েছিল—আমি বারন করেছি, করবো না ?

বিদ্যাসাগর । কেন ?

শ্রীমন্ত । রাত দুটো তিনটেয় এসে শোবে, আবার যদি অত ভোরে  
আগতে হবে--শরীর সহবে কেন ? বইবে কি করে ?

বিদ্যাসাগর । বলে কি ব্যাটা ?—তুই যে মন্ত পণ্ডিত হয়ে উঠলি—ওর  
ভাইটে অল্পখে মর-মর—

শ্রীমন্ত । তা তুমি কি করবে ?

বিদ্যাসাগর । হাঁ—দুর্গা-ডাক্তার এসেছিল—?

শ্রীমন্ত । কাল সে বলে গেছে, তুমি যদি অমন রাস্তা ঘাট থেকে রোগী  
কুঁড়িয়ে বেড়াও—সে সামলাতে পারবে না ।

বিদ্যাসাগর । কি করবো বল শ্রীমন্ত, লোকটা পথে পড়ে মারা যাচ্ছিল—

শ্রীমন্ত । তোমার মাথা ভাঙতেও তো এরাই চেয়েছিল ।— তা কাল  
অত রাত্রি ছিলে কোথা ?

বিদ্যাসাগর । দেখ্ শ্রীমন্ত, আমি কারো এতটুকু উপকার করি নি ?—  
কাউকে বিপদে ধার দিই নি ? বলতো তুই—কিন্তু কাল  
কার কাছে না হাত পেতেছি । কেউ বলেছে—নাই, কেউবা  
বলতে লজ্জা পেয়ে পাণ কাটিয়েছে । ( রেগে ) হাঁ, আমি  
এদের দেখে নেবো আবার আসবে না ? যত সব পাঁজি  
জুঁচোর—

শ্রীমন্ত । আমিও তো তাই বলি দাদাবাবু—ওরা সব সয়তান ।  
“যার খায়—যার পরে—তারি বুকে ছোড়া মারে ।”—

বিদ্যাসাগর । ( বিছানা ত্যাগ করিলেন ) আমি এদের শাস্তি দেব—  
কঠিন শাস্তি—

( চাদর কাঁধে ফেলিল )

শ্রীমন্ত । ও কি ? বাইরে যাচ্ছে ?

বিদ্যাসাগর । বুঝি শ্রীমন্ত—মানুষ মরছে—তখনও সংস্কার ।—ভীমের বিধবা মৃত্যু সময়েও একফোঁটা ওষুধ নিলেনা । বলে, দাদা, ঠাকুর—এক ছিঁটে চরণের ধুলো দাও, ও পাপ-ওষুধ খেয়ে শেষ সময়ে আর জাতি দেই কেন ?...

( চটি পায়ে দিল )

শ্রীমন্ত । একি তোমার মতলব গো—?

বিদ্যাসাগর । আঃ অমন হাতীর মত ভাইটে যদি না বাঁচে !—নিধের ভাই কেমন আছে ?

শ্রীমন্ত । ( রেগে ) আমি কি জানি ?

বিদ্যাসাগর । জানিস্নে,—জিজ্ঞেস করিসনি হতভাগা ? তবে নিজের বিদ্যে ফলাতে যাও কেন ?

শ্রীমন্ত । কাল অত রাত্রে ফিরলে—ভাত তেমনি ঢাকা পড়ে আছে । আজও কি আর রান্না চড়বে না ?

বিদ্যাসাগর । কেন ?—নিশ্চয়ই হবে—এই আমি চট করে আসছি—

( নারায়ণ সঙ্কুচিত ভাবে প্রবেশ করিল )

বিদ্যাসাগর । নারায়ণ কি মনে করে ?

নারায়ণ । একটু প্রয়োজন ছিল—

( শ্রীমন্ত প্রশ্ন করিল )

বিদ্যাসাগর । তা বুঝতে পেরেছি—। কিন্তু টাকা আমি আর দিতে পারবো না । টাকা আমার নেই । তোমার দেহ কি ভাল নেই?—অমন উষ্ণ খুষ্ণ কেন ? তোমার সম্বন্ধে অনেক কথাই কানে আসছে—কিন্তু বিশ্বাস করি নি । তোমার

মুখভার নত-দৃষ্টি আমার ভাল লাগছে না। কি বলবে বল।

নারায়ণ। বলতেই তো এসেছিলাম কিন্তু আপনি বেকুচ্ছেন—

বিদ্যাসাগর। হাঁ—না, আমি আর পারিনি।

নারায়ণ। আমার শরীরও ভাল নেই।

বিদ্যাসাগর। তা আমি কি করবো?—ডাক্তার বন্ধি দেখিয়েছ?

নারায়ণ। আমি কিছুদিন বাইরে থাকতে চাই—।

বিদ্যাসাগর। তা বেশ, বোঁমাকে সঙ্গে করেই যাও।

নারায়ণ। না।

বিদ্যাসাগর। না—কেন? নারায়ণ—তাহলে যে কথা শুনি—সত্য?—

তুমি বোঁমার সঙ্গে ভাল ব্যবহার করছো না।

নারায়ণ। বিবাহের পর থেকেই আমি অশুখে ছুপছি।

বিদ্যাসাগর। ওঃ—নারায়ণ, তুমি যেদিন বিবাহের অনুমতি চেয়েছিলে—

সেদিন নিজেকে সৌভাগ্যবান্ বিবেচনা করেছিলাম। কিন্তু

শিক্ষাও কুসংস্কার থেকে তোমাকে মুক্তি দিতে পারিনি।

আমার ধারণা তুমি এমনি করেই ভেঙে দিলে—

( মদনমোহন ও রাজকৃষ্ণ প্রবেশ করিল )

মদন। পাখী সব করে রব রাত্তি পোহাইল—( হাসি )

... ..

উঠ শিশু মুখ ধোও পর নিজ বেশ,

আপন পাঠেতে মন করহ নিবেশ।

বিদ্যাসাগর। এস মদন। ( মদন হাসি ) ঈশ্বরচন্দ্রের স্নাত অনেকক্ষণ

পোহাইয়াছে।

রাজকৃষ্ণ। নারায়ণ যে! হঠাৎ?

নারায়ণ । না—হঁা, একটু কাজ ছিল—(ব্যস্ত-সম্ম্যস্ত) আমি এখন যাই—।

(নারায়ণ প্রস্থান করিল)

বিদ্যাসাগর । (দীর্ঘ নিঃশ্বাস ত্যাগ করিল) নারায়ণ বলছিল—বিবাহ করেই সে অসুখে ভুগছে। আমি শুনেছি বৌমার সঙ্গেও বনিবনা হচ্ছে না।

রাজকুমার । শ্রীশচন্দ্রও বিবাহের পরে এই কথাই বলছে। অথচ সকলেই স্ব-ইচ্ছায় বিয়ে করেছিল! হ'ল কি এদের!

মদন । সংস্কার । “অঙ্গারঃ শত ধাতেন মলিনত্বং ন মুচ্যতে।”  
(হাসি)

বিদ্যাসাগর । আমি তাকে ক্ষমা করবো না মদন । যদি পুত্রকে ত্যাগ করতেও হয়, তবু এমন অন্যায়কে প্রশ্রয় দিতে পারি না।

মদন । (উচ্চ হাসি) ‘পুত্র পিও প্রয়োজনম্’—

(তিনকড়ি বাবু প্রবেশ করিল)

তিনকড়ি । বলতে পার বিদ্যাসাগর কোথায় থাকে? I mean that old fool. (রুমাল ঝাড়লে)

বিদ্যাসাগর । (নাক মুখ লাল হইল) তুমি—তোমাকে কখনো দেখেছি বলে মনে হচ্ছে না তো।

মদন । বিদ্যাসাগরকে তোমার কি দরকার? সাগরের দেখা কি মরুভূমিতে পাবে! (হাসি)

তিনকড়ি । (বিরক্তিতে) রসিকতা রাখো। আমার অরুণী প্রয়োজন—I mean, I need him. বিদ্যাসাগর কোথায় থাকে? আমার হুঁমাসের টাকা পাইনি—কি করে চলে?



বিদ্যাসাগর । দু'মাসের টাকা !

রাজকৃষ্ণ । বিদ্যাসাগর ধারেন বৃষ্টি ?

তিনকড়ি । ধারবেন কেন ?—মাসোহারা । ( রুমাল ঝাড়লে )

রাজকৃষ্ণ । ও—

তিনকড়ি । নিয়ম মত না পেলে কষ্ট হয় । I mean—

বিদ্যাসাগর । টাকা না পেলে কষ্ট হবেই তো ।

তিনকড়ি । তোমার বিবেচনা আছে । বিদ্যাসাগরকে ভাল লোক বলেই জানতাম—না, এ ভারী অশ্রায়—I mean—

রাজকৃষ্ণ । পোষাক দেখে অর্থের অভাব আছে মনে হচ্ছে না তো—

তিনকড়ি । বলো কি !—ও জামাটা দেখে বলছো ? সে বার কনে দেখতে যাবার সময় তৈরী করিয়েছিলাম । এই একটাই মাত্র । আজও সে ধার ধারি । তার স্ত্রী পর্যন্ত শুনিছি রামধনকে । আমাদের রামধন মুদীকে চেন না ?

মদন । “হে রাজনু, যাহারা চিত্র বসনাবৃত, বেত্রহস্ত, রঞ্জিত কুস্তল, এবং মহাপাতক, তাঁহারাই বাবু । যাহারা বাক্যে অজ্ঞেয়, পরভাষা পারদর্শী, মাতৃভাষা বিরোধী, তাঁহারাই বাবু ।”  
.....( উচ্চ হাসি )

বিদ্যাসাগর । ( হাসি ) তুমি বসো—আমি দেখছি । শব্দু—

শব্দু । দাদা— ( শব্দু প্রবেশ করিল )

বিদ্যাসাগর । এই লোকটা গত দু'মাসের মাসোহারা পায়নি—

তিনকড়ি । ( লাফ দিয়া বিদ্যাসাগরের পায়ে, খানিকটা ধুলি তুলিয়া নিল ) Please excuse me,—আমি বুঝতে পারিনি—  
I mean—তুমি—আপনি বিদ্যাসাগর—

বিদ্যাসাগর । না না,—তা কি হয়েছে—

( তিনকড়ি সংকোচে সরিয়া গেল )

বিদ্যাসাগর । তোমাকে কোথায় দেখেছি মনে হচ্ছে—

তিনকড়ি—। না স্মার—কলেজের অত ছেলের মধ্যে চিনুবেন কি করে ?

I mean—simply absurd—

শঙ্কু । কেন ডাকলে দাদা ?

তিনকড়ি । ছ'মাসের মাইনে বাকি পড়ে । অসুবিধা হচ্ছে—( হাত ঘসিতে লাগিল )

বিদ্যাসাগর । এ ছ'মাসের মাসোহারা পায়নি । হাঁ, টাকা না পেলে অসুবিধা হয় বৈকি ?

শঙ্কু । —গত ছ'মাসের টাকা পাঠাবার ভার নিয়েছিল রামবাবু । এমন আরো ছ'চার খানা চিঠি এসেছে —তারাও ছ'মাসের টাকা পায় নি ।

বিদ্যাসাগর । কেন ?

শঙ্কু । রামবাবু বলেন, কাজের ভীড়ে সময় করে পাঠাতে পারেন নি ।

বিদ্যাসাগর । বেশ, না পেরেছেন—টাকাগুলি এনে আমাকে দিতে বলো । আমি দিয়ে দিচ্ছি ।

শঙ্কু । আমিও তাই বলেছিলাম । কিন্তু, তিনি বলেন টাকাটা অল্প বাবদে খরচ হয়ে গেছে ।

বিদ্যাসাগর । কত টাকা ছিল ?

শঙ্কু । আড়াই হাজার ।

বিদ্যাসাগর । ( ক্রকুটি ) সে আমাদের আশ্রয় না ? ( কটুক্তি শুনিয়া শঙ্কু নীরব রহিল ) আচ্ছা, তুমি এখন যাও—তোমার ছ'মাসের টাকা এই সপ্তাহেই পাবে ।

তিনকড়ি । Thank you, sir,... I mean... আমি কি বলে  
অস্তরের কৃতজ্ঞতা প্রকাশ করবো—

মদন । তুমি না সেদিন বালিকা বিদ্যালয় ভাঙতে গিয়েছিলে ?  
তুমিই বিদ্যাসাগরকে টিল ছুঁড়ে ছিলে । তাই ভাবছিলাম—  
চেনা মুখ মনে হচ্ছে—

তিনকড়ি । আমি—? না না, No—No. আপনি ভুল করছেন—  
বিদ্যাসাগর । (রাগে) আবার মিথ্যে বলছো—জুচোর—পাঁজি—  
ভেবেছ কি ? আমি তোমাকে জেলে দেবো । বের হও ।  
বের হয়ে যাও—আমার সম্মুখ থেকে দূর হয়ে যাও—  
তোমাদের মুখ দেখলেও পাপ—শয়তান—

( তিনকড়ি বাবু চোরের মত পলায়ন করিল )

মদন । তার কি হয়েছে দয়াময় —‘কালঃ অয়ং নিরবধিঃ—বিপুল্যচ  
পৃথ্বীঃ’ ।

বিদ্যাসাগর । না, এ দেশের উন্নতি নেই—এত শাঠ্য—ধাপ্লাবাজি ! শয়তান—  
সব শয়তান—( ছুর্গাচরণ প্রবেশ করিল ; শস্ত্র বাহিরে গেল )

ডাঃ ছুর্গা । সবাই চুপ করে—? ( সকলের দিকে তাকাইল )

মদন । পৃথিবী গোল—তাই সব কিছুতেই গোল মাল লেগে আছে ।  
আবার পণ্ডিতেরা বলছে মাধ্যাকর্ষণ ; চাপ আর টান, বুঝলে  
ভায়া ? ভারসাম্য না হলেই বুঝতে পারছো ভায়া—সব  
কুপোকাৎ—

ডাঃ ছুর্গা । ( উচ্চ হাসি ) হাঃ—হাঃ—হাঃ ডাক্তার হানেমান ঠিক  
ঐ কথাটিই বলেছেন । ঠিক মতো—এক কোঁটা একোনাইট  
পড়েছে কি, রোগী উঠে বসলো । বসতেই হবে বাছাধনকে ।  
হাঁ—একটা ভাল খবর আছে—তাই দৌড়ে এলাম পণ্ডিত ।

সুখবর। সুরেন—আমাদের সুরেন—সিভিল সার্ভিস নিয়ে আসছে।

বিদ্যাসাগর। (খুশি হইয়া)—আমাদের সুরেন—! বড়ই আনন্দের সংবাদ দুর্গা।

মদন। ওতো জানা কথাই জেক্সন—হতেই হবে—“বাপকে ব্যাটা সিপাইকে ঘোড়া—” (হাসি)

ডাঃ দুর্গা। আর এক কথা,—যত আপদ তুমি জুটাতে পারো পণ্ডিত। আমার সেই বন্ধুটি কাল আবার এসেছিল।

মদন। তোমার বন্ধু! আশ্চর্য—রাজদ্বারে—শ্মশানেচ—?

ডাঃ দুর্গা। না—বন্ধু তাকে ধরা চলে না। আমি কারো সঙ্গে তেমন হৃদয়তা করিনে—সহ্যই হয় না;—সব ব্যাটা স্বার্থপর—সব পাঁজি—

মদন। তাই বল জেক্সন—

বিদ্যাসাগর। কার কথা বলছো দুর্গাচরণ?

ডাঃ দুর্গা। মাইকেলের অন্তে যার থেকে টাকা ধার নিয়েছিলে! সেই বললো, বিদ্যাসাগর নিজে হাওনোট দিয়ে টাকা ধার নিয়েছেন, আর আমি অপেক্ষা করবো না—তার নামে নালিশ তুকে দেব—দেখবো, সে টাকা না দিয়ে পারে কি না?—তোমার যত সব বাজে—একটা মদ্যপ—বাংলায় কবিতা লেখে—তা কি হয়েছে—অত গুলো টাকা!

বিদ্যাসাগর। নালিশ দেবে—দিগ্গে। কিন্তু তাকে বলে দিও, দুর্গা—ঈশ্বরচন্দ্র কারো আধা পয়সা ধার রাখবে না।—তেমন বাপের ছেলে সে নয়।—আর মধুকে টাকাটা দিয়ে আমিও দুঃখ করিনে—

মদন । “পর-ধন-লোভে মত্ত, করিহু ভ্রমণ [পরদেশে, ভিক্ষা বৃত্তি কুক্ষণে  
আচরি ।” ]—সেই মধু ।

বিদ্যাসাগর । ভেবেছে কি ? টাকা গাপ করবো ?—যত সব হতভাগা—  
( গবু গবু করিতে করিতে বাহিরে গেল )

ডাঃ দুর্গা । ( বিস্ময়ে )—কি হলো মদন ?

মদন । ( হতাশ ভঙ্গি ) মাম্যের অভাব । গরু দড়ি ছিঁড়েছে ।

ডাঃ দুর্গা । না—যাই নিধির বাড়ীটা ঘুরে ! পণ্ডিত বড়ই রেগেছে—  
আমার কি দোষ ? লোকটা নেহাৎ না ছোড়ে-বান্দা—

মদন । নিধির অস্থখ কি ?

ডাঃ দুর্গা । নিধির নয়—ওর বোনের । পলসেটিলা কেস । কঠিন হয়েই  
দাঁড়িয়েছিল । আর ছ’দাগ পড়লেই ঠিক হয়ে যাবে । কাল  
নাড়ীটা চন্ চন্ করতেই—কড়িমাম একটি ফোঁটা ঠুসে  
দিলাম—অমনি দপ্ দপ্ করে উঠলো ভায়া, হানেমান!

মদন । না—আর নয়—বেলা অনেক হলো,—( উঠিল )

ডাঃ দুর্গা । হাঁ—আমিও চলি—শরীরটে ভাল যাচ্ছে না—গা মেজ্  
মেজ্—ছ’শ শক্তি একটি দাগ ঝেড়ে দেবো । হাঁ—  
চলো ভায়া—( বাহিরে গেল ) [ ক্ষণেক মঞ্চ খালি রহিল ।  
দীনবন্ধু সংকোচে প্রবেশ করিল—অন্য পার্শ্বে শ্রীমন্তের  
প্রবেশ—মুখে গানের কলি—হাত নড়িতেছে )  
কালী কালী কালী বলে, কালের ভয় এড়াইব । ]

দীনবন্ধু । শ্রীমন্ত—শ্রীমন্ত—

শ্রীমন্ত । কে গো ?—মেজবাবু যে—কখন এলে ?

দীনবন্ধু । এই-ই ! দাদা কই ?

শ্রীমন্ত । বাহিরে গেলেন—তা তুমি বসো না ।

দীনবন্ধু । —না—আমাকে এখনি যেতে হবে—শস্ত্রু কই ?

শ্রীমন্ত । বড়বাবুর সঙ্গে দেখা করবে না ?

দীনবন্ধু । --না—সময় হবে না ।

শ্রীমন্ত । ( হেসে ) এখন আর আসই না । তা ডেপুটি হয়ে বড়লোক হয়েছে—অনেক রোজগার—টাকা পয়সার ভো আর অনটন নেই—

দীনবন্ধু । ( রেগে ) ও কি কথা ছিড়ে—! যা শস্ত্রুকে আসতে বল—আমি আর ভিতরে যাবো না ।

শ্রীমন্ত । —তা যাচ্ছি—

( শ্রীমন্ত ভিতরে গেল—শস্ত্রু প্রবেশ করিল )

শস্ত্রু । মেজদা, তুমি এখানে বসে ।—ভিতরে এস

দীনবন্ধু । তোর সঙ্গেই আমার প্রয়োজন ।

শস্ত্রু । কেন মেজদা ?

দীনবন্ধু । দাদা ঋণে ডুবু ডুবু, আনিস্ সে কথা ?

শস্ত্রু । ( হেসে ) জেনে সুবিধে কি হবে শুনি ?

দীনবন্ধু । কিন্তু এ অবস্থায়ও দান ধ্যান বাদ নেই—ঋণ করেও তিনি নাম কিনতে চান ।

শস্ত্রু । কি বলছো মেজদা !

দীনবন্ধু । হ্যাঁ—সর্বস্ব খুঁইয়েছেন—আমাদের ডুবিয়েছেন—বিধবা-বিবাহের জন্তে তাঁর ষথেষ্ট ঋণও হয়েছে ।

শস্ত্রু । তোমার ভয় কি দাদা ?—তোমাকে তো ডেপুটি গিরিও জুড়িয়ে দিয়েছেন ।

দীনবন্ধু । হ্যাঁ—ভারীতো ডেপুটি গিরি ! তা থাক, তোর ডেপোমি রাখ । এখন যা বলি—তাই শোন । সংস্কৃত প্রেস ডিপো-

জিটরী ঝাঁখা দিয়ে দাদা অনেক টাকা কর্জ করেন। তারা টাকা না পেলে প্রেস নিয়ে নেবে। দাদা প্রেস বিক্রী করবেন মনস্থ করেছেন ; কিন্তু আমাদেরও অংশ আছে তো ? আমি আমার অংশের জন্ত নাগিশ করছি, তুইও তোর অংশের জন্ত নাগিশ কর। তখন কেউ আর প্রেসের উপর হাত দিতে পারবে না।

শম্ভু। প্রেস আমাদের নয়, দাদাই প্রেস করেছিলেন।

দীনবন্ধু। --তুই খুব জানিস। তা যা হোক, তোর অংশের জন্ত নাগিশ করলে তুইও পেয়ে যাবি।

শম্ভু। না,--আমি পারবো না। যা আমার নয়--তার জন্তে মিছিমিছি ছাঙ্গামা করবো কেন ?--মানুষেই বা বলবে কি ? যে দাদা আমাদের--না, এমন বিশ্বাস-ঘাতকতা--আমি পারবো না।

দীনবন্ধু। একে দোষের কেন বলছিস !--আমাদের হক--

শম্ভু। অমন হক আমি বুঝিনে। দাদার বিরুদ্ধে আমি নাগিশ করবো না।

দীনবন্ধু। কেন ?

শম্ভু। অসম্ভব।

দীনবন্ধু। তবে মরু। ( উঠিয়া ) আমি আজই দেশে যাচ্ছি--দেশের বাড়ী ভাগ করে নেবো।--ভাল যদি চাস্--

শম্ভু। অমন ভাল আমার চাইনে--

( শম্ভু বাহিরে গেল )

দীনবন্ধু। যেমন বুদ্ধি--( বিরক্তি প্রকাশ করিয়া বাহিরে গেল )

( বিদ্যাসাগর ক্রোধে গরু গরু করিতে করিতে চুকিল )

বিদ্যাসাগর। আশ্চর্য্য ! নবকুমারের স্ত্রী আমাকে বলে--শচীবামণীর

পাশের ভূমিটা ভিক্ষে চেয়ে নিতে ! ( সোর গোল শুনিয়া  
শম্ভু বাহিরে আসিল, হাতে কাগজ ) টাকার গরব ! তুমি  
আমার নবাবের বেটি ! আমি তোমার কাছে ভিক্ষে চাইনে !  
শম্ভু । দাদা !

বিদ্যাসাগর । না,—তোরাই আমাকে দেশত্যাগী করলি । ( ক্ষণেক  
নীরব ) ওটা কি শম্ভু ?

শম্ভু । এই লোকটিকে মাসোহারা আর পাঠবো না ?

বিদ্যাসাগর । কেন ?

শম্ভু । মিথ্যে বলে নেবে ?

বিদ্যাসাগর । নেয় যদি নিক্-ওরই ভবিষ্যৎ নষ্ট হবে । আমার কি ?  
—বামুন ভিকিরীর ছেলে ! এই আত্মাবমাননা—এই উজ্জ-  
বৃত্তি, --না, না শম্ভু, মানুষের সীমাহীন ছঃখ না হলে অপরের  
কাছে এমনি করে হাত পাততে পারে না ! তুই তাদের  
মাসোহারা দিয়ে দিস্—ক'টা বা টাকা !

শম্ভু । ( ইতস্ততঃ করিয়া ) মেঝদা এসেছিল--

বিদ্যাসাগর । কে ? দীনবন্ধু ?—আবার কেন ?

শম্ভু । সংস্কৃত প্রেস ডিপোজিটরীর অংশ নিয়ে নাগিশ করবে  
তোমার নামে ।

বিদ্যাসাগর । আমার নামে ?

শম্ভু । তাই তো বলে গেল—

বিদ্যাসাগর । কিন্তু তার তাতে অংশ কিসের ? না—আমি দেবো না ।  
এক পরসার অংশও কাউকে দেবো না । নাগিশ করে  
আদার করবে দীনবন্ধু ! —তা হবে, সে যে আমার ভাই !

( শম্ভু অধোবদন হইল )



### তৃতীয় দৃশ্য

বেঙ্গল স্পেক্টেটর পত্রিকার অফিস।

রামগোপাল ঘোষ পত্রিকা রাখি ঘাঁটিতেছিলেন। সহসা দাঁড়াইয়া উঠিলেন।

রামগোপাল। I am sick of this false world, and will love  
nought—রাম সিং—

( ঠৈনি হাতে রাম সিং প্রবেশ করিল )

দরোয়ান। জী হজুর!

রামগোপাল। ( পাইয়া ) নেই,—মিলা।—আরে হাঁ, দেখো “বেঙ্গল  
স্পেক্টেটর” ( পড়িলেন )—ঠিক হার—উস্কে বাহার  
দে না।

দরোয়ান। বহুত আচ্ছা হজুর।—( রামগোপাল সংবাদ-পত্র তুলিয়া  
পাঠ করিতে লাগিলেন—দরোয়ান অপেক্ষা করিতে  
লাগিল,—)

রামগোপাল। ঠৈর—

দরোয়ান। ( লজ্জিত ভাবে ) ঘরসে চিট্টি মিলা হজুর।

রামগোপাল। আচ্ছা - ( হাসি ) জরু ভেজা ?

দরোয়ান। জী হজুর! একঠো লেঙ্কা হরা।

রামগোপাল। ( উচ্ছ্বসিত ) বহুত আচ্ছা—( টেবিলের উপর হইতে টাকা  
ফেলিয়া দিয়া ) ভেজ দেও—সন্দেশ ভি খিলা দেও—( হাসি )

দরোয়ান। ( হাত কপালে স্পর্শ করিয়া ) বহুত আচ্ছা হজুর।  
( কৃতজ্ঞতার ) লেঙ্কা বহুত খাপ, সুকৃত হরা—

রামগোপাল। ( কাগজ তুলিয়া লইয়া ) খুশিকা বাৎ—

দরোয়ান। ( ইতস্ততঃ ) হাম, ঘর যায়েগে বাবু—একদফে—

রামগোপাল । ঠিক—ঠিক ! বহৎ আচ্ছা ( দরোয়ান হাত কপালে  
স্পর্শ করিয়া বাহিরে যাইতেই প্যারীচাঁদ মিত্র প্রবেশ করিল )

রামগোপাল । So late ?

প্যারীচাঁদ । না হে না ;—এই তো সবে পাঁচটা । এষে ‘রাধা প্রেম’ বাবা !  
হলো কি তোমার ? আরে নাম করতে করতেই যে—দাদা !

( রাধানাথ শিকদারের প্রবেশ )

রাধানাথ । ( পথ হইতে ) নিউটন ঠিকই বলেছিলেন, Gravitational  
Attraction. ষড়ির কাঁটার পাঁচটে বাজলো কি—এ মুখো  
না হয়ে আর উপায়টি নেই—সুর্, সুর্, করে টেনে আনবে ।  
( সকলের হাসি )

রামগোপাল । রেঃ ব্যানার্জিকে দেখছি না । বড়দর্শনের অনুবাদ নিয়ে  
বসেছে হয়তো । চক্রবর্তী ফ্যাক্সন-এ ভাস্কর ধরেছে । কি নামই  
বের করেছিল রিচার্ডসন ! ( রেঃ ব্যানার্জি প্রবেশ করিল )  
বেঁচে থাক বাবা, নাম না করতেই—

প্যারীচাঁদ । পাদরি সাহেব কি গঙ্গা-স্নানে গিয়েছিলে ? ঘরের ভাগিদ  
বাবা ! ধর্ম অর্থ চতুর্ভুগ যে ণ্ডানেই ! ( হাসি )

রামগোপাল ।—আরে শোন, একটা মজার খবর ; আমি পড়ছি—  
( কাগজ উল্টাইয়া—উচ্চ স্বরে ) “The sons of the  
wealthiest natives for a series of years feasted  
on beef and burgandy. Their fathers are  
aware of the same for Davy Wilson’s  
bill. They are free-thinkers and free-  
eaters—হাঃ হাঃ হাঃ—আমরা ডিরোজিওর বোগ্য ছাত্র—  
( উচ্চ হাসি )

রাধানাথ । খুব লিখেছে । কি লিখেছে,—free-thinkers and free-eaters ?—হাঃ হাঃ

রেঃ ব্যানার্জি । আর প্যারী সরকার বলে কি না “মদ ছাড়ো”—পণ্ডিত তার সঙ্গে যোগ দিয়ে আন্দোলন পাকিয়েছে—কাটিং-টা পাঠিয়ে দাও—রামগোপাল—

প্যারীচাঁদ । “এত ভঙ্গ বঙ্গ দেশ, তবু রঙ্গ ভরা”—ঈশ্বর গুপ্ত কি মিথ্যে বলে ?

রাধানাথ । টেকচাঁদ বেশ নামটি ! টেকোচাঁদ না রেখে চাঁদ কপাল রাখলে আরো মধুর হতো । সার্থক হতো । ( হাসি )

রামগোপাল । চক্রবর্তীর বৃটিশ ইঞ্জিয়া সোসাইটির কি হ'ল ? চলুচে কেমন ?

রেঃ ব্যানার্জি । বেশ চলুচে । তবে কি জ্ঞান—ঐ ষতকণ উৎসাহ—

রামগোপাল । আর শুনেছ, বঙ্কিমচন্দ্র বঙ্গ দর্শন' বের করছে, এবার গদ্য সাহিত্যে ফসল বুনবে : ( ঈষৎ হাসি )

প্যারীচাঁদ । কি আর করবে?—প্রভাকরের প্রভা যে বিলুপ্ত । বেশ বলেন ঈশ্বর গুপ্ত, “কে বলে ঈশ্বর গুপ্ত ব্যাপ্ত চরাচর, বাহার প্রভায় প্রভা পায় প্রভাকর ।”—সেই ঈশ্বরই যখন লুপ্ত—  
( সকলের উচ্চ হাসি )

রেঃ ব্যানার্জি । তা'হলে “মরাদাহ শবপোড়ার” দল এবার কোমর বেঁধেছে ।

রামগোপাল । তাই তো দেখছি, বঙ্কিমচন্দ্র একদিকে—অন্যদিকে ভূদেব অক্ষয় । ছেলে ছোকড়ার দলে হরপ্রসাদ চেগে উঠছে । মোট কথা বিদ্যাসাগরের Start টা ভালই ছিল । But—এই বাংলাভাষা যেন ক্যাঙালপনা—( হতাশার ভঙ্গি )

রাধানাথ । আমাদের আলালের ঘরের ছুলালের কথা কেউ বলছে না—  
( সকলেই অর্থবোধক হাসিতে প্যারীচাঁদের দিকে তাকাইল ।  
সহকারী প্রবেশ করিল )

রামগোপাল । দ্বিতীয় পৃষ্ঠায়—শেষ কলামে ।

( সহকারী বাহিরে গেল )

সত্যই mutiny দমিয়ে দিলে—একটার পর একটা  
আইন গড়ে । গণ-বিদ্রোহ এমন করেই ফ্রান্সে এসেছিল ।  
কিন্তু এদেশে—থাক বাবা ; দেয়ালেরও কান আছে ।  
আইনের তো অভাব নেই—। সাদার বিচার কালোর  
কাছে আর চলবে না,—বুঝলে ?—Black Act.

রাধানাথ । মোগল রাজত্বের স্বপ্ন তা'হলে টুটল । Alas ! সিপাহীরা বড়  
মরিয়া হয়ে উঠেছিল হে ।

প্যারীচাঁদ । এবার তা'হলে কালা আদমির পিলে হরদম ফাটবে—। এ  
বিষয়ে গণিতে কোন বিধি নেই শিকদার ? ( হাসি )

রেঃ ক্যানার্জি । এর একটা প্রতিবাদ হওয়া দরকার । Who will  
protest ?—None. রাজা থাকলে অন্ততঃ প্রতিবাদ  
একটা হতো ।

প্যারীচাঁদ । না, সে অযোধ্যাও নেই—আর রামচন্দ্রও নেই—

রাধানাথ । আছেন । এখনও একজন আছেন, সেবার মর্ডান্ট-  
ওয়েলের ধৃষ্টতার প্রতিবাদ মনে নেই ? “জজ্, সাহেব  
ভারীতো বিচারক—বলে কি না, বাংগালী জালিয়াত—বলে  
কি না, বাংগালী জোচ্চোর,—মিথ্যাবাদী । কিন্তু জিজ্ঞেস  
করি—ক'টা বাংগালী দেখেছে সেই ফিরিঙ্গী সাহেবটা যে  
বাংগালী জাতির উপর এমন দোষারোপ করে ?”

রামগোপাল । কাঁচা বয়সে সিভিলিয়ান—একটু দেমাকী হবেই ।

রাধানাথ । আমাদের প্রতিবাদ করতেই হবে ।

প্যারীচাঁদ । অর্থাৎ “ক্লেব মান্ন—( হাসি )

রামগোপাল । একদিনের কথা আমার মনে আছে, ডিরোজিও সাহেবকে তাড়িয়ে দেবার জ্বালা তখনও আছে মর্শে বিধে । বিদ্যাসাগর বলেছিলেন—অন্ধ পরানুকরণ আর পাশ্চাত্য মোহ আমাদের সর্বনাশ করেছে । জাতির মেরুদণ্ড দিয়েছে ভেঙে । মিথ্যে বলেন নি ।

প্যারীচাঁদ । মেকলে সাহেব তো স্পষ্টই বলেছে—তাদের শিক্ষা এ দেশে নূতন এক শ্রেণীর পত্তন করবে—A class of persons, Indian in blood and colour but English in tastes. in opinions, in morals and intellect between the ruler and the ruled. হাঃ হাঃ ( হাসি ) চাকরীর মাকাল দিয়ে আমাদের নাকাল করেছে !

( সহকারী চুকে আবার একখানি কাগজ রামগোপালের সামনে দিলে )

রামগোপাল । কেন ?

সহকারী । কোথায় বসবে স্থার—

রামগোপাল । না, তোমাদের দিয়ে কিছু হবে না । এতটুকু বুদ্ধি জোগাবে না—তো সম্পাদকী শিখবে কি হে—? সম্পাদক হ'লে যে নয়কে হয় করতে হবে—

সহকারী । ( মাথা চুলকে )—তা তা—

রাধানাথ । কি ওটা ?

রামগোপাল । নীলকর আইনের উপরে একটা লেখা । দ্বিতীয় পৃষ্ঠায়—

দিয়ে দাও। শেষ পর্যন্ত সরকারকে সাহেবদের অভ্যাস  
বন্ধ করতে আইন করতে হ'ল—

রেঃ ব্যানার্জি। সাধারণ লোক নাটকে প্রভাবিত হয়। প্রচারে নাটক  
অব্যর্থ অস্ত্র— পাণ্ডপৎ। দীনবন্ধু যা নাটক লিখেছে—  
আইন না করে উপায় আছে!

রামগোপাল। নীল দর্পণের কথা মনে হলোই পণ্ডিত বিদ্যাসাগরের  
কথা মনে হয়—(হাসি)

প্যারীচাঁদ। পণ্ডিতের সে এক কীর্তি। লোকে বলে না “কীর্তি যশ স  
জিবতি”-তাই। গিয়েছিলুম নীল দর্পণ দেখতে, অর্দ্ধেন্দু  
মুস্তফী আর দীনবন্ধু মিত্রের অনুরোধ। মিত্রের বই ;  
অর্দ্ধেন্দু নীলকর সাহেবের ভূমিকা করবে। অভিনয় চলছে,  
আসর জম জমাট।—অভিনয়ে আছে, নীলকর সাহেব একটি  
অসহায় মেয়ের উপর অভ্যাস করছে। সেই দৃশ্য আরম্ভ  
হ'ল—আমি পণ্ডিতের পাশেই বসে আছি, মাঝে মাঝে  
পণ্ডিতের মুখের দিকে তাকাই, পণ্ডিতের মুখ লাল হয়ে  
উঠেছে উত্তেজনায়। যেই নীলকর সাহেব মেয়েটার বস্ত্র ধরে  
টেনেছে—আর যাবে কোথায়? পণ্ডিত দাঁড়িয়ে উঠে, পা  
থেকে চটি নিয়ে ছুড়ে মারলে নীলকর সাহেবকে। রাগে  
আমাকে ঠেলছে। হাততালি শুনে মুখ ঘুড়িয়ে দেখি, অর্দ্ধেন্দু  
সেই জুতো পাটি মাথায় ধরে—বিদ্যাসাগরের সামনে এসে  
দাঁড়িয়েছে। চারিদিকে হাততালি আর কলরোল।

রাধানাথ। (উৎসাহে) Good—তারপর?

প্যারীচাঁদ। যখন প্রকৃত অবস্থা বুঝলে—তখন লজ্জা পেয়ে বসে পড়েছেন,  
—আর মুখে কথাটি নেই বীর পুত্রবের।

রামগোপাল ।—হাঁ। প্যারীচরণ—এ যুগের বীর পণ্ডিত বিদ্যাসাগর ।  
সেবার হৃদিকে পণ্ডিত বিদ্যাসাগর অন্নমাত্র খুলে বহু লোককে  
বাঁচিয়ে ছিলেন,—আবার দেশে হৃদিক ভেঙ্গে উঠছে—  
সিপাহী বিদ্রোহ শেষ না হতেই । কিন্তু এবার বিদ্যাসাগর  
নেই,— সেই—“বজ্রাদপি কঠোরাণি বৃহণি কুম্ভাদপি” ।

রাধানাথ । পণ্ডিত মানুষের উপকার আর করবে না ।

প্যারীচাঁদ । একেবারে বাণপ্রস্থ ! “ত্যজ হৃদ্বন-সংসর্গ—

রেঃ ব্যানার্জি । পণ্ডিত সার বুঝেছে !—Dust thou art, and unto  
dust shall thou return. Amen ! ( ক্রেশের  
ভঙ্গিতে হাত বুকে রাখলো )

রেঃ ব্যানার্জি । আশ্চর্য্য এই বিদ্যাসাগর !—পরের জন্ত ঋণ করেই সে  
ডুবলো । মাইকেলকে কি অল্প টাকা দিয়েছে !

প্যারীচাঁদ । সেও দুই সত্র কবিতা লিখে সে দেনা শোধ করেছে—  
“বিদ্যার সাগর তুমি বিখ্যাত ভারতে । করুণার সিদ্ধু তুমি,  
সেই জানে মনে, দীন যে দীনের বন্ধু ।”

রামগোপাল । Oh no. দাস্তের স্বরণ উৎসবে মাইকেল যে কবিতা পাঠিয়ে-  
ছিল, ইতালীর রাজা তার উপর কি বলেছিল—ওনেছ ? “It  
will be a ring which will connect the Orient  
with the Occident.”—No, he is really  
great.—‘রচিব মধুচক্র ; গোড়জন বাহে আনন্দে করিবে  
পান, সুধা নিরবধি ।’ মিথ্যা বলেনি ।

রেঃ ব্যানার্জি । ওনুছি মধুও নাকি ঋণে জর্জরিত । Reckless  
fellow !

( এই সময়ে সহকারী পুনরায় প্রবেশ করিল )

রামগোপাল । আবার কি ?

সহকারী । পল্লীসংবাদ থেকে কিছু কেঁটে ছেঁটে দিতে হবে—কিন্তু কাকে বাদ দিয়ে—কাকে রাখবো তাই ভাবনা । এইটে বাদ দেব কি ?

রামগোপাল । এইটে বাদ দেবে—বলো কি ? না,—তোমাদের দিয়ে কাজ চলবে না । শোন সব—“কার্মাটারে সঁওতাল পল্লীতে সংক্রামক কলেরা রোগে. পণ্ডিত বিদ্যাসাগর অকাতরে সেবা ঔষধ ও প্রয়োজনে পথা দিয়া সাহায্য করিতেছেন, এই বৃদ্ধ বয়সে এই প্রকার যৌবনোচিত্র ডগ্গমে আহার নিদ্রা ত্যাগ করিয়া—দিবারাত্রি—অতি নগ্ন সাধারণের মধ্যে ঘেরুপ খাটিতেছেন,—তাঁরা অবর্ণনীয় । সঁওতালগণ—এখানে তাহাকে দেবতা বলিয়া মনে করিতেছে ।”

রে: ব্যানার্জি । —ভগবান মিথ্যা বলেনি—‘Let us make man in our imge, after our likeness.’

( ক্রশের ভঙ্গিতে হাত বন্ধে গুস্ত করিল )

প্যারীচাঁদ । হাঃ ঈশ্বর ! একদিন এদের মূঢ়তা দেখেই—তুমিও ত্যাগ করেছিলে !

সহকারী কাগজে আজ আর যাগা হবে না ।—

রাম গোপাল । না না,—আজকের কাগজেই এটা থাকা চাই ।—আসল খবরই এই—তোমরা বসো—আমি দেখছি—( রাম গোপাল উঠিতেই এগারটার ঘন্টা বাজিল )

রে: ব্যানার্জি । It is Eleven. Oh, no, I must go now.

রাধানাথ । আমারও শরীরটা ভাল যাচ্ছে না—বয়সও তো হল—রাত



জাগতে আর পারিনে—

প্যারিচাঁদ - আর সূতরাং— কাজে কাজেই—

( হাসিয়া সকলেই উঠিল )

### চতুর্থ দৃশ্য—

বিদ্যাসাগরের কাশ্মীরের বাংলো । সময় প্রভাত ।  
বৃদ্ধ বিদ্যাসাগর বসিয়া লিখিতে ছিলেন—মাঝে মাঝে  
শুদ্ধ করিতেছিলেন ।

( হরপ্রসাদ শাস্ত্রী প্রবেশ করিল )

হরপ্রসাদ । লেখায় অত কাটাকুটি করছেন কেন ?

বিদ্যাসাগর । ( হাসি ) এতদিন আমরা ভাসার সাধনা করিনি । কাজেই  
সেও সেধে সাড়া দেয় না । হরপ্রসাদ, এ এমনি ।—ঠিক  
শব্দটি না পেলে—কিছুতেই মন স্পষ্ট হবে না । তাই  
হাত্রে বেড়াই—তাই সর্বদা কাটাকুটি করি । ভূদেব  
কত ? ওকে এ বয়সে আবার টেনে আনলে কেন ?

( ভূদেব প্রবেশ করিল )

রাত্রিতে কষ্ট হয়নি তো ভূদেব ?

ভূদেব । কষ্ট কেন হবে ? ( হাসি )

বিদ্যাসাগর । মহরে লোক তোমরা তাই বলি । তা—হাঁ তোমরা এখনও  
ছাত্র আছো—ছাত্রের অধ্যয়নই তপস্বী । আর তপস্বীর  
সময়ে আরাম করতে নেই !

ভূদেব । ( হাসি ) শুনেছি সকালে গুরু গৃহে অগ্নি আসনের  
ব্যবস্থা ছিল । এখন আর সেদিন নেই—সে শিক্ষাও নেই—

বিদ্যাসাগর । ( গম্ভীর ) শিক্ষাই মানব জন্মের সার্থকতা । সংস্কারের

অন্ধকার দূর করে—জ্বলে দেয় সত্যের আলো। এক বিরাট দেশ—মহান জাতি আজ অন্ধকারে হাতুড়ে বেড়াচ্ছে, তোমাদের সাধনা হবে—এদের মধ্যে শিক্ষার বীজ ছড়িয়ে দেওয়া। তারি ফলে জাতি গড়ে উঠবে, ভবিষ্যতের মহান সম্ভাবনা নিয়ে বিরাট বহুদূর বিস্তারি মহিরুহের মতো। শিক্ষার যথার্থ মর্যাদা দানই হবে সফল। আর এর সাফলতাই হবে সিদ্ধি।

( জনৈক সঁওতাল প্রবেশ করিল )

সঁওতাল। - ও বিদ্যাসাগর—পাঁচ গণ্ডা পয়সা দে নইলে, হাবেক না, তুই এই ভূটা কটা গিয়া লে। পাঁচ গণ্ডা পয়সাদে।

( বিদ্যাসাগর উঠিয়া ভূটা তাকের উপর রাখিয়া পাঁচ গণ্ডা পয়সা দিলেন )

বিদ্যাসাগর। ভূদেব-হরপ্রসাদ তোমরা ও সেই শিক্ষাব্রত গ্রহণ করেছে, মনে রেখো আদর্শ বিচ্যুতি আর নৈতিক মৃত্যু একই।

হরপ্রসাদ। আপনার আশির্বাদ বিফল হবে না! - শুনেছেন,—হাণ্টার কমিশনে আপনার মতকেই শিক্ষা প্রসারে শ্রেয় মেনেছে ?

বিদ্যাসাগর। আমি—না না, আমি হতভাগ্য, আমি এদের কোন উপকার করতে পারিনি। —তোমরা পারবে।

ভূদেব। আপনাকে একটাবারের জন্তু কলিকাতা যেতে হবে। সেই জন্তুই আমরা এসেছি।

বিদ্যাসাগর। না ভূদেব এখানে বেশ আছি। এরা অতি সরল জীবন যাপন করে। আরঘর নেই—আসক্তি ও নেই—কাউকে হিংসা ঘেব করে না। প্রতারণা শঠতা এরা জানে না। লোককে ঠকার না।

হরপ্রসাদ। কিন্তু আপনার নিজের হাতে গড়া মেট্রোপলিটন নষ্ট হতে

বসেছে,—সে খবর রাখেন না। আপনার জামাই কর্তা, কাজেই কেউ কিছু বলতেও সাহস পায় না। তাকে না সরালে উন্নতি হবে না। অথচ সারাজীবনের পরিশ্রমে বাঙ্গালীর এমনি একটি জাতীয় প্রতিষ্ঠান গড়ে তুলে—

বিদ্যাসাগর। মানুষের অকৃষ্ণতায় আমি সত্য সমাজ ত্যাগ করেছি। এই সব বুদ্ধিহীন মানুষের কথা ভাবতে বসলে,—আমার এম্প্‌ এর গল্প মনে পড়ে। হরপ্রসাদ যে লোক বাদাম গাছের স্নিগ্ধ ছায়ায় বসে আতপ তাপ থেকে আত্মরক্ষা করলে, সে গাছ কোন উপকারে আসে না—কোন মূঢ় বলতে পারে বলা? এরা সব শয়তান।

ভূদেব। এরা মূর্থ। এদের আচরণে রাগ করে, জীবনের আদর্শ সমস্ত জীবনের সাধনা ভুলে যাবেন? প্রাণান্ত পরিশ্রমে যে মেট্রোপলিটন গড়ে উঠেছে; যে শিক্ষাব্রত একদিন বেচে নিয়েছিলেন—আজ তাকে অসমাপ্ত রেখে এমনি ভাবে পরিত্যাগ করবেন?

বিদ্যাসাগর। মানুষের উপর আমি চটেছি। নিজের নিকট আত্মীয়ের কাছে আমি প্রতারিত হয়েছি; যাদের মঙ্গল করতে গিয়েছি তারাই সবচেয়ে বেশী বাঁধা সৃষ্টি করেছে। ঘরে আশুন দিয়েছে, আমার প্রাণের উপর আঘাত হেনেছে। ভাইদের লেখাপড়া শিখিয়ে মানুষ করেছি—তারাই আমার বিপক্ষতা করছে। তাদের স্বগিত আচরণে,—তাদের স্বার্থ বুদ্ধিতে আমাকে ঘর ছাড়া করেছে। এই নিকরাসন আমি স্বেচ্ছায় গ্রহণ করিনি। আমার স্ত্রীপুত্র আমার প্রতি বিরূপ। আজ আমার কেউ নেই। অথচ একদিন এদের মঙ্গল

করবো—এই প্রতিজ্ঞা করে শিক্ষা গ্রহণ করেছিলাম—  
কার্য ক্ষেত্রে নেমেছিলাম। —আর আজ সবচেয়ে আঘাত  
এলো এদের কাছ থেকে। দুঃখ হয়, জীবনের আদর্শকে ত্যাগ  
করতে হ'লো। ভূদেব যদি আজ আমার মা বেঁচে  
থাকতেন—হয়ত আমাকে এমনি ভাগ্যহত হতে হত না।  
আমার মা—( বিদ্যাসাগর কাঁদিতে লাগিলেন )

( একজন সাঁওতাল মাথায় ভূটোর ঝাঁক প্রবেশ করিল )

সাঁওতাল। আমার আটগুণ্ডা পরসা দে বিদ্যাসাগর। ( ভূটো ঢালিয়া  
দিল, বিদ্যাসাগর তুলিয়া রাখিয়া পরসা দিল )

হরপ্রসাদ। বাঃ এত বড় আশ্চর্য্য! খরিদার দর করেনা, দর করে যে  
বিক্রী করে! এত ভূটো লইয়া কি করবেন?

বিদ্যাসাগর। দেখুবিরে,—দেখবি। হাঁ, মায়ের মৃত্যুর আঘাত আজো  
ভুলতে পারিনি ভূদেব। পিতার মৃত্যুতেও আমি অত  
দুঃখ পাইনি। পিতার কথা আমার মনেই হয় না।  
আমার মা আমাকে সকল কাজে সমর্থন করতেন—সেই  
ছিল আমার শক্তি। এ যেন নদীশ্রোতে ধৌত বিরাট  
মহিরুহের মূল। মাটির মায়া তার শিথিল হয়ে যাচ্ছে—  
আমি তা প্রাণে প্রাণে—অনুভব করি।

( একটা সাঁওতাল ছুঁড়ি প্রবেশ করিল )

সাঁওতাল ছুঁড়ি। ও বিদ্যাসাগর—আমাদের খেতে দে—

হরপ্রসাদ। ওরা খেতে চাচ্ছে। আমার কাছে খাবার আছে—দেবো?

বিদ্যাসাগর। দূরহ, ওরা কি ওর স্বাদ জানে—না রস পায়? দিলে-টপ  
করে খেয়ে ফেলবে, ওদের পেট ভরা নিয়ে কথা। তোর  
সঙ্গে খাবার আছে নাকি? কই দেখি?

হরপ্রসাদ । এতক্ষণ—বাঁধা আছে, হয়ত নষ্ট হয়ে গেছে । ( হরপ্রসাদ উঠিয়া গেল )

ভূদেব । আপনাকে কিন্তু যেতেই হবে ! ( বিদ্যাসাগর ঈষৎ হাসিলেন )

বিদ্যাসাগর । ( হরপ্রসাদকে বাঁধা দিলে ) ওদের অমন করে দিতে আছে ।  
( বিদ্যাসাগর কিছু আলাদা রাখিলেন )

হরপ্রসাদ । ও কি হবে ?

বিদ্যাসাগর । খাবোরে—মায়ের হাতে ভাজা তো ?

হরপ্রসাদ । হাঁ ।

বিদ্যাসাগর । বহুদিন মায়ের হাতের রান্না খাইনি । ( দীর্ঘশ্বাস পড়িল )  
( সাঁওতালদিগকে দিতেই—গোত্রাসে গিলিল )

বিদ্যাসাগর । দেখ্‌লি ?—( অনেকগুলি সাঁওতাল নৃত্য ও গান করিতে করিতে প্রবেশ করিল । -ত একজন বলিতেছে বিদ্যাসাগর—  
আমাদের খেতে দে—আমাদের খেতে দে । বিদ্যাসাগর  
কেনা সমস্ত ভূট্টা ঢালিয়া দিল, সকলে কলরব করিয়া  
খাইতে খাইতে প্রস্থান করিল ।

( একজন সাঁওতাল রমণী কাঁদিতে কাঁদিতে প্রবেশ করিল )

সাঁওতাল । বিদ্যাসাগর আমার ছেলেডা মরছে—দেখ্‌বি চ—

বিদ্যাসাগর । কি হয়েছে রে—?

সাঁওতাল । লোহু পড়াচ্ছে রে—

বিদ্যাসাগর । হঃ—( ছোট একটি বাস্ন হইতে গুটি দুই ঔষধ নিয়ে—  
অগ্রসর হলেন )

হরপ্রসাদ । আপনি চললেন নাকি ?

বিদ্যাসাগর । ওর ছেলেটা মরছে ; এই আসছি,—যাবো আর আসবো—  
হরপ্রসাদ । কতদূর যাবেন ?

বিদ্যাসাগর । ( পথ থেকে ) মাইল দেড়েক হবে, বেশী নয়—এই একুনি  
আসবো । ( বিদ্যাসাগর চলিয়া গেল,—উভয়ে গমন পথের  
দিকে তাকাইয়া—অন্যমনস্ক বাহিরে গেল । সঁওতালগণ—  
একে একে বাহিরে গেল । মধ্যে দুই একজন রহিল ।  
একটু পরে বিদ্যাসাগর ঘূর্ণাক্ত কলেববে ফিরিলেন :  
হরপ্রসাদ ও ভূদেব বাহির হইয়া আসিল )

বিদ্যাসাগর । আশ্চর্য্য !—বুঝিলি হরপ্রসাদ একদাগে রক্ত বন্ধ হয়ে গেল ।  
এরা তো মেলা ঔষধ খায় না,—তাই অল্পেই উপকার হয় ।  
তোরা কলকাতার বাবু ঔষধ খেয়ে খেয়ে পেটে চড়া  
ফেলেছিস্—বালুর চড়া—রস নেই, ( হাসি ) মেলা ঔষধ  
না খেলে তাদের কাজ হয় না ।

হরপ্রসাদ । ( আন্তে আন্তে উচ্চারণ করিল ) ঋং প্রসুপ্তমিব সংস্রিতে  
রবো তেজসো মহত ঈদৃশি গতিঃ । তৎ প্রকাশয়তি  
যাবদ্ব্যক্তং মীলনার ঋণু তাবশ্যাত্ম ।” অন্ত সূর্য্যের গৌরব  
রশ্মি প্রদোষ কালেও মহিমা বিকিরণ করে !

বিদ্যাসাগর । ( হাসিলেন ) তুমি তো সেই ফর্মা আঁটা “I has.” চল,  
এবার জ্ঞান খাওয়া—

ভূদেব । ( হাসি ) সে খেয়াল আছে ? ( হাসিয়া তিনজনে ভিতরে  
গেলেন । )

প্রথম সঁওতাল । ও সহরে বাবুগুলির কি কাম আছেরে ! বিদ্যাসাগরকে  
লিরা যাইব বুঝি ?

দ্বিতীয় সঁওতাল । বিদ্যাসাগর বাবুটি বরা ভালো যোগো—

( দীনময়ী ও নারায়ণ প্রবেশ করিল—ধূলি মলিন বেশ—  
মুখে চোখে পথ ক্লান্তির অবসন্নতা )

নারায়ণ । ( সাঁওতালকে ) এখানে বিদ্যাসাগর মশাই থাকেন না ?  
প্রথম সাঁওতাল । তুই উয়ার কে বট ? বিদ্যাসাগরকে তুর কি কাম ?—  
না, এখন হবেক না ।

নারায়ণ । কিন্তু আমাদের দরকার—

দ্বিতীয় সাঁওতাল । সহরে লইয়া যাইবা বুঝি হ—হ— ।

দীনময়ী । না না বাবা । এ যে—ওর ছেলে !

প্রথম সাঁওতাল । উহার বেটা ? - রোস্—বিদ্যাসাগর—ও বিদ্যাসাগর—

( বিদ্যাসাগর বাহির হইয়া আসিল )

বিদ্যাসাগর । তোরা ! নারায়ণ ! তুমি ! ( নারায়ণ ও দীনময়ী প্রনাম  
করিল ) হরপ্রসাদ—ভূদেব দেখ এসে কারা এসেছে ।

( হরপ্রসাদ ও ভূদেব প্রবেশ করিয়া দীনময়ীকে প্রনাম  
করিল । দীনময়ী মাটিতে বসিতে যাইতেছিল )

বিদ্যাসাগর । ( বাঁধা দিল ) এখানে নয়, ভিতরে এসো—ভিতরে—

নারায়ণ । ( হরপ্রসাদ ও ভূদেবকে প্রনাম ) আপনারা কবে এলেন ?

ভূদেব । কালই এসেছি বাবা—তোমরা ভাল আছো ?

নারায়ণ । আমি ভাল আছি । মায়ের শরীর ভাল নেই, কিন্তু  
পিতাঠাকুর মশাইয়ের অসুখের সংবাদে কোন আপত্তিই  
গুনলেন না । ( ভূদেব হাসিলেন উত্তর দিলেন না )

দীনময়ী । আমি আর দাঁড়াতে পারছি না—( টলিতে ছিলেন  
বিদ্যাসাগর ধরিলেন )

বিদ্যাসাগর । চল—ভিতরে চল—

দীনময়ী । ( বাঁধাদিলেন—নারায়ণকে বিদ্যাসাগরের সামনে আনিয়া )

আমি তোমাকে ফিরিয়ে নিয়ে যেতে এসেছি তোমার এই নির্যাসন আমি আর সহ্য করতে পারিনে। জীবনে তোমাকে বহু কষ্ট দিয়েছি—নিজেও দুঃখ পেয়েছি। কিন্তু যাবার আগে—নারায়ণকে তুমি ক্ষমা করেছো, দেখে যেতে না পারলে—মরেও শাস্তি পাবো না। চিরজীবন তোমার বিরুদ্ধাচরণ করেছি,—আমার আজ আর লজ্জা নেই। আমার দিনও শেষ হয়ে এসেছে। পতি পুত্র রেখে মরবার সৌভাগ্য সকলের হয় না—। আমার শাণ্ডীর আশীর্ব্বাদ—মিথ্যা হতে পারে না, তাই এসেছি। আমার জ্ঞান নয়,—এই অজ্ঞান পুত্রের জ্ঞান। তাকে যদি তুমি ক্ষমা না কর,—যদি অভিশপ্ত্যাদ দাও—

বিদ্যাসাগর। (তীব্রভাবে বাঁধা দিলেন) নারায়ণকে আমি অভিশাপ দেবো,—তুমি বলছো কি নতুন বো! না না তোমাকে কিছু বলতে হবে না।—ওর আবার অপরাধ কি? ও সব আমি গ্রাহ্য করিনে। ওকে আমি ক্ষমা করেছি,—ইঁ। ওঠ্, ওঠ্ (নারায়ণকে পদপ্রান্ত হইতে তুলিলেন) যত সব—পাগল—বুঝেছ হরপ্রসাদ, নারায়ণ আমার কাছে ক্ষমা চায়। ও ভুলে গেছে—কিন্তু আমি যে ওর বাপ—(হাসিলেন, চোখের পাশ দিয়া অশ্রু গড়াইয়া পড়িল) পাগল—! পাগল!



পঞ্চম দৃশ্য

মেট্রোপলিটান কলেজের সম্মুখভাগ। পেছনে কলেজের  
বাড়ী দেখা যাইতেছে। উৎসব সজ্জার সজ্জিত—দ্বারে  
মঙ্গল কলস পুষ্প মালা পতাকা শোভিত। বার্ষিক উৎসব  
তিথি। দলে দলে লোকের সমাগম দেখা যাইতেছে।—  
কেহ দাঁড়াইয়া আলোচনা করিতেছে কেহ অগ্রসর হইয়া  
যাইতেছে।

তিন চার জনের একটি দল দাঁড়াইল।

১ম।

হাঁ, আজই কলেজের বার্ষিক উৎসব।

২য়।

খুব আয়োজন হয়েছে।—হবেনা—

পণ্ডিতের জিদ— কে না জানে ?—

উদ্যোগিনাং পুরুষ সিংহ,—নিশ্চয়ই সিংহ রাশিতে  
বিদ্যাসাগর জন্মে ছিলেন।

৩য়।

yes, Metropolitan is a monumental work  
of education.

৪র্থ।

পণ্ডিত শিক্ষার জন্তই জীবনটা দিলে।

২য়।

জীবন দিলে মানে—!

৪র্থ।

শোননি— সেই যে শ্রীরামপুরে বিদ্যালয় দে তে গিয়ে গাড়ী  
উল্টে আঘাত পেলেন—সেই থেকেই তো শয্যাশায়ী।— আর  
হয়তো এট তার শেষ শয্যা।

৩য়।

আহাঃ বড় ভাল লোক ছিলেন পণ্ডিত—(দূরে দেখিয়া)

ও কে—সুরেন ব্যানার্জি না !

১ম।

সুরেন ব্যানার্জি কে ?

৪র্থ।

কি বললে—ইয়ং বেঙ্গল—তুমি সুরেন বাড়ুয়ে কে

জান না। ঠিক সেই কারণে সুরেন্দ্রনাথকে মিডিল সার্ভিস থেকে তাড়ালে। দাস জাতি মাথা মুইয়ে—বোবা হয়ে চলবে এই তারা চাহ—বুকেছ ?—পণ্ডিত যে তাকে কলেজের কাজে লাগিয়েছে।

২য়। এই শিক্ষাব্রতনের মধ্যে তাঁর স্বপ্ন সফল হয়ে উঠেছে। এ তাঁর অমর কীর্তি।

১ম। তাহলে পণ্ডিত আসবে না আজ ? আমি তাকে দেখবার জন্যই বহুদূর থেকে এসেছি।

( কথা বলিতে বলিতে অগ্রসর হইয়া গেল। বাহিরে “বিদ্যাসাগর আসছেন—পণ্ডিত বিদ্যাসাগর—।” চলিতে চলিতে তিন চারজন থামিয়া গেল )

১ম। তা হ'লে বিদ্যাসাগর আসছেন !

২য়। এ যে তাঁর জীবন,—শিক্ষাব্রত নিয়েই লোকটা জন্মেছিল !

১ম। আমরা যে তাঁকেই দেখতে এসেছি !

৩য়। আমরা ও ।

১ম। কৃষ্ণদাস পাল এসেছে ?

২য়। আসবে না ?—হাতে খড়ির প্লেট বই পণ্ডিত কিনে দিয়েছিল না ?—আজ তাই কৃষ্ণদাস পাল—সুরেন্দ্র নাথ ব্যানার্জি—

৩য়। লোকটা দান করেই ফতুর হ'ল ! মাইকেলের—ফরাসী শ্রাম্পেন যোগাতে সংস্কৃত প্রেস ডিপোজিটরী বিক্রী হয়ে জানোনা—নন্দকুমারকে কেন কাঁসি দিয়েছিল জানো ?—গেল।

২য়। হতভাগ্য মাইকেল শেষ কাজে অচিকিৎসায়—হাঁস পাতালে মারা গেলেন !

- ১ম । দান করে বিদ্যাসাগর কোন দিন ক্ষোভ করেন নি । তিনি যাকে দান করতেন সে ছাড়া আর কেউ তা জানতে পারতো না । পণ্ডিত স্পষ্টই বলতেন,—লোকের সামনে দিলে গজ্ঞা পাবে, তাই গোপনে দিই । প্রচার করা আমার উদ্দেশ্য নয় । লোকের কষ্ট লাঘবই আমার ইচ্ছা । নামে আমার প্রয়োজন কি !—আমাদের হরপ্রসাদ—পণ্ডিতই তাকে মানুষ করলে, তাই—আজ সে শাস্ত্রি ।
- ৩য় । তাঁর সেই আদর্শ আত্মার কোন দিনই মৃত্যু নেই ! ( অগ্রসর হইয়া গেল । আর একদল প্রবেশ করিল )
- ১ম । দেশের লোক হজুগ প্রায় ! আজ পণ্ডিতকে মাথায় তুলে নাচ্ছে—আর যেদিন মেয়ে স্কুল খুলে ছিলেন, কত লাঞ্ছনা গজ্ঞনা । কতজনে বলেছে, “এইবার কলির বাকি যা’ ছিল হ’য়ে গেল । মেয়েগুলি কেতাব ধরলে আর কিছু বাকি থাকবে না ।”
- ২য় । নাটুকে রাম নারায়ণ রসিকতা করতো, বাপরে বাপ ; মেয়েদের লেখা পড়া শিখালে কি আর রক্ষা আছে ! এক ‘আনা’ শিখিয়ে রক্ষে নেই ; চাল আন, ডাল আন, কাপড় আন, করে অস্থির । অন্য অক্ষর শেখালে আর রক্ষে থাকবে না ।
- ১ । “বিবিজান চলে যান লবেজান করে” (উচ্চ হাসি )  
কি কবিতাই লিখে গেছে ঈশ্বর গুপ্ত । গুপ্ত হলেও ঈশ্বর তো বটে !
- ১ম । আজ সেই বিদ্যালয়ে বালিকাদের স্থান সংকুলন হচ্ছে না—
- ২য় । কিন্তু বিধবা বিবাহ—ও আর কিছুতেই প্রচলন করতে

পারলেন না। এ তাঁর অপকীর্তি—

১ম। তিনি সর্বস্ব এর জন্ত খুঁইয়েছেন।

৩য়। আমাদের সংস্কার !

১ম। পণ্ডিত এত বিদ্বান—অথচ ধর্মের ত্রিসীমা কখনও মাতাননি।

২য়। --শোন নাই বুঝি সেই গল্প—? একবার বন্ধুদের পাল্লায় পড়ে দক্ষিণেশ্বরে বাবা ঠাকুরের কাছে গিয়েছিলেন। বাবাঠাকুর পণ্ডিতকে দেখে রসিকতা করেন, সাগর আবার ডোবার কাছে কেন? বিদ্যাসাগর হেসে উত্তর দিলেন, সাগর আর ডোবার মূল পদার্থের প্রভেদ আছে কি? তাঁর সত্য পরিচয় ডোবাতেও লুকানো আছে!

(হাসিতে হাসিতে—বাহিরে গেল। হরপ্রসাদ ও ভূদেব প্রবেশ করিল)

হরপ্রসাদ। বিদ্যাসাগর মশাই আসবেন খবর দিয়েছেন।

ভূদেব। এট শরীর নিষে তাঁর আসার কি প্রয়োজন ছিল—?

হরপ্রসাদ। সবাই ও কথা বলেছে; কিন্তু তিনি কিছুতেই রাজি হলেন না। যারা বাধা দিয়েছিল তাদের বলেছেন, হয়ত এই আমার শেষ.—আমি শেষ বারের মতো আমার ছাত্রদের দেখতে চাই।

ভূদেব। শিকার জন্ত এত আগ্রহ এমন ছাত্র প্রীতি আমি আর দেখিনি হরপ্রসাদ।

(আর একটিল পাশ দিয়া বলিতে বলিতে গেল। “এসে গিয়েছেন।” “ঐ যে পাশ্বি দেখা যাচ্ছে”)

হরপ্রসাদ। চলুন তা হলে কাজ আরম্ভ করি—বিদ্যাসাগর মশাইকে বেশীক্ষণ রাখা সম্ভব হবে না।

ভূদেব । কিন্তু তাঁর আসা উচিত হয় নি—(বলিতে বলিতে চলিতে লাগিলেন—আরো তিন চার জন প্রবেশ করিল)

১ম । সভা আরম্ভ হয়ে গেছে ?

২য় । বিদ্যাসাগর মশাই এসেছেন ?

৩য় । তিনি কর্তব্য সম্পাদনে এতটুকু অবহেলা কখনও করেন নি । সময়নিষ্ঠা ছিল তাঁর জীবনের আদর্শ ।

২য় । তিনি আসেন নি ?—তিনি ছাড়া সভা—এষে শিব ছাড়া যজ্ঞ । এহতে পারে না ।

৩য় । শুনেছি তাঁর শরীর ভাল নেই ।

১ম । বয়স ও তো কম হয় নি - এই—একান্তর চলছে । বয়সের দোষ কি ?—সারা জীবনের খাঁটুনি—

৩য় । Really. He struggled with poverty, with social evils, with ill customs, slavery and with what not..... He is a true revolutionary incarnate, He struggled through out his life

(এই সময়ে দূরে শোনা গেল । “সাবধান” “সাবধান” “খুব আস্তে”—“খু-উ-ব আস্তে”—“ডাক্তার”—“ডাক্তার” ইত্যাদি ।)

১ম । ও কিসের শব্দ ?—ডাক্তার ডাকছে কেন ? - কি হলো ?

৩য় । How do I know. I am here. চলুন দেখা যাক ।  
(অনেকে একত্রে বিদ্যাসাগরকে পাঁজা কোলে প্রবেশ করিল । অতি সাবধানে তাঁহাকে নামাইয়া রাখিল )

২য় । কি ?—কি ব্যাপার ?

- শম্ভু । দুর্বল শরীর । উঠতে গিয়ে হঠাৎ পড়ে গেলেন ।
- ১ম । আসবার কি দরকার ছিল !
- ২য় । না এসে কি থাকতে পারেন—এষে তাঁর প্রাণ !
- ৩য় । ডাক্তার—ডাক্তার ডাকতে গেছে ? ( ভূদেব ও হরপ্রসাদ ব্যস্ত হয়ে ঢুকিল )
- ভূদেব । যত সব ছেলে মানুষি ! কেন ? কি দরকার ছিল ?  
হরপ্রসাদ দেখ দেখি নাড়ীটা—ঠিক চলছে ?  
( হরপ্রসাদ হাত দেখিতে লাগিল )
- শম্ভু । ডাক্তার ডাকতে গেছে ।
- ভূদেব । ও আপনিও সঙ্গে আছেন দেখছি, তা একে কেন আসতে  
দিলেন ? হরপ্রসাদ—বুঝছো কেমন ?
- হরপ্রসাদ । খুবই দুর্বল । ( মুখ বিকৃতি )  
( ডাক্তারের প্রবেশ )
- ভূদেব । ( অস্থির ) এইষে এসছো ডাক্তার, দেখ দেখি কি কাণ্ড !  
বড়ো হলে লোকের বুদ্ধি লোপ পায়—
- ডাক্তার । ( গম্ভীর ) সরে যাও—সব সরে যাও ।  
বাতাস চাই—হাঁ বাতাস । আলো বাতাস বন্ধ করেই  
তোমরা রোগীকে মারবে । মূর্খ—যত সব মূর্খ—জল—  
জল— ( ডাক্তার রোগীর হাত তুলিয়া নিল )
- ভূদেব । কেমন বুঝছো ডাক্তার ? কোন জ্ঞান নেই—শম্ভুবাবু  
আপনিও তো ছিলেন সাথে—  
( বুঝা অসুযোগ এমন ইঙ্গিত করিলেন )
- হরপ্রসাদ । ডাক্তার বাবু—
- ডাক্তার । ( গম্ভীর ) Very weak বড়ই দুর্বল । I am afraid—

- ভূদেব (অমুরোধে) বুকটা দেখুন ডাক্তার বাবু—(হতাশ ভঙ্গি)  
(ডাক্তার গম্ভীর ভাবে বুক পরীক্ষা করিতে লাগিল)
- ডাক্তার। না, ভয় নেই। তবে ভয় হতে কতক্ষণ—? এখানে নিয়ে এলে কেন? আসতে দেওয়া ঠিক হয়নি। না—তোমাদের বলেও কিছু লাভ নেই। যত সব অস্ত্র মূর্খ। ডাক্তারের পরামর্শ সম্বন্ধ থাকতে নেবে কেন— যত সব—
- শঙ্কু। দাদা কথা শোনেন না। নিষেধ করে ছিলাম—
- হরপ্রসাদ। এ ওর নিজের কীর্তি—ডাক্তার—
- ডাক্তার। বাখো তোমার কীর্তি। তোমাদের যা খুশি কর বাবু—সব ইসং বেঙ্গল কিনা! আমরা সে কালের লোক।—তাই যদি নয় তবে ডাক্তার ডাকা কেন? ডাক্তার ডাকবে তো তার কথা শুনে চলতে হবে! (ভূদেবকে) কি বলেন আপনি? আপনিতো বিজ্ঞ লোক। Medical man দের অনেক দাযিত্ব। বোগীর মর্জি দেখলে চলে না। রোগী কি তেঁতো কুইনাইন খেতে চাইবে? কিন্তু তাকে খাওয়াতেই হবে, নয় জ্বর ছাড়বে কেন?
- হরপ্রসাদ। রোগাশরীর বলে ও বিশ্রাম তো নেই—অনবরত চলছে লেখা।
- ভূদেব। এই বয়েস—এই স্বাস্থ্য একটুকু বিরাম নেই—উপরন্তু জেদ আছে—ডাক্তার কেমন দেখছেন?
- ডাক্তার। (পরীক্ষা করিতে করিতে) হতেই হবে। কয়ই এখন প্রবল। শুভ আশা বৃথা। ক্ষতি আর পূরণ—এই নিয়েই চলছে জীবন। যেখানে পূরণ নেই,—কেবল ক্ষতিই ক্ষতিরে চলবে, সেখানে ফতুর হ'ত কতক্ষণ। (বিদ্যাসাগর

বিদ্যাসাগর। (অক্ষুটে) জল।

ভূদেব। (বাস্ত) জল—জল কৈ—শীঘ্র জল—

হরপ্রসাদ। এই তো জল রয়েছে। অস্থির হবেন না। (বিদ্যাসাগরের মুখে জল দিল)

ভূদেব। ও—জল আছে। (মুখের উপর ঝুঁকে) এখন কেমন বোধ করছেন? (পণ্ডিত তাকাইলেন)

ডাক্তার। (বাঁধা দিল) নানা, এখন কথা নষ। আরো বিশ্রাম চাই—  
বিশ্রাম।

শঙ্কু। (জল মুখে দিল) এখন কেমন বুঝছে। দাদা? নারায়ণকে সংবাদ দিয়েছি—এখনি আসলো বলে—

বিদ্যাসাগর। (হাত তুলিয়া নিষেধ) দবকাব নেই। হরপ্রসাদ কৈ?  
—ভূদেব? (ভূদেব, হরপ্রসাদ মুখের উপর ঝুঁকিল)

ভূদেব। পণ্ডিত!

বিদ্যাসাগর। (আস্তে আস্তে) কি বলেছেন মিঃ সাটক্লিপ?

হরপ্রসাদ। মেট্রোপলিটনের ফল দেখে মিঃ সাটক্লিপ বলেছেন—  
‘পণ্ডিত তাক লাগিয়ে দিয়েছে।’

ভূদেব। একথা তাকে বলতেই হবে।

বিদ্যাসাগর। শোন ভূদেব শোন—কি বলেছে—মিঃ সাটক্লিপ। অথচ এরাই বলেছিল, ইংরেজী ভাষা আবার বাংলায় পড়াবে কি! আমার কলেজ স্থাপনের সময়, এরা কত বিরুদ্ধ মন্তব্য করেছিল। কিন্তু আজ?—আজ সাটক্লিপ সাহেবকেও বলতে হলো তো—“পণ্ডিত তাক লাগিয়ে দিয়েছে।” (পরিপূর্ণ স্তুতির হাসিতে মুখ উজ্জল হইয়া উঠিল)











